





Theodore  
Besterman









IUSTI LIPSI  
EPISTOLARVM  
SELECTARVM  
CENTVRIA TERTIA  
MISCELLANEA.



ANTVERPIÆ,  
EX OFFICINA PLANTINIANA,  
Apud Ioannem Moretum.  
cId. Idc. v.

*Cum Privilegiis Casareo & duorum Regum.*

DEPARTMENT OF THE ARMY  
OFFICE OF THE SECRETARY  
WASHINGTON, D. C.  
MAY 10 1898



RECEIVED  
MAY 10 1898  
OFFICE OF THE SECRETARY  
WASHINGTON, D. C.



AMPL<sup>MO</sup> ET NOBIL<sup>MO</sup> DOMINO,

D. I O A N N I

DRENCKWAIRTO

EQVITI, TOPARCHÆ DORMALIÆ,

supremo Belgicæ Thesaurario.



ENTVRIAM hanc MISCEL-  
LANEAM ad te mitto, non  
munus, sed particulam luen-  
di æris, quod varium & mul-  
tiplex fatemur debere. De-  
cem anni sunt, cùm me beneficiis alijs su-  
peralia cumulas: vt non dicam relationem,  
sed actionem gratiarum studio videaris præ-  
uenire. Quid autem vel nunc refero?  
EPISTOLAS, plerasque ipsas ad te missas:  
& velle eo nomine tibi inscribendas. Sed EPI-  
STOLAS cùm dico, quid nisi rem leuem &  
subitaneam, & intra verba consistentem di-

co ? Sanè argumenti aut grauioris materia  
hîc parum est: etsi alibi aliquid intercurrit  
sed quaecumque, nec felicibus bonisqu  
temporibus, cùm flos & acumen ingeniorum  
fuit, repudiatum ab editione & à famâ ho  
genus. Epistolas quidem scribere, commun  
&, vt sic dicam, passium est: benè scribere  
infrequens, etiam in communi & frequent  
aliquâ linguâ. Eò magis iure laudem poscit, f  
quis in Romanâ præstat, iam olim desitâ: &  
quæ tamen diuinâ prouidentia vinculum gen  
tium in Europâ hæsit, & thesaurus ac condi  
torium scientiarum. Quid ? inquires. tant  
ergo Latine scribere ? non: sed sic subito &  
in festinationis illo calore, & sine industria  
colore scribere, id fortassè pretium habet  
apud peritos quidem arbitros rerum & in  
geniorum. Nam si studium hîc & affectatio  
apparet, nihil est: simplex hoc genus est, sine  
fuco aut paraturâ, &

*Qualis Apelleis est color in tabulis.*

Atque ego de elegantia nescio, sed de facili  
tate aut ( vt liberè dicam ) neglegentia scio: &  
quàm



quàm nobis hæc sub manu feri nascique fo-  
leant, celerius fortasse quàm scribam. Itaque  
velut præcoces quidam fructus sunt, iidem-  
que fugaces: qui tamen & vestris magnatum  
mensis inferri solent, & gratiam festinationis  
mereri. Quæso apud te, Amplissime Domi-  
ne, ita sit: placeant quia in affectata sunt, quia  
candida & aperta sunt, simillima ingenio &  
moribus tuis. Scio equidem graues seriasque  
tuas curas, in officio laborioso & addam in-  
uidioso: & in quo non dicam gratiam mere-  
ri, sed odium vitare difficile est. Quod tu ta-  
men multos annos est, cùm ita sustines, vt in-  
dustriam fidemque tuam Regi antea, nunc  
Principibus probaueris; & communiter om-  
nibus integritatem, & animum ab omni labe  
aut corruptelâ immunem. Nam tu rationes  
istas Belgicæ, publicâ famæ voce administras,  
tam abstinenter quàm alienas, tam diligenter  
quàm tuas, tam religiosè quàm publicas, &  
quæ sacrum illud nomen Patriæ tangunt. Hæc  
tua laus est, & in sedato animo vigor maxi-  
marum rerum capax: quem, vt cœpi, iterum  
rogo,

rogo, ad hæc etiam minuta, sed fortassè oblectantia, demitti. Legistîne Achillem inter media arma citharam & fides interposuisse, & animum ægrum curâ aut offensâ recreasse. Idem facito, hæc vt ludicra sumito : sed ab animo tamen serio & graui profecta, & incultum tui deuoto. Louanij , v. Kalendas Martias. ∞ . Iocii.



INDEX



# INDEX EPISTOLARVM CENTVRIÆ III.

## MISCELLANÆ.

**A** BRAHAMO Ortelio xj.  
Ægidio Schonondoncho, Soc.  
Iesu lxxxj.  
Antonio Richardoto suo xcij.

B.

Balduino Iunio suo xlix, lij.  
Balthasari Moreto suo lxxxix.  
Balthasari Robiano, Senatori  
lxxvij.

C.

Carolo Clusio xvj.  
Carolo Vtenhouio xxvij.  
Claudio Frossardo à Broiffia viij.  
ad Contubernales suos lj.  
Cornelio Anchemanto suo lxxij.  
Cornelio Prunio V. C. xiiij.

D.

Danieli Susio V. N. vj.  
Dionysio Villerio V. R. & Cl.  
lxxx.

E.

Erycio Puteano suo lxij, c.  
Euerardo Pollioni I<sup>to</sup> xxxij.

F.

Francisco Billiodo lvij.  
Francisco Modio xvij.  
Francisco Montmorencio Bersëij  
Toparchæ lxxxvij.  
Francisco Orano suo lxxxvj.

Francisco Schotto, Senatori xxxj.  
G.

Gedeoni Tserbendrixio V. R.  
& N. lv.

Gerardo Buytevechio lxxxij.

Guilielmo Barclayo xxxij.

Guilielmo Beeckmanno J<sup>to</sup> xvij.

Guilielmo Michielsio J<sup>to</sup> xxvj.

Guilielmo Scarbegero suo l.

H.

Hadriano Vander-burchio, patri  
xl, lx.

Hadriano Vander-burchio, filio,  
Senatori lvij, lxv.

Henrico Schulteto xcix.

Henrico Vvveno J<sup>to</sup> xlvi.

Hermanno Malleano xxv.

Huberto Audeiantio xxxix.

Huberto Giffanio I<sup>to</sup> xv.

Hugoni Grotio xcix.

J.

Jacobo Angiano, Equiti, Toparchæ  
Kestergatij xc.

Iacobo Campio, Archidiacono &  
Canonico ij.

Jacobo Carondeleto, Cancellario  
& Canonico ij.

Iacobo Marchantio xxiiij.

Jacobo Pontano, Soc. Iesu xxxiv.

Iano

Iano Grutero xcviij.  
 Iano Lernutio lxxxvj.  
 Joanni Baptista Perezio Baronio  
lxx, xciiij.  
 Joanni Bernartio I<sup>to</sup> xxviij, liiij,  
xcj.  
 Joanni Bezancenotto lxxj.  
 Joanni Brantio, Graphiario xx,  
xxxviij.  
 Joanni Carolo Aenobardo U. N.  
xli.  
 Ioanni Drenckvairto, Thesau-  
 rario supremo Regio, x, xiiij,  
xxij, xxiiij, xxxviij, xliij, xlvij,  
liij, lxij, lxviij, lxxviij, xcvi.  
 Joanni Hemelario lxxxiv.  
 Ioanni Hollandio xciiij.  
 Ioanni Moreto, Typographo j,  
xxxviij.  
 Ioanni Orano, Presb. Soc. Iesu xlv.  
 Joanni Seurio, Legato Hispaniensi  
 à Secretis. lxxiv.  
 Ioanni Vouerio suo xliiij, xlvij,  
lxxxviij.  
 Isaaco Casaubono lxix.  
 Iulio Salinero xcviij.  
L.  
 Lauino Torrentio, Episcopo viij.

Leonardo Lessio, Theol. Soc. Iesu  
xix.  
 Luca VVyngardo U. N. lxxix  
M.  
 Matthæo Radero, Soc. Iesu xxx  
 Matthæo VVachero, Cancellari  
 Silesie ix  
N.  
 Nicolao de VVeerd, J<sup>to</sup> & Cog  
 nato lxxij, lxxxiiij,  
 Nicolao Hacquenillio lx  
 Nicolao Ondarto U. R. lv  
 Nicolao Serario, Soc. Iesu  
O.  
 Othoni Hartio J<sup>to</sup> xij, xxi.  
P.  
 Petro Lafaillio, Caroli F. xli  
 Petro Orano I<sup>to</sup> iv, xxj, lxxx  
 Petro Pantino Decano lxiv. lxxv  
R.  
 Remaclo Roberti lxv  
S.  
 Stephano Turnebo, Senatori  
xxxv.  
T.  
 Theodoro Cantero lxx  
U.  
 Vibrando Anskema li



I  
IVSTI LIPSI  
EPISTOLARVM  
SELECTARVM  
CENTVRIA TERTIA

MISCELLANEA.

EPISTOLA I.

I. LIPSIVS IOANNI MORETO, *Typographo S. D.*



ERIO & vno verbo, mi Morete, semel hoc crede. quidquid à vobis ad me venit, gratum est, iucundum est : & meritò istæ tuæ litteræ, sincerissimū affectus in me plenæ. Nolo eū testêris : scio. nec pariter vllus vquam Plantinianus ramus erit, quem ego non amem, & cui non benefactum velim ex imo isto fonte. Ostendam hoc semper,

quamdiu melior ille spiritus diriget hoc corpus. Sed hæc non necessaria. precibus tuis respondebo, quas velut publico nomine ad me defers. Thraseam tuam, inquis, flagitant omnes. De multis, mi Morete, credo: multos etiam aliter esse censeo, & quibus hæc nostra nec grata valdè nec magna. Quæ iudicia vt nec magni ipse facio, nec planè tamen sperno : ita hoc facile apud me impetrant, vt differam opus, si non vt omittam. Philosophia ista non pro omnium gustu : & calumniam vitare fortasse melius, quàm deprecari. Munus aumarij, in quo chartæ & epistolæ nostræ recondantur, an non gratum sit te mittente? gratissimum : sed & re atque vsu opportunum, & hætenus desiderabam. In oculis aut manibus cottidie erit : & quod sequitur, eius auctor. Ergo gratia tibi esto & dicta, & reposita: tu aut tui apud me inuenite, & amandi semper amate. Lugd. Bat. v. Id. Decemb. ∞. Io. LXXXIIX.

## EPISTOLA II.

IACOBO CARONDELETO, *Cancellario & Canonico*, S. D.

**H**AVD iniuriâ mihi gratularis, de felici aduentu ad Spadanâs Aquas. Certè per multa discrimina, & molestias, hâc venimus: è quibus illa Deus depulit, & has mitigavit. Sine illius præsentis numine & auxilio, per tot ambages viarum, in hac afflictâ valetudine, numquam venissemus ad propositam metam. Sed illi gratia esto, iam hîc sumus: atque eo animo sumus, ut non ultra reuifamus ambiguos, & bonis parùm gratos, locos. Quamvis ipsa causâ deferendi. Statuimus in vicino tractu menses aliquos (fortassè & ultra) agere, & in quiete ac solitudine abdere nos in vetera illa Musarum castra. Rogo eundem illum Deum, ut curâ publico bono. Quod autem amorem tuum præfers, & testari ille verò mihi notus: occasio mihi sit, pariter testificandi & declarandi mei. Dionysium Villerium iampridem ego noui, & amo hominem verè elegantis ingenij, niuei pectoris, & prorsus de meliore luto. Inò hoc te magis amo, quòd tu illum. Mihi valdè in votis, cuiusmodi viros amplecti, & alloqui; magis, quam omnes Principes & Dynastas. De nummis priscis, coràm videbimus: capior, atque etiam aliquid capio. De fluctibus qui imminere nobis, ex præfagio illius Calchantis, videntur, nò abnuo.

\* nam nobis magna calamitas voluitur. Pind.

\* — ἡμῶν γὰρ μέγα πῆμα κωλίδε:

sed tamen de exitu haud valdè angor. Quem Deus diligit, per æqua per iniqua, per fluxus & refluxus perueniet ad suum portum. Vtinam ego ad illum salutis! salutis inquam duplicis: nam & hæc corporis, videtur per fontes vestros etiam affulgere. Sed adhuc incertò: momentum tamen & \* ῥοπή ad meliora. Vale R. & Nobilissime Vir, & nos sub metam septimanæ proximæ expectata. Nam rumor hîc de Aulâ, ad quod nomen fugio. VII. Kal. Iulij, ∞. IO. XCI.

\* inclinatio.

## EPISTOLA III.

Moguntiacum

IACOBO CAMPIO, *Archidiacono & Canonico* S. D.

**P**RAESENTIS tui vultus, & in vultu ipso conspicua probitas me delectarunt: nunc litteræ, hanc ipsam præferentes, & in m

in me amorem. Gaudeo, & redamo, atque vt litteraria hæc colloquia frequentemus, te rogo. Nummos accepi, atque aliquot Inscriptiones, suo nomine gratas, tum & illius, à quo profecta. Quis studium hoc elegantiae in viro nobili, & Germano non amet? quæ gens, nescio quomodo, parùm adhuc eò inclinauit: sed cùm eiusmodi proceres viam facient & præbunt, facile istas Lunas sequentur minora illa astra. Deus faxit, & vt huc potius se dent, quàm ad inutiles & noxias illas super Religione disputationes. Vno verbo. ego Cancellarium vestrum amo, & beniuolentiam pariter eius in me pro beneficio amplector. Cur non vidi eum, cùm essem in vestrà vrbe? Nam ad hoc quidem temporis largiter fuit: sed credo abfuisse; aut de tali viro, & virtute neminem indicium mihi fecisse. si adfuit, & siluisti, tu mi Campi peccasti. Ego salutem, & obsequiosum animum illi deferò, & tibi mi Campi significo, me in Eburonibus & nunc esse, & videri futurum hanc hiemem. Amici sunt, qui detinent, tum & locus & vrbs amœna, & caput, quòd res in patriâ nostrâ eo loco, vt nemo ad eam adspirare possit, cui grata & amica quies. Sed nec securitas in plerisque oppidis, Batauo inualecente, & nostris per secordiam, aut pessimam disciplinam infirmis. Me otium capit, non illud solum, & languidum, sed quod libri, & lucubrationes alant, ac vegetent, & quod aliquid egisse nos, etiam cùm nihil egimus, apud posteros testetur. Paro igitur plura: promptius, si diploma nobis, & interdictum à Cæsare esset, ne quis nostra statim (vulgò iam fit) recuderet, & imitaretur. Fit cum Typographi damno, fit cum meâ fraude, cui via adimitur addendi, immutandi, castigandi. Spero me in ipsâ Imperatoris aulâ amicos reperturum, sed per quos id confici, aut impetrari maximè debeat, ignoro. Tu si scis, me quoque scitiorum facito, & magis magisque tibi deuinctum deuinci. In Eburonum dominâ vrbe.

XI. Kal. Sextilis. ∞. IO. XCI.

## EPISTOLA IIII.

*Leodicum.*

PETRO ORANO *Jdo.*

**H**EVs tu, suauiter herè vnâ fuimus: & quid dicam nisi me à consortio vestro mores ducere, & paullatim hilarescere?

AAa 2

Deus



Deus faxit, remittat ille ater humor, quid nisi pater curarum & atræ mortis? De floribus meis dicebam, & inuitabam, & nesci quid promittebam. O benignitatem in inopiâ! Leidæ aliqui nobis copia,

*Huc una è multis capsula me sequitur.*

Tamen veni, vide, cape. Incito te? Carmine etiam facio: sed quod à prorsâ istâ vix abit, & quale sub manu solet nasci.

**P**ETRE, iuris & elegantioris  
*Musa candide cultor, & sacerdos;  
 Quem ni sic amo, vt hos meos ocellos,  
 Atque vt tu geminos tuos puellos,  
 Jupiter mihi perdat hos ocellos:  
 Quando ad me venies, meosque flores?  
 Namque & gestio ego ipse te videre,  
 Atque illi mage gestiunt videri.  
 En Sol purior hic, & aura Veris,  
 Pinxit, vt Babylonicum tapete,  
 Nostras areolas. veni, videbis,  
 Gaudebis quoque. namque pars eorum,  
 Herculi vt decimæ, tibi sacrata est.  
 Ecquid te traho? sed veni, peribunt  
 Illi, ni properas, tuumque donum.*

## EPISTOLA V.

*Herbipolim*

NIC. SERARIO, Soc. Jesu S. D.

**C**VM vsurâ salutem tribui, quæ epistolam bonam & vberem ad me traxit. Ita liberalis es? tamen, non mentiar illo panè sine misi. Quid dissimulem? amare te cœpi, cùm ob tua bona quæ ille ab alto tribuit, tum quia audiebam quod me amares. Non debuit diutiùs quasi sub cineribus delitescere hic ignis: quin, quia honestus est, exferat se, & chartarum isto ad miniculo det flammam. Ergo apertè iam mi Serari, amo te, & cupio à te amari. Spem facis, aut potiùs fidem, ita esse: atque ego non desistam, & donec oculi isti claudentur, non claudet hic affectus. Mittamus blanda. Lecomputium meum (ita appello am-

amo virum, & longi molestiq; itineris mei comitem fidum) honore apud vos & titulo publicè auctum, gaudeo: & scio meruisse. In patriam iuit, vtinam labascenti illi fulcrum! quod vix spero, ita omnia non ad inclinationem spectare videntur, sed ad ruinam. Pax quàm proteruiter reiecta nuper, & illa Pindari <sup>\*νου-  
χίη φιλόφρων, δ' ἴκνῃς θυγάτηρ?</sup> O misera, exulat ab Europâ: quia nec <sup>\*tranquil-  
litas beni-  
gna, iusti-  
tia filia.</sup> diu sedem habitura videtur in Germaniâ vestrâ. Illi Martiales iterum ad suum Martem: vellem ob aliam causam, quàm istam. Sed hæc infelicitas nostri æui est, innouare, turbare, pugnare: & id specie Pietatis. In eaipsâ, hortaris vt in meis refingam vbi opus, aut certè illustrem. Iamdiu statui; impediunt aut tardant partim typographi, partim quòd circumagimur, nec fiximus adhuc stabilem sedem. Scis quietæ mentis, inò & temporis, esse tale aliquod opus. Atqui conabor. & si mors præuenit, testor me alienum ab omni nouitiâ opinione aut errore, firmum in vetterum scitis. Vale. Leodici, xvi. Kal. Maijas. ∞. IC. xcii.

## EPISTOLA VI.

Leodicum.

DANIELI SVSIO IACOBI F. V. N. S. D.

**V**T audiui de morte optimi patris tui, etsi ipse doleam, tamen exi me ad te solandum. Scio quàm afflicteris; & inter alias virtutes, noui tuam pietatem. Sed mi Susi, debuisse illum mori non ignoras: & si tempora, & ea quæ circumstant, aspicias; fateberis, non potuisse opportunius mori. Æuum pessimum, & vix in spe correctionis: vt felices meritò censeamus, & verè μακαριστός, qui educti. Ipse in ætate quoque iam pessimâ, & non senex sed senior, cùm illud Lucretij locum habere incipit:

*Claudicat ingenium, delirat linguaque, mensque.*

Itaque si vinqum etymon illud Græcorum habere fidem debet, in his talibus potest: <sup>\*τὸ γῆρας, παρὰ τὸ γῆς ἐρεῖν,</sup> dictum esse. Ipsi, inquam, qui in eâ ætate, abire desiderant, extra miseras suas, & ludibria aliena. Iam quicquid optandum homini, & quæ vitæ longioris causa esse & votum solet, ipse adeptus. optimam famam, liberos propaginem stirpis, atque eos in fortunatis coniugiis, iterum ad propagandum. Alia quæ in te vidit, apud te non dicam. Optare debuit mori, in hoc sereno Fortunæ, & priusquam

\* Senium  
ab eo, quòd  
terram spe-  
ctat.

nubes aliqua offuscarer. Addo, quod caput est, mortuum piè, in sano de religione & Deo sensu. Itaque ne mortuus quidem sed terra hîc relicta & terræ reddita; ipse immortalis in cælum migravit, ad immortalem illum patrem. Hæc te solentur. ne absentiam eius cogita, quin vnà vbi sit cogites: & si pius es, in aeterno eius gaudio gaude. Facturum te confido, & habes quod ego breuiter & aridè, copiosè & vbertim tibi instillent: inter eos, Delirium nostrum. Animum tamen meum vides, quæ scito in amore tui esse & fore firmum. Louanij, vi. Idus Decembris. ∞. IO. XCII.

EPISTOLA VII. *Antuerpianæ*

LAEVINO TORRENTIO *Episcopo.*

**A**DOLESCENTES eos vidi, quos per epistolam mihi commendas: nec frustrà. Quid enim tu à me frustrà? quin impromptè volo, & debeo, quidquid voles, vt admoneri modò debeam, non rogari. Et sanè in istâ relitterariâ, libens etiam officium confero; quia censeo in publicum me impendere, quicquid ad culturam facit nostratum ingeniorum. Paucos per hæc bella, omnino paucos, ad artes nostras adspirare non ignoras: & eò magis prouehendi sunt, si qui adspirant. Quæ enim res tandem futura, si veteres, vt sic dicam, arbores exciduntur aut concidunt, nouellæ stirpes non depangantur in earum locum? Vastitas profectò, & tenebræ, & boni honestiq; inscitia, &, quod sequitur, contemptus. O vir magne, si plerique, qui ad remp. se dedent, hæc tecum iuxtà intelligant! maior certè honos aut cura esset eorum, qui has artes profitentur aut ornant; nec sic iaceret hæc ipsa (Louanium dico) earum sedes. In quâ, præter veterem nominis dignitatem, quid pænè reliquum? nec publicis opibus, sed famâ suâ dixeris eam stare. Et tamen stabit, nisi vniuersa ruinâ patriam hanc inuoluit: à quâ nonnullus mihi interdum metu est, euentus istos improsperos, & magis causas eorum intuenti. Sed benignus ille Deus, semper nostri tutor, auxiliabitur: qui quoque Reu<sup>me</sup> in C. P. seruabit Ecclesiæ suæ & Reipub. futurum. Louanij, iij. Idus Sept. ∞. IO. XCIII.



EPISTOLA VIII. *Dolam.*

CLAUDIO FROSSARDO A BROISSIA S. D.

**A** MOREM ego, non audaciam interpretor, mi Claudī, quòd ad me scribis. Et si enim varij interpellant, & verè dicam, melior dici pars scriptiunculis perit: tamen numquam mihi graue, capere aut reddere litteras ijs, qui tui similes, in virtutis & doctrinæ viâ recto cursu pergunt. Est etiam naturâ insitum, vt amemus faueamusque ijs, quos putamus operâ nostrâ meliores, aut instructiores. quo in numero censere te non desinam, qui aliquamdiu cum affectu & industriâ nos audisti. Et nunc patria tua te habet, magis loco alio quàm animo, vti confido; & pergis haud dubiè in ijs, quæ benè cœpisti, & exstrues ædificium, cuius iacta iamdiu fundamenta. Deus faciat. & (ne aliò te mittam) pater tuus, vir magnus, tibi sit in oculis, quem ad culmen hoc honorum eaispa studia artesque duxerunt, ad quas te vocamus. Vixi ipse olim in eâ vrbe vestrâ, sed non longum: & specimen etiam tunc aliquod publicè dedimus ingenij, aut facundiæ, siquid in nobis erat. velim scire, ecquid schola nunc floreat? vereor vt minimè, cùm motus, si non vestros, vicinos tamen video, & Martem ac Bellonam vbique in pretio magis, quàm Phæbum aut Musas. Istę vices rerum sunt, & magnus ille gubernator, modò temporum lenem aliquam mitemque æstatem inducit; modò asperam turbantemque hiemem. Ferenda omnia, & expectanda ac votis expetenda meliora. sed vita in primis: quæ si emendata, profectò hæc quoque breui emendentur. Vale mi Claudī, & Amplissimo parenti tuo officium & salutem meam defer. Louanij, vii. Kal. Febr. ∞. IO. XCIII.

EPISTOLA IX. *Vratislauiam.*MATHÆO WACHERO *Cancellario Silesiæ* S. D.

**S** I à frequentiâ scribendi animum meum æstimas & amo-rem; malè audiam necesse est, & deseruisse videbor militiæ huius signa. Quod non ita est, spondeo: sed laxat me, & velut comineatum aliquem liberiores dat, valetudo. Pares non sumus, quod apud te profiteor, reponere tot epistolis, quas vndique &

que & assidue missas lectitamus. Tamen vos mihi pauci illi ex-  
imij; & ipsa cessatio etiam habuit causam, ut in occasione te  
affarer. Ecce data est, scribo, & una libellos de C R V C E mitto.  
Titulus magnum aliquid spondet: tractatui autem stilus noster  
fortasse non respondet. sed vos legite, & quod amicorum est, iu-  
dicate, atque etiam indicate. Amo admoneri. De filio, quod po-  
stremis litteris consilium meum quaesieras, nunc dabo: etsi ex  
ipso silentio videre potuisti, quid sentiam. Nam si mittendum  
huc iudicasset, certe respondiissem & id scripasissem: non placuit,  
ne nunc quidem. quid ita? non quin iucundum esset, tuum ali-  
quem, imò te ipsum quodammodo, hinc habere; sed quia omnia  
bello etiam iacent, nec est vetus illa schola quae fuit. Exteri non  
conueniunt, ob viarum discrimina, & quia in vicino hostis. Qui  
Louanij iam agimus, nihil mentiemur, si in liberâ quâdam cu-  
stodiâ nos agere dicimus. Vestigium extra urbem tutò non po-  
nimus, & illa prata, campi, siluulae, calcantur aut adeuntur raro  
pede. Cur igitur nos ipsi hinc agimus? quia alia nostra ratio à iu-  
uenture. Quiescere nobis propositum; illis discere, tutò agere &  
iucundè. denique haec patria mea est, & incommoda etiam eius  
meritò fero. Ut parentis aspera aliqua verba, filius patienter au-  
diat, extraneus aspernetur: simile hinc esse dicam. Mollit etiam  
quòd Rex & Ordines honestè me & benignè habent. Sic agi-  
mus mi Wachere: ut apud te omnia benè & votiuè, idque in  
longum, Deum equidem rogo. Louanij, Nonis Feb. ∞. 16  
XCIII.

## EPISTOLA X.

Bruxellam

IOANNI DRENCKWAIRTO, *Thesaurario supremo Regio.*

**H**ARTIVM dimittere sine litteris nolui, illū Hartium in a-  
more vtriusque nostrū. Et quod me in tuo esse voluisti  
gratias habeo, & in animo agnosco. Non fallunt me aut verb-  
tam benigna, aut ipse vultus, affectus tui index. Habeo, inquam  
gratiam, & debeo: atque utinam in me sit, quo foueam hone-  
stum istum ignem! Quod quidem petebas à me nuper, de ado-  
lescente aliquo, quem ad manum & honestiora munera habe-  
res, qui esset ex meâ institutione: hoc ipso quid de me sentias vi-  
deo, & statim dedi operam, ut effectum darem. Scripsi ad quem  
dam

dam, qui nunc Mechliniæ; sed frustra, quia fides eius alteri iam obligata. Putabam tamen illum aptum futurum, ingenio, doctrinâ, moribus. Sed de alio cogitabo & dispiciam, si eruere alicundè possim. Nam bonâ fide, eiusmodi adolescentum copia rara est, qui cum litteris Modestiam sociant & Virtutem. Sunt qui in illis aliquid possunt; sed ferè iidem vani, elati, & mores demutant. Scio te vtrumque velle, & à litteraturâ modicè instructum, & à moribus vel maximè ornatum. Sicut arborum illæ optimè, quæ non florem solum, sed fructum ferunt: sic hominum, quibus præter ornamenta doctrinæ, vita etiam est ad frugem. Sed cùm de fructibus, tibi quoque agendæ gratiæ, qui altiores opimos carduos ex horto tuo submisisti. Quid remitto? animum seriò semper tuum. Louanij, XVII. Kal. Sextil. ∞. 10. XCIII.

## EPISTOLA XI.

*Antuerpiam.*

ABRAHAMO ORTELIO S. D.

**D**ISSEREBAMVS nuper, vt scis, in mensâ apud Antistitem nostrum de Gestatione: & erat qui fortiter negaret in essendo eam fuisse. Contrâ tendebam, & sciebam: sed non pertendebam, vt meus mos est, & vincar in talibus citiùs quàm pugnem. Itaque altercationem desij; abeunti tibi & requirenti obtuli, scripto me consignaturum, quod eius rei esset. Feci largiter, & totum hunc ritum explicatum, & in oculis ecce habes. Videbis, iudicabis, me amabis. GESTATIO veteribus Romanis crebro, vel assiduo potiùs in vsu, exercitij & valetudinis gratiâ: idque ferè sub balnei aut cænæ tempus. Quia, inquam, exercitij: idè Glossæ veteres explicant *Gestationem*, *γυμνασίαν*: itèmq; *Gestatorem*, *γυμναστήν*. Sed laxum est, & finem rei, non rem dicunt. Pressiùs meliusque eadem alibi: *Αἰσῶρα*, *Gestatio*. &, *Αἰσώπζερας*, *Gestatur*. Id verum est. & latio omnis aut vectatio in naui, lecticâ, curru, venit in hoc nomen. Celsus per partes explicat libro II. in Capite proprio, *De Gestatione*. *Genera*, inquit, *gestationum plura. sed tamen leuissima est naui, vel in portu vel in flumine: vehementior in alto mari, vel lecticâ aut scamno: acrior vehiculo*. Omitto illas in aquis, in terrâ igitur triplex est: Lecticâ, Scamno, Vehi-

BB b

culo.



\*In x. Ele-  
dor.

culo. De Lecticâ, notum est, & \* alibi explicari: Scamnum quid est? dico idem esse, quod Sellam. Nam in Lecticâ iacentes vehabantur; in Sellâ sedentes, ideoque & Scamnum dixerunt. Haud sæpè legas, sed in Iuuenalis Scholiaste veteri, huic sententiæ firmamentum repperi. qui vbi Iuuenalis dixerat,

—— *stratâ positus, longâque cathedrâ;*

interpretatus est, *Cervicalibus stratis, Scamnum dicit.* Ergo eo auctore, idem Scamnum quod Cathedra siue Sella. Hæc est quæ *Sestatoria* Suetonio dicitur Neronis cap. x. Vitellij xvi. De duplici isto genere, iunctim ita Seneca De breuitate vitæ: *Ne illos quidem inter otiosos numeraueris, qui Sellâ se & Lecticâ huc illuc ferunt, & ad Gestationum suarum, quasi deferere eas non liceat, horas occurrunt.* De scamno idem, epistolâ lv. *A Gestatione cum maximè veni non minùs fatigatus, quàm si tantum ambulassèm, quantum sedi. labor est enim diu ferri.* Posset quidem hoc & ad Vehiculum aptari, sed de Scamno verius, quia dixit, *Ferri.* At tertia est in Vehiculo siue Effedo. & communiter valdè sic utebantur, & hanc maximè intellegebant. Suetonius Vespasiano: *Post decisa, quacumque obueniebant, negotia Gestationi, & inde Quieti vacabat.* Eadem enim illa quasi interpretans Aurelius Victor: *Post autem negotiis, quacumque obuenissent, auditis, exerceri Vestatione, deinde requiescere.* Idem Suetonius Galbâ: *Ne ad gestandum quidem vnumquam aliter egressus (ita hæc legerim) quàm ut proximo vehiculo secum decies Hæc in auro efferret.* Significat, sic timidum an cautum fuisse Galbanum, ut nunquam vel leuiter domo egrederetur, etiam ad Gestandum; quin secum altero & sequente vehiculo, decies illud Hæc quasi subsidium fugæ (si interuenisset) efferret. Nec sanè quicquam in eâ lectione mutandum est. Seneca de peruerso illo Spurio, epist. cxxiii. *Quæro circa horam noctis octauam, quis sit in rotarum sonus? dicitur velle Gestari.* Manifestè dat rotas: ergo effedum fuit. Sic Martialis:

*Illic Flaminia Salariaeque*

*Gestator patet effedo tacente,*

*Ne blando rota sit molesta somno.*

Suetonius de Claudio: *Solitus etiam in Gestatione ludere, ita effedo alueoque adaptatis, ne confunderetur ludus.* In effedo igitur, subiungitur equis, aut mulis: & quis ultra neget? Sanè mulos. Iuuenalis adf

adsignat, versibus mox dandis; equos Martialis, in istis:

*Gestatus biungis Regulus esset equis.*

Quia autem crebra, imò assidua hæc Gestatio; curæ fuit, ut locus esset in vrbe aut villis duplex, Apertus & Tectus. Ille in æstate vsui; hic hieme. Et apertæ quidem Gestationes non nisi \*arboribus claudebantur ad latera, plerumque infructuosas, & quæ speciem modò haberent. Vlpianus de Vsfu fructu: *Et si fortè voluptate fuit prædium, viridaria vel Gestationes, vel deambulationes, arboribus infructuosas opacas atque amœnas, non debet deijcere.* Plinius lib. II. Epistolar. *Gestatio buxo aut rore marino ambitur.* At tectæ, porticibus claudebantur, opere & manu factis. Vtrumque genus Iuuenalis tetigit, Sat. IIII.

\* Vt Xysii.  
& sunt ipsæ.

*Quid refert igitur, quantis iumenta fatiget  
Porticibus? quanta nemorum vectetur in umbrâ?*

Nam priora palàm ad porticum Gestatoriam, in quâ effedo cursus. Et posteriora explicat Scholiastes, *Viridaria, ubi solent Gestari.* Iterùm de Tectis, idem Sat. VII.

*Balnea sexcentis, & pluris Porticus, in quâ  
Gestetur dominus, quoties pluit. anne serenum  
Exspectet, spargatque luto iumenta recenti?*

Atque eæ Porticus, fortassè & Viridaria, plerumque rotundæ, & in orbem ibant. Quare? quia in exiguo spatio scilicet, amplior ita vectatio, continens & recurrens. Plinius indicauit, cùm dixit: *Rore marino ambitur.* Ergo Ambitus fuit: & clariùs inscriptio hæc marmoris, ubi & magnitudo Porticus expressa:

#### GESTATIO

CIRCINI. EXTERIOR

A DIAETA. APOLLINIS

AD. DIAETA. EANDEM

IN. CIRCVITV. P. ∞. CC.

LXXVII.

Has tales, ditiores etiam in ipsâ vrbe habebant, suisq; domibus. nec Martialem aliter exaudio, lib. XII. ad Spartum quemdam:

*Et rus in vrbe est, vinitorq; Romanus,*

*Intraque limen clausus effedo cursus.*

Non aliud quàm Gestatio clausa tectaque est: eoq; non placeat rescribi, *latus effedo cursus.* Noto denique, solum ipsum in his arte

factum & duratum fuisse leuiter: vt & concussio leuior esset, ne rotæ inæqualiter imprimerentur. Plinius in laudibus suburban Comensis, lib. 1. Epist. *Quid Euripus viridis & gemmeus? quid illa mollis, & tamen solida Gestatio?* Nam pro ipso loco accipit, v superiora aliquot exempla item euincunt. Hæc veteres, & pro bono valetudinis, quod res ipsa dicit. Plinius item, lib. xxvi. *Inprimis verò prodest (valetudini) Ambulatio, Gestatio, & ea pluribus modis.* Seneca commendat, epist. xv. *Gestatio & corpus concutit, & studio non officit. possis legere, possis dietare, possis loqui, possis audire.* Et de concussione illâ distinctius, epist. lvi. *Mihi tamen opus erat concutere corpus, vt siue bilis infederat faucibus, discuteretur siue ipse ex aliquâ causâ spiritus densior erat, extenuaret illum iactatio.* Sanè litteratorum, & qui menti operantur, exercitium illud sit: doleo periisse, aut certè per mores siue opes à nobis non usurpari. Tu vale mi Orteli. In Musæo nostro, prid. Kal. Iul. ∞. IO. XCIV.

## EPISTOLA XII.

Bruxellan

OTHONI HARTIO 1<sup>to</sup> S. D.

**E**N, mi Otho, ad nostrum Thesaurarium, (quidni nostrum ego hercules corde veneror & amo) en inquam, de re quar commisit. Iuuenis de quo dixeram, & qui initio excusauerat, nunc paratus videtur, & rumpet vinculum quod ligabat. Scripsi igitur, & exspecto quid videatur. Si arcessi cum placeat, & coràm conspici atque audiri; hoc approbem, ne vniu mei suffragio admittatur. Confido equidem fore, qualem volumus, & esse in eo quæ volumus; sed vos quoque diiudicare, qui nocet? imò id opus est, & decet. Rescribe verbo, non longè logos, auocor, & fabri mei strepunt. Adfirmo tibi, per læuam hanc occupatiunculam iacere studia, & interiores litterulas nostras. Sed non diu me tenebit, abi ædificatio, meam immisquis, res tuas tibi habe. Vale. Louanij, vii. Kalend. Sep. ∞. IO. XCIII.

EP.



## EPISTOLA XIII.

*Bruxellam.*IOHANNI DRENCKWAIRTO, *supremo Regio Thesaurario.*

**Q**UOD agere cœperam cum adolescente illo Batau, ut operam daret tibi in scriptione, & alio ministerio honesto, et si initio remora aut impedimentum fuit, tamen videor peregisse. Peregisse inquam, quod ad ipsum attinet: qui iam inclinatur, & expecto voluntatis tuæ nutum. Si ita fideret, mittam ipsum ad te ut videas, explores; & transigas etiam, si approbabis. Equidem falli possum, sed moribus, industriâ, & mediocri doctrinâ, spero sustinere meam & tuam expectationem posse. Honestus inter suos est, & natus est Persinis: sed pietas & religionis studium (amici causam) amovit eum à patriâ, ubi parentes quoque sunt inter planè probos. Cetera, Vir Ampl<sup>me</sup> tuo iudicio relinquo, quod certum mihi est acceperis & rectum. Verbo si rescribis, mittam eum ad te, & Mechliniâ euocabo, ubi nunc agit. Ampliss<sup>me</sup> & Nobil<sup>me</sup> Domine, diu reip. regi, & nobis, salve. Louanij, VII. Kal. Sextil. ∞. IO. XCIII.

## EPISTOLA XIII.

*Antuerpiam.*

CORNELIO PRUNIO V. C. S. D.

**E**VGE, euge benignitatem tuam! qui munera ad me mittis, non plenâ manu aut sinu, quod dicitur, sed toto cultu. Fatebor tibi, velut ictu lætitiæ percussus sum, cum vidi: & horto perpetuum emblema & ornamentum in se iisti, quo maximè egebat. Nam florum aliquid, fruticum istorum nihil habebam: ut munus tuum non magnitudine solum (verè tale est) sed opportunitate mihi sit gratum. Fecisti quod scripseras, & Ditem patrem ab inferis excitasti, qui non florilegam Proserpinam, sed Floram ipsam raperet & Pomonam. Amo amo te, etiam cognatum tuum *Dilsum*, qui tam promptè, tam benignè, hoc curavit. Quid autem ultra dicam? etiam illud, pœnitentiam iam agere impudentiæ meæ incipiebam, qui sic confidenter postulasset, quod ipse non haberes. Sed nunc ego pœnitentiæ illius magnam nunc pœnitentiam ago, cum successum video, & ius mihi hoc fuisse in candidissimo tuo amore. Enimvero, mi Pruni,

ferrea hæc sunt tempora, liceat etiam uti interdum ferreâ fronte. Etsi mollis ea mihi per naturam est, sed sic desiderium & cupiditas indurat: qui auidè ista hortensia appeto, auocamenta non à studijs solum, sed à curis. quas tempora hæc assidue & vberitè gignunt. Quibus etsi non tollitur lumen illud, ut sic dicam mentis: tamen interdum offuscatur, & velut nubeculâ serenitatem eius subducunt. Tu verò accumulas etiam beneficium, & de fenestris in nouâ domo iterum offers. Accepi & accipio fenestras inquam: & duas nomini tuo inscribam. Te autem ipsum V. C. in hoc pectore, è quo nulla dies euellat. Louanij. III. Kal. Oct. ∞. IO. XCIIII.

## EPISTOLA XV.

Ingolstadium

HVBERTO GIFFANIO J<sup>to</sup> S. D.

**C**VM Francofurti te vidi, & magis cum audiui, decretum mihi certò amicitiam tecum colere, quam etiam colo. Nihil in animo remisi, etsi in scriptione fortasse aliquid fuit, variâ vel culpâ vel causâ. Culpa quidem in ijs, siqui meas (bis enim scripsi) aut non reddiderunt per negligentiam, aut per malitiam suppresserunt: causâ etiam in me, quem occupatiunculæ, & valetudinis infirmitas recidere cogunt & imminuere totum hoc genus scriptionis. Sumus Louanij, docemus, ædificamus etiam: an non bono magnoque animo, inter medias res aduersas? Litteris quidem quid hîc fiat, per te intellegis, nec pueros Musarum nunc in pretio, sed Martis. Apud vos aliter, & video Germaniam totam excoli, & fugitiuas è Gallia artes sedem figere illîc. Longum ita sit, nec magnus ille hostis quietem istam turbet, qui in limite, ut audimus, assultat. Ego ab Italis variè vocor, Pisas, Patavium, Mediolanum: tenet patria, à quâ tamen vel inuitus auellar, si possidet & mancipio habet eam Mauors. De Ictis quod requiris, nihil mihi nunc in promptu: sed nec otium nostra dispiciendi. Militia me exercet, sed vetus illa Romana: & ccepta iam est cudi. Tu quid agas, quâ agas, & satin' ex voto tuo illîc & merito, velim scire: & te ætatem valere. Vale V. Cl. Louanij, Idibus Nouemb. ∞. IO. XCIIII.

## EPISTOLA XVI.

CAROLO CLVSIO S. D.

**A**RGVMENTVM te scribendi non habere, & tamen scribere, certè amoris est argumentum mi Clusi. De quo inter nos ambigere quâ possumus? inueterauit iamdiu, & vt annosa arbor,

— *quantum vertice ad auras*

*Æthereas, tantum radice ad tartara tendit.*

Sed mitto blandiri. Germanum nobilem, te mystagogo, in amicitia nostrâ ædem recepi: & vt tua elogia sunt, non eam maculabit. Valetudinem tibi in hac ætate satis validam esse, gaudeo, & diu talem precor: de meâ quod quæris, ambigua est, & vt cum nostro Comico, magis varia quàm panthera. Torâ quidem hac ætate aduersa fuit: sperassem meliorem, si Aquis Spadanis vti mihi per terrores vestros licuisset. Videbo quid in proximâ eris, si tamen Deus & hanc dabit. Tu mi Clusi salue, & hunc ineuntem annum atque alios felix vide. Louanij, III. Kal. Ianuar. ∞. IO. XCV.

EPISTOLA XVII. *Leodicum.*GVILIELMO BEECKMANNO I<sup>r</sup> S. D.

**N**VPER admodum litteras tuas accepi, & hauebam iam nunc respondere, sed muliercula elapsa mihi celerius opinionione fuit. In morâ nihil intertrimenti: animus in te est qui fuit, imò addo qui erit: id est, iudicio & affectu tui amans. Iudicium meum meruerunt cùm alia in te, tum modestia: quæ numquam me fefellit radix esse & altrix virtutis & veræ famæ. Oculi & animus mihi sæpè dolent. cùm aliam iuuentutem istam video, proteruam, lubricam, vanam; & id in laudabilium omnium rerum inopiâ, aut raritate. At firma & bona mens, vt ager post quietem, fructus promittit vberes, & non fallaces. In eâ re vtinam contulerit, aut conferat aliquid, consuetudo vel auditio mei! Scio optare, & non minùs tibi fauentem, quàm tuos esse. Tu autem non speras tantùm, sed iactas, & inuidiosum exemplum adfers Alexandri & Aristotelis: quod non agnosco, & scio esse super fortem



sortem nostram. Affectum tamen tuum agnosco & amplector, nec nolo sic errare leuiter, qui doctorem me habuerunt, aut habent: hoc fine, ut ardentius amplectantur aut perseuerent, quae praescripsi. Duxisse enim & praeiuisse ad bona me spero, & porro volo mi Beeckmanne, ubi occasio aut facultas erit. De Orano iam olim meo, spondere ausim, quod te amabit, iuuabit, pro copia sua & Genio temporum: nec ultra te scio velle. Ego hoc vnum à te, uti me ames, & fratri tuo Canonico affectum hunc me nuncies cum salute. Louanij, post. Non. anni noui ∞. Io. xcv.

## EPISTOLA XVIII.

Ariam

FRANCISCO MODIO S. D.

**G**RATVLOREDIJSSE mi Modi, gratulor, & animi mei voto tibi adsum. Quando ad nos? inuise veteres tuas sedes veteres etiam amicos: reperies & affectus veteres, nec temporum aut locorum interuallo mutasse. Ille quem amare me inuito solebas (liberè dicam) abiit

*Illuc, vnde negant redire quemquam.*

Sed abiit & noster ille Victor, ingenio dissimilis, & totus puritas candor, fides. Rogas de meis studiis. quid si iacere ea dicam, per tempora parum ijs amica? nec mirum, nec iniquum dicam: tamen, ut possum, erigo, & pars altera Militiae me habebat. Machinas & instrumenta eius tractabam. O me vel in turbis beatum, quod animum abduco, & his oblectatiunculis pasco!

— *nihil amplius oro*

*Maià nate, nisi ut propria hac mihi munera faxis.*

Eodem te, mi Modi, voco. nec ad elegantiae illa solum, sed sapientiae studia: quae & aetate huic, & aetati tuae maturiori, sint apta. *Satis multum temporis sparsimus*, ait ille, *incipiamus in senectute vasa colligere*. In freto viximus, moriamur in portu. Fac, fac o alta natum ingenium! & semper sic sensi de te, & magnum spondi. Quod autem in extremo me rogas, siquid in Caesareo scriptores habeam, communicem: parare te eorum editionem ecce subiunxi. & amplius dico, siquid in alia te iuuare te, etiam meae possim, pete, & puta factum. Louanij, viii. Kal. Febr. ∞. Io. xcv.

In Vu

In Vulcatij Cassio scribitur:

*Enumerauit deinde omnes Principes, qui essent occisi. dicens meruisse Neronem, debuisse Caligulam, Othonem & Vitellium nec imperare uoluisse. Nam de Pertinace & Galbâ paria sentiebat, cum diceret, In imperatore auaritiâ esse acerbissimum malum.*

Mirum de Pertinace hîc dici, & illum Galbæ etiam (quanto post Galbam?) præponi. Sed magis mirum, hæc ab Antonino Imp. dici, qui Pertinacem antecessit. An ille de morte eius si forte diuinauit? Putarem, de *pertinaciâ Galbæ*. & propriè significat vel tenacem nimis fuisse; vel & peruiacem in proposito non largiendi. Spartianus videatur eâ voce sic vsus in Seuero: *Cognomen Pertinacis, non tam ex suâ voluntate, quàm ex morum parcimoniâ videtur habuisse*. Nam Pertinacem & Parcum æquiparat. Sed videndum ne ibi uerius (ex sententiâ) *morum acrimoniâ*. Sic Capitolinus, in Albino: *Cum suis numquam cenauit, vel propter uinolentiam, vel propter morum acrimoniam*. Lampridius in Alexandro: *Aulicum ministerium contraxit. ita ut annonas non dignitatem acciperent, fullones, vestitores, pictores, & pincernæ, omnes castrenses ministri*.

Itane *Castrenses ministri* cum Aulicis hîc miscentur? atque adeo *pincernis* & id genus iunguntur. Vide num, *gastrenses*: *παρὰ τὴν γαστέρα*. qui, inquam, ventris ministri sunt. Ita Ammianus libro XXV. *Hyperochum antehac rectè gastrensis ministrum, id est ventris & gutturis*. An placet *sectæ gastrensis*? sed vox compâret. In Festo est: *Mugger dicitur à castrensiu hominibus, quasi mucosus, qui talis malè ludit*. Suspicabar & hîc, *gastrensiu*. quid enim talis, cum castris? qui illinc, vulgò certè, exsulabant. Atqui vulgi hoc verbum. Si tamen rerines; tum placeat *telis* legi: & sic dictum ioco militari, qui in cottidianis proludijs siue exercitijs tela ignauè & languide mitteret. In Lampridij Heligabalo:

*Vt ex totâ penitus urbe atque ex nauticis monobelos quærerent. sic eos appellabant, qui viriliores videbantur.*

Causam eius nominis haud assequor faris, nec nimis scrutor: sed mihi clarius esset, *enobelos*: quasi asininio telo insignes. Ita Commodus hominem habuit magnâ prominentiâ, quem *Onon* appellabat. In Capitolini M. Antonino:

*Cum egrotare cœpisset, filium aduocauit, atque ab eo primum petijt,*

*ut belli reliquias non contemneret, ne videretur Remp. prodere. & cum filius ei respondisset, cupere se primum sanitatem, ut velle permisit; petens tamen ut exspectaret paucos dies, aut simul proficisceretur.*

A sententiâ corrigere admoneor, *cupere se primum ciuitatem.* Pa- quidem filium Commodum hortabatur belli reliqua conficeret sed ille ad urbem adspirabat, quasi illuc imperium firmandum & sedes eius occupanda. Sed reuerà deliciæ & luxus eum trah- bant: quod ex Herodiano disces, quem hîc vide. In sequenti- bus etiam lego: *ut vnâ proficiscerentur.* Cùm vidit pater decre- tum ei ire; permissit, inquit, rogans tamen moram aliquam po- suam mortem, ut nempe funere factò, urnam paternam & reli- quias secum ferret: atque ita *vnâ proficiscerentur.* In Vulcatio Cassio:

*Scis enim ipse, quod Maiestatis hæc natura est, ut videantur vi- pati, etiam quibus probatur.*

Sunt verba ex ipsâ epistolâ Marci ad Verum, sed emendanda etiam quibus parabatur: vel, & à quibus. Dissuadet Marcus pu- niri Cassium, etsi affectati regni & (ut loquebantur) Maiestatis suspectum. Causam dat, quia egrè persuaderetur alijs, quem quare hoc tentasse: & vim, inquit, atque iniuriam passi videntur, qui ip- siam parabant. Hoc est, quod subiicit: *Non credi Principibus de affectatâ tyrannide, nisi interfectis.* In Capitolini Maximo & Balbino:

*Maximum igitur atque Balbinum, quorum vnus in re militari tan- tus est, uti nobilitatem generis splendore virtutis allegerit, alter in- clarus nobilitate est, ut & morum lenitate reip. sit necessarius.*

Constat maximum istum è nobilitate non fuisse: atque ipse Ca- pitolinus mox addidit: *Maximo pater fuit è plebe.* Itaque legen- dum: *ut ignobilitatem generis splendore virtutis texerit:* aut si qui- mauult, *alluxerit.* In Spartiani Hadriano:

*Omnibus Hispanis Tarraconem vocatis, dilectumque ioculariter (v- verba ipsa ponit Marius Maximus) detrectantibus.*

Imò tota hæc res iocularis non fuit: seriò actum, & puniti mo- detractantes. Scribam ego: *populariter detractantibus.* In Lam- pridij Alexandro:

*Historicos eius temporis legant, & maximè Acholium, qui & iimer*



*itineræ huius Principis scripsit.*

Conuenire magis censebam, *qui & intima*. Iterum in Lampridij Alexandro:

*Antonini nomen suscipi mereatur, Senatus Antonini mereatur.*

Verius: *suscipe. Mereatur Senatus, Antonini mereantur.* Ohe, fatis hæc sunt. *μὴ κόρη ἐλθὼν κνίσῃ*, ait Pindarus. Vale.

## EPISTOLA XIX. *Leodicum.*

P. LEONARDO LESSIO, *Theol. Soc. Iesu S. D.*

**F**ONTES & ego te exspectamus. Quid venisti vt sic abires, consors discriminis tantum, & vix fructus? Redi cum bono Deo, ille aderit & securitatem dabit, fortasse & sanitatem. Turba quidem hîc nunc exigua, sed crescet: & illi ipsi qui Limburgi sunt, & vibices vinculorum adhuc gestant, illi, inquam, redeunt, & sperant meliora. Post latrocinium recens, viæ tutiores sunt, post tempestatem ferè serenitas: nobis, post periculum & fugam, quies & securitas adsint. Principi Electori qui à consilijs sunt, polliciti mihi tutelam, & nostri curam: nihil tamen adhuc factum cuius fructus appareat, & in oculos incurrat. Salue mi Pater, & tecum Smithus. Quandocunque venietis, candelam vobis paratam apud me scitote, ex legibus Spadanis, tenuem, frugalem, cum fame dimissuram. Spadæ, iv. Idus Iulij ∞. Id. xcv.

## EPISTOLA XX. *Antuerpiam.*

IOH. BRANTIO, *Graphiario S. D.*

**I**N ipsâ tristitiâ tuâ & luctu super paternâ morte, gaudium aliquod mihi fuisse, non possum mi Branti negare. Non quin dolori mihi dolor tuus fuerit, & serîo fuerit: sed quod memoria mei in illi ipso adhuc actu apud te fuerit, & binis tuis litteris me compellaris. Benè factum, in tali sorte exprimit se animus & clarè ostendit quos habeat inclusos. Itaque hoc ipso video valdè me à te amari, quod cogitationem & scripta etiam ad me mittas, & tacitè solatium aliquod petas. Vtinam dare possim, vt volo, mi Branti! si non pulsus dolor tuus, certè fractus esset, & talis à quo periculum non esset viro forti. Etsi cur ego

dem? te ita cū video, nihil opus: qui & legisti hæc omnia, quæ dici possunt & solent, & excerpta eorum quædam in epistolâ tuâ utiliter sparsa cerno. Duo quidem sunt, quæ solari te maximè debent. & communis illa lex, quam fatuus est qui non cogitat DEBVISSE MORI: & quòd indulgentiâ quâdam & benignitate diuinâ diutissimè eo fruitus es, & præter communem mortem. Ad extremam ætatem parens ille tuus venerat, vidit in plerisque liberorum, quæ voluit: te coniugio, prole, officio florentem: quæ ultra ei gaudij accedere potuit, imò quid non doloris? Ætas illa pessima subiecta tot incommodis, ætas hæc publica tot vitij & cladibus: ut nihil nisi miseras propagari illi voluerit, qui vitam votis, votis prosequendus est cū abiit mi Branti, ut felix iterum & ad supera illa ierit; non querelæ interponendæ, nec reuocandus ad humum & miseras humanas. Quas qui recto oculo intuetur & diiudicat, proh Deus quid in vitâ eum teneat aut inueniet? Sed fatui ita plerique & terreni sensus sumus, ut viuere tantum ut viuamus iuuet, & quia innatus aliquis metus est à solitudine & morte. Tolle hunc, vitæ suauitatem sustuleris; & verè ut plerique faciant, quod ille qui Platonis Phædone lecto proptulit ad spontaneam mortem. Hæc & talia meditanda mi Branti non dilato, quia & scire te scio, & spero usurpare. Nos Louaniterum sumus Spadâ reduces, & penè in Bataviâ reduces, vbi vis fuit & infidiæ hostiles. At Deus tutatus est, & velut nube mortem velatum ab ijs texit. Vbi dixi, v. Idus Sextil. ∞, IO. xcv.

## EPISTOLA XXI.

*Leodicum*PETRO ORANO I<sup>to</sup>.

**B**EKEMANNVS ad vos venit, quem litteræ meæ non tantum conciliant, quàm ostendunt. Vidisse eum & nouisse, amantissimum est: ita sunt mores & ingenium adolescentis, addo & doctrinam super hanc ætatem. Doctrina autem ipsa melior politiorque est in Iure vestro sine sordibus aut scabritie, denique & à Græcis fortibus hausta. Siue erit apud te in contubernio, siue crebrò veniet, benignus ei meâ causâ esto; & tua audacter aperi, non priuati consilij solum, sed & publici. De fide, & arcani patientiâ, spem forem me cape. Filium tuum hîc erudiuit in Iuris rudimentis diligent

diligenter & libenter : qui filius adhuc benè valet, & se gerit, spero & semper. Vale mi Orane. Louanij, prid. Kal. xbres, ∞. IO. xcv.

## EPISTOLA XXII.

IOANNI DRENCKWAIRTO, *Thesaurario supremo Regio.*

**C**VM ipfa liberalitas Fontani Comititis mihi grata est, tum gratior te nunciante. Quid potest benignius, à tali viro? & affectu profectò in me ostendis, quem animo æstimare magis & pendere possum, quàm sermone promere aut linguâ. Quid autè gratias tibi agam? nec veteres quidem exsolui, & iam nūc tacitus mihi morsus est, quòd pro nupero beneficio pecuniæ annumeratæ, nihil feci aut dixi, quo internam hanc gratitudinem testarer. Certè enim ea in animo est, crede Vir Amplissime; & inter omnes Belgarum proceres, tibi fatemur nos obstrictos. Age, quæ benignitas tua est, amare imò & curare (ita enim facis) me perge: non quò magis tuus fiam, quod vix potest, sed quia generosis animis ita insitum est, beneficia sua amare. Amp. & N. D. Regi & Reip. vale. Louanij, prid. Kal. Decemb. ∞. IO. xcv.

## EPISTOLA XXIII.

IOANNI DRENCKWAIRTO, *Thesaurario supremo Regio.*

**Q**UOD iamdiu insueui, id facio; & cùm auxilij aut opis egeo, ad te recurro. Fiducia benignitatis tuæ, in me toties declaratæ, impellit; tum etiam, quia ista res est, quæ propriè te & tribunal tuum spectat. Nam cum Ærario regio mihi res est: quæ? vt id exhauriam (iocanti dabis veniam) & ego quoque inter publicas necessitates, vnà cum multis, veniam petitor. Cum multis, sed in causâ remotâ & propriâ, & vt stipendij semestris solutionem impetrem, quod Rex titulo Historiographi sui voluit me ferre acceptum. Libellum communiter ad Senatum vestrum (ita moris esse audio) concepi: sed tuâ auctoritate & gratiâ imprimis niti me fateor: ac rogo, vt pro affectu tuo veteri, Amp. & N. D. mihi consulas, & rem hanc ex tardâ aut turbidâ expeditam reddas & tranquillam. Louanij, XII. Kalend. Sept. ∞. IO. xcvi.



## EPISTOLA XXIIII.

IACOBO MARCHANTHO S. D.

**L**IBRUM tuum & litteras vnà accepi, etsi eundem librum aliquot iam septimanis antè à Moreto, sed ita vt ipse poposcerim: nam tenebat me (vt verum dicam) auiditas videndi. Vnde, legi, & vel publicè tibi velim dare testimonium, industriæ, prudentiæ, sed & eloquentiæ, pro historico quidem modo. Illud vellem (vt omnia dicam) diffusiores te alibi fuisse; non mihi cui abundè hæc satis sunt, & neruosa placere solent, sed alijs, qui aut non capiunt hæc breuia, aut ad ea non excitantur. Cetera, in re accurata & inquisita sunt; nec moueat te, siquid \* *ἐξέτασαν* mutarunt, aut detraxerunt. Solet olim & nunc fieri, & sapientis est publicis his iudicijs suum dare. Illud doleo, nihil benignè ad huc in te factum ab ijs, qui possunt & deberent, si mens & indoles illa verus esset. Heu sæculum, non pro nostris artibus! & ego quem tu in copiâ amicorum, circumfluere aliâ copiâ censes, in me sentio: qui nihil magnoperè è studijs meis rettuli, præter nomen & famam, & ea quoque à multis calcata. Quid faciamus, quod fecimus. si rectum honestumque est ista colere, perseueremus: & præmium in illisipsis, ac fructu nostro interno, ponamus. Mihi crede, auifer ille Tagus non nobis fluit: quidquid conetur, & spem faciat amica ibi tua proles. Quam animo complector & saluto, fac tu & meis verbis, cùm scribes. Vale Viri Cl<sup>me</sup>. Louanij, post. Idus Ian. ∞. IO. XCVII.

## EPISTOLA XXV.

Leodicum

HERMANNO MALLEANO S. D.

**B**INAS à te accepi, fateor, sed vnis tantum postremisquæ respondere mihi fas sit: tum quia occupatiunculæ ita suadent, tum quia in prioribus tuis nihil præter affectum in me erat, quem notum habeo, & item carum. Reponi cum pro meâ parte, semel scito. Rogas & angite significas de valetudine meâ, præsertim in hac aëris intemperie, quæ multos in valetudinarium, multos in Charonium, apud nos quoque misit. Audi quod gaudeas,

gaudeas, fatis valeo, meliusculè etiam quàm soleo: adeò in hac quoque re morbus meus singularis est, & extra leges communes abit. At horti quoque nostri rident & florent, sed subdolum, vt vereor: & proxima æstas funera nobis aut dabit, aut ostendet. Nam iam nunc esse arbitror, sed terra tegit & occultat. De otio tuo sic honesto & industrioso, gaudeo & gratulor. Perge in istis, nec Electa illa (sic appellare soleo) omitte, segetem veram doctrinæ. Qui è variâ illâ lectione nihil colligit, seponit, disponit: nugas agit, & in acceptum pauca refert. Ordo cuique suus solet esse, nec in eâ re temerè præscribam: tuum illum serua, & minora quæ occurrent, in Alphabeti seriem distingue. Sed heus, te dubitare etiam de fato Bogardi, olim hospitis tui! ille verò vixit, & dum Bruxellæ essem, ante quatuor circiter septimanas, subito morbo extinctus est. Quid nouum? homo erat, & omnia in vna voce dicta. Te valere & viuere opto, mi Malleanc. Louanij, XIII. Kal. Febr. ∞. IO. XCVII.

## EPISTOLA XXVI

*Brugas.*GVILIELMO MICHIELSIO *Jrto* S. D.

**S**CRIPPIO tua, quâ beniuolentiam in me abundè testaris, pergrata sanè fuit: neque tarda, vt dicis. Nam scio multa interuenire in peregrinatione & itinere, ac priusquam stabilis aliqua sedes sit, quæ mentem à tali cogitatione auocent: tam mihi excusanda, quàm illud dolendum, morbum etiam inter causas fuisse. Sed benè, quòd fuisse: & meliorem firmioremque te nunc esse, eadem litteræ nunciabant. Vtinam de matre tuâ eadem spes sit! quam ego vereor, vt hoc genus morbi est, ad lentam & certam mortem ire. Sed præcipe tale iam nunc animo, & illum firma atque erige in omnem euentum. Vitæ hoc salum, vt sic dicam, iam ingredi seriò incipis: pueritia & adolescentia tua lusit adhuc circa litus. Propone tibi & scito, multa falsa & amara euentura; sed quæ tamen voluptate aut amœnitate aliquâ summus ille Deus solet temperare. Vtraque modicè habenda sunt sapienti: hæc cum metu aliquo, illa cum spe, quia vtraque incerta, & vicibus suis mutantur. Idem in Republicâ tibi eueniet, cuius partem (& gratulor) nunc attigisti. Habeas, quæso, illam vt publicam,

publicam, & valdè nunc afflictam pro viribus erige aut solare. In eâ quoque vices videbis, & Deum nunc vindicem, nunc fauto rem: vt vel merita nostra sunt, aut consilia eius occulta. Itaque nec in propinquo quidem naufragio eius despera. ita homini videretur, sed ille vno nutu attollet, qui omnia nutu suo regit. D. Lernutio meo, grata quæ nuncias. amo veteri & fido affectu illum virum: & tempora si alia sint (spero, breui) ita viuam, vt ipse me, aut ego illum videbo. Vale mi Michielsi. Louanij, post Kal. Febr. ∞. IO. XCVII.

## EPISTOLA XXVII.

Colonian

CAROLO VTENHOVIO.

**E**PISTOLAS crebras ad me mittis, & nouo planè genere scriptas. Nam solutis verbis cum legere me censeo, & scriptura præferat, mox versum & vincula agnosco: nec tamen vel primâ descriptione me fefellisti. Ita me Musæ, Musicum & lepidum hoc genus est, & quod pauci imitentur, nec nisi quibus peccatum imbutum poëtica eâ copiâ, & stilius factus ad promendum. Mihi te, mitte sæpius, & nos oblecta. Scribis de Pannonico bello, quod feruet, & quid mihi videatur. Mihi? quod Principes faciunt, bene factum, nec in consilia illa inquirō. Videtur & necessitas fuisse bellandi, cum gens illa effera sic instaret, & identidem induci ac pacta violaret. Sempèrne contemni & calcari? Et tamen bellum magnum, anceps præuideo, & cum poëtâ,

*Eheu quantus equis, quantus adest viris  
Sudor?*

imò & sanguis: nec vno alteroque prælio res ibi decernenda. De exitu tamen benè sperem, quia causa bona est: & confidam etiam, si Germani, qui fuerunt, sient. Cum bonâ veniâ gentis ceterum xerim, ab annis centum quæ mutatio, id est inclinatio facta? robore, in opibus, in animis: nec dixeris esse vltra Martis illos pullos, & Homeri verbo, \* θυμολέοντες. Profectò fuerunt. nec olim & Romano solum æuo; sed Caroli magni, atque infra, perferarunt. Ecce, in Fridericorum, Othonum, Henricorum rebus, quàm multa egregiæ fortitudinis opera? Vnum in Friderico primi occurrit mirabile. Obsidebatur Tusculi Antistes Co-

\* animo  
leonino.



nienſis à triginta millibus Romanorum, qui tunc Imperatori hoſtes. Ad opem ferendam, ceteris cunctantibus, Moguntinus progreditur, & quingentos ſuos milites, cum Caſarianis octingentis educit. Inſtruuntur acies, ſine aſtu aut fraude palàm certatur: fuſi fugatique Itali, & ad quindecim millia ex iis caſa. Res fide pænè maior: ſed eius æui ſcriptoribus adfirmata. Neque alibi ſimilia, ſi non paria, exempla deſunt. vt iure iactare & dicere Rudolſus Auſtriacus primus potuerit: *\* Se in qualibet mundi parte, cum electis quattuor galeatorum, & quadraginta peditum armatorum de Alemannia millibus, ſtare inuictum: æſtimans hos omnem multitudinem aggreſſuros.* En robora illius gentis: quid potentia & opes? paucis indiſijs colligendæ. Rudolſus Auſtriacus electus Imperator, cum Aquasgrani venit, coronæ cauſſa: occurrerunt ei Dux Bauarie, Saxonia, & alij cum viginti millibus equitum. Multitudinem aliam hominum ſtrata publica, uſque ad tria militaria, vix commodè recipiebat. Poſteà deinde, in Adolphi electione: equos phaleratos habuerunt Moguntinus mille quingentos, Treuirenſis mille trecentos, Alberto dux mille quingentos: & vbi reliqua omnis Nobilitas vtriuſque claſſis? Vnus Fuldenſis Abbas ſexaginta millia bellatorum Imperatori præbebat in hoſtem. Nec in hominibus tantum, ſed in auro & argento exuberabant. Cuius Friburgenſes comiti (Rudolſo) domino ſuo, pro modicâ *\* emendâ*, viginti millia marcarum tradiderunt. Item: Cuius Columbarienſes regi Rudolſo, vno anno, librarum triginta millia tranſmiſerunt. Paullò poſt: Thuricenſes mille quingentas, Conſtantiænſes mille ducentas, Columbarienſes quingentas marcas regi Rudolſo dederunt. Columbarienſes, præter hæc, mille octingentas libras expenderant pro cibarijs & ſeruitijs dominorum. Sed & quidam Imperatorum in pompâ & inſtrumento inſignes. De Carolo Boëmo Imperatore, Annales: Erant omnia paramenta menſæ ſuæ ad comedendum & bibendum, & nauicula continens eleemoſynam illius menſæ, omnia de auro puro, nec quidquam inibi apparebat argenti: omnia autem inferiorum menſarum paramenta, etiam pro garcionibus, & currus ducens nauem continentem eleemoſynam, de argento fuerunt. Ecce, in illius æui ſimplicitate, etiam ſplendorem, imò luxum. Omnia tamen ſuperabant Eccleſiarum opes, quæ pænè immodicæ tunc fuerunt. Vno exemplo oſtendam. Exſtat pars Chronici veteris rerum Maguntiacarum, per Conradum Epiſcopum: in quo recensentur

*\* Verba ipſa in M. Alberto, eius æui.*

*\* Amendâ, ſive multâ.*

*\* Arcamagna & receptaculû vaſorum.*

templi eius vasa, vestes, ornamenta, Deus bone, cui sine stupore legenda: *Purpura, tapetia, dorsalia, palla, casula, tunica, insula, tiara, anuli, thuribula, grues, pelues, Urcei, calices, gemmæ*: tantâ copîâ, potest dare, pretio, varietate, vt recensere detreare: duo tantum ex omnium cumulo excerpam. *Erant calices tres aurei* (auratos omitto: *qui omnes habebant suas ampullas: & pyxidem ad hostias ex auro purissimo, & margaritis. Vno calice aureo solus Pontifex, vel prælatus Ecclesiæ in summis festiuitatibus utebatur. Alij duo, tantæ erant quantitatatis, quod cum ipsis diuina mysteria nequaquam poterant celebrari. Erat enim vnus maior altero. minor habebat cum patenâ marcas auri electissimi octodecim: in cuius pede per circuitum erant pretiosi lapides valdè, & in patenæ circuitu limbus, qui & ipse gemmis non carebat. Calix maior quot marcas auri habuerit, nescio: certum autem est, quod spissitudo eius erat digiti, & per totum, tam in pede quàm suprâ, gemmis erat pretiosissimis adornatus. Habebat etiam idem calix duas ansas, quæ manus poterant implere leuantis. Huius patena talis erat latitudinis & spissitudinis, quod ipsi congruebat, & ipsa gemmis per circuitum decorata. Hic calix habebat altitudinem vnius vlnæ, & capere poterat dimidium sextarium vini: nec ab omni homine poterat leuari à terra. Alterum, quod eligo. inter varias Cruces, vna fuit lignea, auro optimo vestita. in quâ imago erat aurea Domini crucifixi, quæ imago cuiuslibet hominis communis magnitudinem excedebat: concava, sed multum spissa: cuius venter plenus erat reliquiis, & gemmis pretiosissimis. Dicebatur autem nec Romanum Imperium meliores habere. In huius imaginis capite, loco oculorum, erant duæ gemmæ quas carbunculos vocant, tantæ magnitudinis, vt duo vitelli ouorum, qui in tenebris coruscabant. Huic cruci inscriptus erat versus iste:*

*Auri sexcentas habet hæc crux aurea libras.*

*Et nota, quod vna libra habet duas marcas. Sic ergo erant mille & ducenta marca auri probatissimi. Pro speciali huius auri examinatisimæ valore, crux ipsa proprio nomine censebatur, vocabatur autem BENNA. Ex his mi Vtenhoui, robur, potentiam, opes, velut pertransiens nam vides: & quàm ab ijs ætas hæc defecerit, quæ non nisi in vitia & luxum surgit. Quæ causâ mutationis? plures, nec lubet dicere. vnâ præcipuam à factionibus scio, quæ diuellunt iunctorum ætas olim vires: & Imperatori quid nisi precariû penè ius & imperium manet? Sed produco scriptionem, voto non querelam*

clauden

claudendam.

— *ſtet Capitolium*

*Fulgens, triumphaliſque poſſit*

*Roma ferox dare iura Mediſ.*

Vale. Louanij, Kal. Iunijs. ∞. IO. XCVII.

## EPISTOLA XXVIII.

*Mechliniam.*

IANO BERNARTIO I<sup>r</sup> S. D.

**M**ELIVSCVLE mihi eſſe, aut potiùs minùs malè quàm fuit, hoc tibi nuncio: etſi vires aut alacritatem, quæ in ipſo iſto perpeti languore aliqua fuit, nondum recepi. Cùm Deo videbitur, fiet; aut eò me recipiã, quò noſter Berchemius. quem virum vnice probum & litteratum nos amiſſiſſe, fideli teſtimonio meo ſcito. Heu, quid iſtud eſt, virtutem & prudentiam omnem à nobis ſicabire: vitia, arma, barbariam manere, vel augeri? Iampridem vidimus, quidquid illud eſt, mutationem in Europâ & nobis Deum parare, & velut reſingere velle hunc orbem. Sed hæc exſpectanda nobis ſcilicet, & ferenda mente, quæ fortes & peritos cæleſtium decet. Queri, mollitia eſt; reſectari, infania. Sed ad te, laudo quòd pedem figas in genere vitæ, quod Deum & fata quoque ſcire debes tibi impoſuiſſe. Aliud aliquod animo magis allubeſcit fortàſſe: ſed quod tibi, hoc illis quoque euenire ſcito, qui compotes ſunt eius, quod tu petis. Ij ſibi diſplicent, tædia & moleſtias ſuas habent, & fortàſſe ad tuum illud acriter anhelant. Miſeria aut inſipientia noſtra! numquam deſiderijs aut iudicijs quieſcere, abſentia petere, præſentia contemnere; & vitam ſemper inter vota ſuſpenſam habere. Interea illa venit, quæ ad Berchemium vênit, & bonâ fide quietos ſemel ſilentſque reddit. At tu, mi Bernarti, viue & vale tuis. nam & augendum te breui aliâ prole ex famâ, an ex tuis litteris accepi? Louanij, IIII. Idus Iun. ∞. IO. XCVII.

## EPISTOLA XXIX.

*Bruxellam.*

OTHONI HARTIO J<sup>r</sup>.

**I**NTELLEXI iam nunc ex litteris Marchantij de obitu Caroli filioli tui, neque neſcio, ex communi parentum ſenſu, & tacitâ



quâdam naturæ lege, te & matrem dolere. eoque manum stil-  
 adinoui, vt breuiter, sed fortiter te solarer. Quem? virum vsu &  
 doctrinâ, rerum humanarum peritum & gnarum. Quid igitur  
 tam obuium, tam assiduum in ijs, quàm iste casus? Perambulatio  
 cogitatione vrbs tuæ domos: rara est excepta, quæ familiaris  
 quidem & proles habet. Comparatione illâ inuenies, benignus  
 etiam tecum agi, qui non plures amiseris: & plures sanè habeas,  
 atque vt diu in solatium & fulcrum instantis senij habeas, Deum  
 rogo. Sed enim iste eminere genio & ingenio videbatur. Credo  
 equidem, & hoc ipsum est cur hîc non perennârit: quia Deus in  
 le optimus, optima ferè ad se trahit. Ad se, inquam mi Harti: &  
 hoc caput alloquij, in superis beatisque locis filius tuus agit. Du-  
 bitare non potes: dolere igitur non debes, gaudere potius, si ip-  
 sum & bona eius amas. Atqui citò perijt. Quid hoc est? au-  
 quantulum istud ipsum, quod longum nobis videtur? Triginta  
 sexaginta, centum anni, si cum volumine illo æui & cæli compa-  
 rentur, quid sunt? punctistitium, & vix mereantur hoc nomen.  
 Nihil hîc diuturnum: & verâ imagine tibi exprimam nostram  
 vitam? Vidisti fabulas haud dubiè actitari sæpè, atque etiam  
 iuuentute in scholis. Prodeunt reges, satrapæ, alia officia, & qui-  
 dam satellites, ac personæ in speciem, & mutæ. Ecce alij diutiùs  
 ex ijs hærent in scænâ, & loquuntur; alij ostendunt se tantum, &  
 nec vocem edunt: simile nobis est, vario munere aut dignitate  
 in theatrum hoc Vniuersi mittimur; alij silentio transimus, aut  
 ostendimur tantum. Nihilo tamen deterior ille, qui in vili veste  
 qui non diu hæsit, quàm ille qui regem aut longum carmen egit.  
 Apud Deum vita longa non optima, sed innocentissima: & eam  
 filius tuus in purâ illâ ætate habuit, & nunc gaudium & trium-  
 phum. Adspicit te, & tuos, proque ijs orat & vota concipit: tu  
 pone luctum, & patrem exue, indue Christianum, & virum.  
 Cui rei quoniam & consuetudo & alloquia amicorum aliquando  
 faciunt, ego & vxor vocamus amanter te & tuam ad nostros istos  
 festiuos dies, & rogamus vt non negetis. Domus vobis mea pa-  
 tet, & totus hic animus: venite, possidete, valete. Louanij, IIII  
 Nonas Sept. ∞. IO. XCVII.

## EPISTOLA XXX.

*Augustam.*MATTHAEO RADERO, *Soc. Iesu*, S. D.

**E**T amicitiam libens tecum iungo mi Radere; & illi firmandæ, quod petis de Martiale, in parte effeci. Amicum me toti Societati vestræ esse, quidni profitear? quæ prima litteris his alijque me imbuunt, quæ salutaria in omnem vitam præcepta dedit & præiuit. Amo hoc corpus, amo & membra: te inter isthæc, qui vel affectu tuo, vel iudicio de me, hunc affectum merebare. Et si de iudicio, noli attollere nimis mi Radere. ego me non vetari inter summos scio, sed inter medios incedere, paullo altior rem fortasse ijs qui serpunt. Sed de Martiale quod tetigi, rem ecce habes. quid rem? pauca verba & notulas, atque eas alibi fortasse notandas. Tu facito, & Censor esto: tum etiam si quid ultra scire me putas, pete, non grauabor respondere, & certè te amare. Vnà etiam Pontanum, eruditum & disertum virum, collegam tuum, quem saluto. Louanij, III. Kal. xbres. ∞. IO. XCVII.

## EPISTOLA XXXI.

*Antuerpiam.*FRANCISCO SCHOTTO, *Senatori* S. D.

**B**ONAE fidei creditum est negotium, ut video, quod tam sedulo & mature redditum est effectum. Tibi, & fratri tuo, hoc nomine debeo: & magis etiam pro affectu, quem in me ostendistis. Antuerpiam non temerè semper amaui, in quâ tam multi qui me amant. Coram hoc nuper didici, atque abundè & largiter me vobis dedi. At tu & alij, inquis, queruntur de celeri discessu? Irâne? amicè magis, quàm iustè profectò: & quæ vrbs me tamdiu tenuisset: non ipsa Bruxella, quæ patria mea esse vult, nec est tamen nisi incolatu. Alibi natus, ibi educatus sum. Sed confidite. si proxima ætas viuum & valentem me haber, mensum totum etiam vobis dabo, & conuiuiam: sed cū lege, ut semel in die epulemur, reliquum fabulis & sermunculis, aut etiam occupatiunculis, detur. Utinam frater tuus interea ex Hispanis adfit! quem virum iam olim noui, & quia noui, amo. est inter eos, qui rem non speciem in doctrinâ habent. Vale. Louanij, Non. Nouemb. ∞. IO. XCVII.

DDd 3

EPI-

## EPISTOLA XXXII.

EVERARDO POLLIONI, 1<sup>to</sup>.

**L**AETVM me epistola tua reddiderat mi Pollio: ecce alteram ab amico aperio & lego, atque ibi triste illud de obitu parentis tui fulmen. Scio, & in animo isto sentio, ac quasi video dolorem tuum & complorationem: eò scilicet maiorem, quam melior ille tibi parens, & tu filius ei fuisti. Non sensibus solum & animis, sed domo & contubernio hærebatis: ut si amorem natura & sanguis non inderet, posset dedisse consuetudo. O triste discidium! sed soletur te mi Pollio, breue discidium: & quam diu scilicet hæc terra & alienum domicilium nos habebit? Viui diu, & ita voueo: sed ut viuas diutissimè, quid nisi septuaginta aut ut improbè, centum annos? Leue & breue est, si Æuvm respicis, quod fluxit ab æterno & fluet. O miseras, ô vanas cogitationes nostras & curas! congerimus, ædificamus, libros scribimus, & eternitatem nobis quacumque viâ spondemus aut optamus. Quid tamen aut quantula ista sunt? quam diu etiam sumus, non loquar de opibus aut ædificijs, quæ statim aruo aut casu pereunt: ipsa illa Fama, bonorum ingeniorum morbus, quousque se producit? Aliquid de Cicerone hodie aut Senecâ: id ipsum variè, inter culpas & laudes: sed quot anni sunt? vix mille quingenti, aut paullò vltra. Caput ipsum ingeniorum Homerus, non tamen vindicat & possidet à bis mille quingentis & paullò amplius annis. Enimuerò quid hoc est? trigessimâ aut quadragessimâ stirpe potui eum attingere, & vide quid longum aut diuturnum vocemus. Cogitatio ista sæpè me & solata est, & erexit a contemptum aut calcationem potius rerum fugacium, id est humanarum. Consolatio altera, à communi omnibus lege. Rideamus, si quis cum tributa populariter danda sunt, lamentetur, & sortem suam accuset. quid ita? quia omnes cum dant, non superbè solum sed stultè facit, qui se vult eximium aut exortem. In hoc humani generis tributo cur non sic affecti sumus? cur fratruâ molliæ querelam & planctum miscemus? Hoc ipso quod homo natus es, mori natus es: & siquid vltra punctum, horam diem, annum viuis, donum est non debitum, & in gratiâ ac lucra

pona



ponas. At nos obliuiscimur, aut non attendimus, & in tot mortibus quæ cottidie occurrunt aut ingeruntur, vna aut altera nos mouet & deijcit, quæ nos tangit. Alij si pereant, nihil noui aut mali est: si nostri, ô nos miseros, ô infelices! Verba aut inuentiunculæ non defunt, cur iniuria sit facta, cur Parca maligna fuerit: & vides sæpè ac rides, credo, in hac re scænam vulgi. Stulti, bis stulti, quod sumus cogitemus, & non magis miremur hominem subito, quàm florem mori. At tertio, diuina cogitemus. Ad meliora eundum est, ad puriora, lætiora, prauis, turbidis, tristibus his relictis. Si ad ea te aptasti, & viaticum (vt sic dicam) corrogasti virtutum & pietatis, quid malè te habet abire, aut alium abisse? Gratare, si sapis ô homo, plausu & cantu prosequere, qui non diu in salo iactatus peruenit ad beatum portum. Plura sunt, quæ tu tibi mi Pollio dices. Ego ex animo in dolore tuo doleo, quem aliquem esse & cupio, & par est (neque enim hominem exuimus) sed temperatum nec longum esse, hoc suadeo & opto. Tu inquam tibi dices. quidni hoc sperem, qui mihi sic lubenti prædicas studium tuum sapientiæ & quietis? Exosculatus sum eam vocem. tu re effice, & nostri miserere qui volentes & adspirantes ægrè huc venimus. Scripta nostra vides multum (ingenuè fateor) à vano trahentia: ô si meo iudicio & voto illa sint, quàm alia & diuersa sint? Verbum aut calami ductum non perdam in illis, quæ ad solam fortassè scientiam faciunt: occuper in istis, quæ ducunt ad duo dicta. Sapientia, inquam, me sibi manciper, Quies interna & externa (si possit) habeat: sibi alij famam, honores, opes, cetera humana. Vt claudam, amo te mi Pollio in intimo isto pectore, & opus te meum esse (ita profiteris) non admitto solùm, sed gaudens subsigno. Perge, perge in viâ quam pauci calcant, sed Deo & pietate ducibus, & per intemerrata vestigia maiorum. Louanij, Nonis xbris. ∞. ID. XCVII. Nam tuas litteras satis serò accepi, & heri demum.

## EPISTOLA XXXIII.

*Lutetiam.*

GVILIELMO BARCLAYO S. D.

**A**T tu files. vbi promissa de Iliade aut Chiliade ad vnam lineam nostram? Expostulo. cò magis, quia materies illæ scribendi,

scribendi & seges, quam defectam referas in horrea nostra. Alijs de te cur audio, quæ non à te audio? Morfus & versiculus in doctores aduenas vidi, nec sine stricturâ nominis mei. Parum est. tu modò rectus perge, nec deiicere, sed nec deflecte aut sistere ad repugnandum. Monui antea, & iterò: modestia est, quæ in gratiosum exteris, quæ magnum etiam faciat & seruet. Ad contentiones si venit, clades erunt, & Thebana aliqua pugna, in quâ victi victoresque plorent. Miseri homines, cur eò inclinamus? malitia est: vince, & quam dixi modestiam & frigus, amice, ama. Louanij, ∞. IO. XCVIII.

## EPISTOLA XX XIII.

*Augustan*

JACOBO PONTANO, Soc. Iesu.

**I**N summo hoc frigore, cuius ego quidem impatientissimus sum, calfecit me tamen amica tua scriptio mi Pontane: & excitauit non ad scribendum solum, sed ad redamandum. An non talem virum? inclino iamdiu, & ipse quod tu voluisti volui, quo scripta tua prima vidi: quod fuit Augustæ Treuirorum, eodono & beneficio Principum Bauariæ, quos transiens ante septennium illuc salutauim. Ab eo tempore, credes mihi hoc Pontane & memoria tui inhæsit & probatio: atque ideò facile accendebam hanc materiam, igni sic paratam. Quæ tu portò in me nimis benigno corde & ore laudas, scito pauciora omnia esse: dare tamen operam vt sint, inprimis Modestia & Probitas, quas ego æstimabo & tollo super nomen omne litterarum. O institutionem vestram olim mihi vtilem: inhæret ea & inhæsit, atque illa Pallas fuit, quæ inter tempestates, imò naufragia, seruauit hunc Vlyssensem. Eadem iudicium & sensum istum ad virtutes formauit, quæ utinam sic indipisci, vt sequi, detur! sed conandum est, & Deus manum dabit. Is te mi Pontane seruet, & inter nos mutuum hunc amorem. Louanij, x. Kal. Febr. ∞. IO. XCVIII.

## EPISTOLA XXXV.

Lutetiam.

STEPHANO TURNEBO Senatori S. D.

**T**RISTE mihi auditu fuit, de Hadriani fratris tui morte, triste: & pænè sic, quasi alterum illum, tuum & Musarum parentem, iterum amisissimus. Nam & amicitia iam inter nos vetus satis, & certè fida, coäluerat: & raritas ibi nunc talium, à clade istâ funesti belli. Solatur tamen, quòd & malis temporibus optimus ille subductus sit, & ne in virtutum & artium bonarum isto naufragio diutius iactaretur: solatur, quòd & tu in locum & vicem eius sic vltro venis, germanus Turnebi sanguis. Veni, parent animi huius fores, & affectui tuo velut brachia pando & occurro. Sicut agricola in locum amissæ arboris aliam subserit: sic nos in amicis oportet. Equidem & corporis huius oculis vsurpare te, atque alios insignes ibi viros, aueam: & spēsne est, vt vel obiter fiat? Aliqua, cum pacem hanc video: maior, si valetudinem non videam, inclinantem & de ruinâ (cur dissimulem?) minantem. Sed siue viuo aut morior, vestri amans vitam moriatque: vt tu mei, per parentis, & nunc fratris, magnos manes precor. Louanij, postrid. Kal. Sextil. ∞. IO. XCVIII.

## EPISTOLA XXXVI. Antuerpiam.

IOANNI MORETO, *Typographo celeberrimo.*

**B**RUXELLAE fuimus, ADMIRANDA obtulimus, grati fuimus: quid vltro inquires. Hoc satis: & cultum hunc atque alium Principibus debemus; & iamdiu imbibi bonum, quia bonum, amare. Externa ab his internis expetere aut expectare, incititia sit: & cum alio æuo hæc fuerunt. Qui nunc, inquam, hæc quærit; audacter ei edico abiicere

*Hæc studia, atque omnes delicias animi.*

Recudere te autem ADMIRANDA nostra, mihi gratum sit, priusquam alibi alij. Factum in quibusdam meis in Italiâ aut Galliâ: & indignor, aut si nō licet, doleo. quia & perperam multa; & mihi ipsi præripiunt castigare quædam, aut recedere. Quid? polita omnia, & sub ascia, vt sic dicam, à nobis dedicata? Non

EE e

hercules.



hercules. neque ita me ludit amabilis insania: neq; sum ille vbique

*Candidus, & talos à verticē pulcher ad imos.*

Næui alibi, nodi, laxa quædam aut manca: & præoptem eluere dissoluere, adstringere, adimplere. Nescio enim quomodo facilius hæc diiudico & arbitror, nitidè excusa à vobis, quàm confusè à me scripta. non enim exscripta: & primam ferè manum nostram semper habes. At isti properi impediunt: caluminiæ aut petitioni me exponunt. Nosti hodiernum \* τὸ φιλεπίτιμον. & quàm multi, qui legunt hoc tantum, vt carpant? scire abnuunt, & sumunt iudicare.

\* *cupidum reprehendere.*

— *hic nigra succus loliginis, hæc est*

*Ærugo mera.*

Iam nunc expertus in quodam altioris ordinis, qui luminibus meis ædificio suo sublimi obstruxit scilicet, & titulum mihi erectum inscripsit. Faciat ipse, aut alij: quid lædunt? non me quidem. sed vt Sarpedon ille apud Homerum, hastâ petens Patroclum, equum eius iugalem interfecit: sic isti non me tangunt fortasse impetum & velut ardorem illum animi prosternunt quo ad honesta vehebamur. Etsi nec istum, & melior mentis ignis suscitatur, siquid soporis infuderunt. Sed abeant hæc, & valeat ego vt istud, ad vos adspiro. Quando? quàm maturrinè potero nam etsi domi etiam nunc vincula, nec aperti carceres;

— *tamen istuc mens animusque*

*Fert, & amat spatius obstantia rumpere claustra.*

Semper ego non apud vos solum hilarior, sed à vobis melior redeo: gratia amicis & tibi, qui sic comiter habetis. Tibi, cuius domo, cuius mensâ vtor, pascor: an non hereditarium tibi onus? Nam cum Plantino, heu illo nostro, tessera hæc mihi sancti hospitij: cum vxore post illum: & te liberem, vtriusque heredem Amice, ego tamquam polypus hæreo: per anticum emitte, per posticum insinuabo. Rides. & veni securus ab hoc metu, in quietem. Scio, veniam: & fors sit scriptorum aliquid mecum. Vale cum tuâ carâ & caris, quos saluto. Louanij, VIII. Kal. Octobris, MD. XCVIII.

EPISTOLA XXXVII. *Antuerpian.*IOANNI BRANTIO, *Graphiario S. D.*

**S**OCERVM tuum libens vidi, mi Branti, virum prudentem, probum, patriæ amantem. Cuiusmodi paucos hodie habemus: & multi res suas agunt & augent, communium prætextu. Enimverò, spes sub nouo hoc Principe & statu noua ac melior nos respicit: si tamen & pax ab Angliâ affulget. Si non illa, & Bataui idem pertendunt: quam Salutis arcem vides? At sunt qui etiam de Regis nostri fato, sanè importuno (si ita est) narrant. Id verò fuerit omnibus consilijs nostris, si non turbandis, certè tardandis. Deus adiuua, & miseros Belgas tandem solatij aliquâ aurâ adspira. De Orteliano Epitaphio, tecum volo: sed languor meus mentem aut stilum vix erigit: & occupor, si vniquam omninò tempore mihi opus, vt semel & opportunè fiat. Vale mi Branti. Louanij, VII. Idus Septembr. ∞. ID. XCVIII.

## EPISTOLA XXXVIII.

IOANNI DRENCKWAIRTO, *Thesaurario.*

**V**ENIT ad me Balduinus tuus, planè meus futurus, quia tuus. Nec aliâ commendatione est opus. In studijs eius dirigendis prima nunc cura erit: & placuit valdè iudicium tuum de Græcis. Profectò, vt hodie iudicia sunt & exacta eruditio, nemo in aliquâ classe, qui linguâ eâ non sit saltem tinctus. Et vsum etiam suum, immò dixerim necessitatem, in omni ferè scientiarum genere habet. Itaque discet: sed non apud alium, quàm me præceptorem. nam domi exercitia, & quasi gymnasium eius linguæ habemus. De Philosophicis, mihi satis videbatur eum ad disputationes sæpè ire, quæ publicè in Collegijs habentur: atque ea optima ratio est & repetendi, & examinandi. Superest Iuris studium, quò credo eum destinari. & putem satis esse primo hoc anno, si Institutiones audiat, nec longius in illud pelagus se mitat. Nam stilus, & eloquentia etiam aliqua assumenda sunt, atque vtilissimæ huic in omnem vitam parti dandæ suæ partes. Hæc ita faciemus, nisi ipse aliquid mutas: & paullatim ac per gradus optimam indolem (ita mihi videtur) ducemus ad op-

tima, & scientiarum laudatum illud culmen. Deum precor, v  
adspiret: eundem vt te, Ampliss<sup>me</sup> & Nob<sup>me</sup> Domine, Princi  
pibus, & rebus nostris diutissimè incolumem seruet. Louanij  
VIII. Kal. Feb. ∞. IO. XCIX.

## EPISTOLA XXXIX.

HVBERTO AVDEIANTIO.

**I**N domum meam cum venturus sis (ita vterque volumus:  
quid præcipui muneris tui futurum, non ignoras. Prædixi.  
manu, lectione, & studijs mihi eris: alijs functionis, quæ ab in  
genio aut instituto tuo discordet, immunis. In excipiendo autem  
aut describendo, dixi Orthographiam aliquam nostram sequi &  
scire te debere: sed & vsum distinctionum, qui nobis frequen  
tatur. De istis hauebas discere: & quamquam ad quædam in  
publico Dictata te remitterem, tamen ecce ipsæ operam hanc tibi  
iterum subij, & scripto complexus sum quidquid huius rei, pro  
meo sensu, esset. Lege, sequere & usurpa. *Distinctio duplex, Ser  
monis & Scripti. Illa, quam in pronunciando adhibemus, & per inter  
ualla sustinemus, suspendimus, aut deponimus sermonem. Comma sus  
tinet, Colon suspendit, Periodus deponit. Hæc virtus Distinguen  
di* (ait Fabius) *fortasse sit parua, sine quâ tamen esse alia nulla in a  
gendo potest.* En momentum, quod in Sermone habet: quid si  
maius etiam in Scripto dicam? Nam hercules confusa tota le  
ctio & intellectio, nisi notæ suæ diuidant & quasi manuducant.  
Quid igitur ea est? *Notandi certa ratio, quâ secamus & partimus  
scriptionem.* Ea quæ veteribus fuerit, quærunt: ego ampliùs, ar  
fuerit, quæro. Nam prisca omnia monumenta, lapides, tabulæ  
æra legum aut orationum: in quibus omnimoda adhiberi ea  
poruit: nullam præferunt aut habent. Nisi hanc tamen, quâ sin  
gula verba punctis suis disparant & secernunt: sed punctis vniuf  
modi semper & pari formâ. Quæ res, vt verum fatear, turber  
magis & sistat lectorem, quàm transferat & adiutet. Quod de  
lapidibus dico, ad libros etiam priscos traho: nec in ijs Distin  
ctionum illæ variantes notæ. Vt alios omittam, exstant nobiles  
illæ Pandectæ Etruscæ, à Iustiniani æuo: quære, non dabunt.  
Quid ergo? ante Iustiniani æuum non fuerunt? mox videbor  
sed



sed tamen antiquitus omnino, haud puto. Atqui Cicero & alij videntur agnouisse. vt Crassus apud eum loquens inducitur: *Non librariorum notis, sed verborum & sententiarum modo, interpunctas clausulas in orationibus veteres esse voluerunt.* En notas à librarjjs, & quidem in clausulis, & gratiâ interpungendi. Idem pro Murænâ, in Iuriconsultos illudens: *eos in singulis litteris, & interpunctionibus verborum occupari.* Significat sensum mutari, & cautionem vel cauillum esse, ex interpunctis. Quid Seneca, nonne clarè? *Nos, inquit, etiam cum scribimus, interpungere solemus.* Ecce *interpuncta*, & quidem *sollennia in scribendo.* Hæc sistant, aut viâ illâ sententiæ eijciant: sed nescio an prouidum & sagacem. Nam prior Tullij locus possit planissimè altrouersum duci, quasi dicat Veteres ideo non vsurpasse in clausulis interpuncta, ne ea potius, quàm modum & modulum, in verbis, considerarent. Locus alter, dicat Iuris interpretes in minutis occupari, scrutari in contractibus apices litterarum, & puncta verborum: quia nempe ambigua sæpè hæc ista, & ad anteriora aut sequentia ducenda. Id enim eueniebat in illis solitarijs punctis, quæ verba, vt dixi, singula, non membra aut sensus secernebant. In Senecâ hæreo. & an dicit, spiritum stilumque hominis naturaliter etiam pausare in scribendo, & interquiescere cum sententiâ: non rapidè semper, & torrentis vicem, ferri? Profectò dicit: vide. Nam tota eius dissertatio est, contra præcipientes illos & effusos in loquendo, & cursu verba conuoluentes. Quando igitur origo? nam res tam utilis, & quod caput, tam obuia, ad quam Natura ipsa ducit, non debuit, non potuit diu quari. Dicat aliquis sub Hadriano cœpisse. quia in Suidâ lego de Nicanore quodam Grammatico eius æui, scripisse *περί σημειῶν τῆς καθόλου βιβλίας*: *De interpunctione in genere libros sex:* itemque partitè, *περί σημειῶν τῆς παρ' ὁμήρου, καὶ τῆς καθ' ἑκάστην*: *De interpunctione apud Homerum, & apud Callimachum:* neque aliud egit aut scripsit, ita vt per iocum *σηματίας*, *Interpunctus* aut *compunctus* (seruile conuiciū est) vocaretur. Potuit igitur tunc agitari de inducendâ, etsi nondū vulgò inductâ. Certissima quam reperio, mentio est in Diomedè Grammatico: qui *appositionem puncti* (ita loquitur) in triplici differentia agnoscit. Differentia est, quæ clarius apud Cassiodorum sic expressa: *Sed vt his omnibus addere videaris ornatū, Posituras quas Græci θέσις νο-*

III. De Orat.

In Nicanor.

Lib. 11. cap. De Pronunciatione.

Lib. 1. Institut. Diomed. L. 1.

rant, id est puncta brevissima pariter & rotunda, & planissima, singulis quibusque pone Capitibus, præter translationem sancti Hieronymique colis & commatibus ornata consistit. quoniam illustrem faciunt orationem, quando suis locis aptata resplendent. Nam si corpus nostrum indiget per membra cognosci, cur lectio, cum suis partibus videatur esse distincta, confusa relinquitur? Iste quidem Positura seu Puncta, quasi quedam viæ sunt sensuum, & lumina dictionum, quæ sic lectores dociles faciunt, tamquam si clarissimis expositoribus imbuantur. Prima est Media; secunda, Subdistinctio; tertia, Plena. Quas à maioribus nostris idè constat inventas, ut spiritus longâ dictione fatigatus, vires suas per spatia decreta (siue discreta) resumeret. Quas si mauius cupidus lector agnoscere, Donatum lege, qui te possit de hac re, brevi compendio instruere. Pleraque omnia hîc habes: Nomen, Vsum, Discrimen. Nam veteres Posituras vocarunt: atque ita Isidorus. Positura, inquit, est figura ad distinguendos sensus per Cola, & Commata, & Periodos. dicta, vel quia punctis posit is annotantur; vel quia ibi vox, per intervallo distinctionis, deponitur. Ex nomine novitio (hoc quidem sensu) vides rem non esse perantiquam. Addit Vsum, qui liquet Discrimen deinde, triplicem eam esse, Mediam, Subdistinctionem Plenam. Isidorus autem ita: Sunt tres Positurae. Prima Subdistinctio dicitur: eadem & Comma. Media distinctio sequens est: ipsa & Colon. Ultima distinctio, quæ totam sententiam claudit: ipsa est Periodus. Talia Diomedes: & consentiunt etiam in Notis, quæ, Isidori verbis, sunt istæ. Vbi in initio pronunciationis necdum plena parsensus est, fit Comma: Punctusque ad imam litteram ponitur. & vocatur Subdistinctio, ab eo quod Punctum subtus, id est ad imam litteram accipit. Vbi autem in sequentibus iam sententia sensum præstat, sed adhuc aliquid superest, fit Colon, mediamque litteram puncto notamus: & Mediam distinctionem vocamus, quia Punctum ad mediam litteram ponimus. Vbi verò iam per gradus plenam sententiæ clausulam facimus, fit Periodus: Punctumque ad caput litteræ ponimus, & vocatur distinctio. Vbi vides aliam à nostrâ distinctionem fuisse, quod ad notandam posituram aut signum. Nam idem Punctum manebat, sed locis variabat. In fine Cassiodorus remittit ad Donatū: & sunt eadem ista etiam hodie in illo mutilo & fracto. quid opus verba reddere? Nos variasse isto euo, nō ignoras. & viros doctos pleniùs paulò distinxisse, in Comma, Semicolon, Colon, Periodum. Comma, vbi

Lib. I.  
cap. XII.

minima

minima respiratio est, & semicirculo notamus, . *Semicolon*, vbi paullo maior, nec ad Colon tamen accedit, notamusque, . quod locum sæpè habet in *Contrarijs*, aut *Disiunctis*, aut variâ *Partitione*. *Colon* autem, sententiâ in parte perfectâ, sed etiam crescente, & signamus duo puncta: At *Periodi* nota est punctum, longæ siue brevis. Nam & breues *Periodi* sunt (in epistolis creberrimè) quasi membra: & hæc ipsa punctus signet: sed cum discrimine, vt grandiore capitali litterâ non excipiantur. Ista de *Distinctio*ne veteri, & nostrâ, sed in vnâ *Periodo* aut sensu. Est alia, quæ veterum fuit, nunc desijt, meo voto reuocanda. Per versus libros diuidebant, & curiosè librarij subnotabant: quod vetus esse, & ab *Asconij*, id est *Claudij æuo*, apparet. Nam is in *Commentarijs*, verba *Ciceronis* cum citat & aduocat: *Versu*, inquit, à primo DCCCL. Item: *Versu circiter* ∞ . XI. iterumque: *Circa Versum à primo* LXXX. *Versus* appellat. vt & Græci *σίχους*. Nam ita *Diongenes de Aristotele*: *Libros eius omnes continere μυριάδας ἑξήκοντα τετρας ἢ πενταράχοντα, ὡς τοῖς πεντακίχλοις ἢ δεκάχοις ἐδομήκοντα*: *quadringenta quadraginta quinque millia versuum, itemq; ducentos septuaginta*. Item de *Chrysippo*, qui πολυγραφώτατος fuit, *in diem scripsisse versus quingentos*. *Plinius de Zoroastre*: *vicies centum ab eo millia Versuum condita*. *Galenus*, *Lyci cuiusdam commentarium se legisse, ad eò prolixum, vt quinque millia versuum contineret*. In *Diuo Hieronymo*, epistolâ ad *Magnum*, oratorem *Rom.* *Scripserunt contra nos Celsus atque Porphyrius: priori Origines, alteri Methodius responderunt. Quorum Origines octo scripsit libros, Methodius vsque ad decem millia procedit versuum. Iterum ad Damasum, Episcopum Rom. Quos mihi iam pridem dederas Lactantij libros, ideò non libenter lego, quia & plurimæ epistolæ in eis vsque ad mille spatia versuum tenduntur*. Denique *Iustinianus* in *Pandectis* suis *quindecim myriades versuum esse*. Ex quibus omnibus liqueat, certam & perpetuam distinctionem in *Versus* fuisse, in omni volumine & descriptione reperiendam. Sed fueruntne igitur veri *Versus*, siue lineæ? Hæremus. si fuissent; quomodo in membranâ aliâ atque aliâ sic caderent? quomodo in litterâ maiore aut minore, vt solet? Nisi quis putat aut variasse per libros: aut certos modulos cuique volumini tributos, quos velut lege seruarent. Tale aliquid *Isidorus*: *Quedam nomina librorum apud antiquos certis modulis conficie-*



Prefat. in  
Isai.

Prolog. in  
Paralip.

Lib. 1. In-  
stit. diu.  
Lect.

In Esai.

In Orat.  
ad Brutū.

bantur. breuiore formâ Carmina atque Epistolæ, at verò Historiæ maiore modulo scribebantur. An satis huc faciat aut firmet, nescio: possit tamen aliquis & Versus explicare membra minuta, & sectiones sic institutas. Hieronymum auctorem habeat. qui alibi *Prophetas versibus descriptos* à se fatetur: & communiter de libris Sacris, *Silvam nominum, sensuumque barbariem per cola versuum digessisse*. Neque aliud sanè vult, quàm quod Cassiodorus: *Primum D. Hieronymum, propter simplicitatem fratrum, colis & commatibus ordinasse translationem suam*. Et idem alibi: *Translatio sancti Hieronymi colis & commatibus ornata consistit*. Ergo idem isti Versus (Hieronymo quidem) quod *Cola & Commata*: & quid autem ista nil nisi *Membra, & Sectiones*. Nam sic hodieque Biblia illa Sacra vtiliter legimus distincta, & ipsi Versus appellamus. Notat autem idem sanctus scriptor, exemplo prisco se hoc fecisse: *quia idem, inquit, in Demosthene & Tullio fieri solet, ut per cola scribantur & commata*. Caue acceperis de Interpunctis, eo nomine: fallèri quod dixi intellegunt: & ita Demetrius definit, *Colon, aut simplicem periodum, aut compositæ periodi partem*. Ita Cicero *Commata* sententias accisas & breuiores, sed plenas: ita & Hermogenes gentile sermonis, *κομματικὸν καὶ ὀξελεκτικὸν* appellat. Hæc igitur fuissent videntur. si non; ut nunc sint, & exemplum illud Hieronymianum vsurpetur, consilium meum sit & votum. Valdè ex videretur lectorum, & eorum qui excerptum aut subnotatum aliquid voluerunt, hoc esset. cùm ecce Liuium, Ciceronem, tales, non nisi per libros aut orationes diuisos habemus: & longum nec promptum in totis ijs aliquid quærere; facile & obuium, si Versus designarent. Industrius aliquis vir facere debeat, & Typographi imitari. Vale, & ad nos quàm maturrimè veni.

## EPISTOLA XL.

Vltraiectum

HADRIANO VANDER-BVRCHIO S. D.

**O**SCVLA tua & OCVLVS accepi, & FVNERA mox & TRISTITIA, quæ decorè subiunxisti. Æterna ita lex est, ut haec in vitâ & vsu tēperentur: benè ergo & in Carmine, quòd imaginem illius habet. Grata fuerunt, vnâ re minùs, quòd nissionem eam excusandam putasti. Apud mēne? qui semper talibus delecto

lector, vel pascor veriùs : & certè non sapè nunc, vt æuum est, ingeruntur hæc mella. Ferox ille Mars, qui regnum possidet, animis ferociam & duritiã inserit, & abducit ab omni cùm humanitate, tum humaniorum artium cultu. Patiamur, quæ non mutamus. At de EPISTOLIS meis, etiãne illïc vobis visæ? & tibi placuisse significas : non aliis fortasse, siqui alieni sunt à nobis. Vtinam religionis illa caussa, id est res capitalis, vos nō diuidat! cetera dissimulari possint, etsi non probari. Quando autē emendari? leuis & frigida spes, si homines video; si Deum, magna. Vtinam nos modò emendemur, &

*Per nostrum liceat scelus*

*Iracunda Iouem ponere fulmina!*

Sed de EPISTOLIS, alias paramus : neque temerè tamen vos amicos immiscemus, ne beniuolentiæ specie noceamus. Vale V. Cl. & fratrem tuum V. R. Decanum saluta. Louanij, viii. Kal. Maijas, statim vt tuas accepi.

## EPISTOLA XLI.

*Bruxellam.*

IO. CAROLO ÆNOBARBO, V. N. S. D.

SERIVS omninò epistolam tuam accepi, non amoris solùm, sed curæ de me plenam. Cùm enim Antuerpiæ fuisssem, itemque dies aliquot Bruxellæ vestræ; ecce reuerso demùm epistola ea mihi reddita, cui alioquin animus & ratio erat vel statim respondere. Hoc igitur excuso, & ad rem nunc ipsam pergo. Ais te audisse de itinere meo in Italiam, & parùm probare significas, imò libero & aperto ore (hoc quoque amici) dissuades. Vt tibi totum sensum meum aperiàm, diffundam me paullùm, & in hoc chartaceo æquore exspatiabor, te, vt spero, fauente aut certè non sistente. Igitur de migratione aut mutatione aliquâ consilij aut status, hoc inprimis cogitare te deprecor : neque est tale aut fuit, & in istâ præsentī meâ conditione & patriâ aquiesco. Quid enim alibi quæram aut spectem? opes? modicæ obuenerunt, sed quas animus iste (audacter dicam) magnas facit, in minoribus etiam magnus. Fines mihi habendi iamdiu posui, & quod naturæ satis est, etiam cupiditati. Sed mihi vltrà obuênit, & ad morem etiam viuere possum, non solùm ad naturam. Ergo ab eâ parte

nulla causa migrandi aut innouandi. An ambitio fortasse im-  
 pellit? & famam nouam apud nouas gentes quærimus? Liber-  
 dixerim, adesse eam super vota, non solum super merita: & vnus  
 illud mihi curæ esse, non vt augeam, sed vt coërceam, ne in vanum  
 aut ventosa effundat. Itaque ab vtrovis isto telo an stimulo non  
 impellor: quæ autem vera causa consilij mei, candidè & simplici-  
 ter audi. Annus Sæcularis ille sacer instat, qui ex omni terra  
 rum orbe Christo sacratos homines ad se euocat: ecce inter illos  
 ego sum: cur non fas obire & frui hunc Pietatis fructum? Ego  
 verò fecero, eò iustius promptiusque, quòd onera domini non sunt  
 quæ remorentur aut sistant. Nulla iuuentula vxor, quæ humen-  
 tibus oculis abeuntem detineat; nulli parui liberi, qui collo se in-  
 nectant & ingeminent parentem. Pietatis hoc studium liberum  
 est: & propior aut iustior nulla ratio, quæ sistat. At causa etiam  
 altera, Valetudo. Tredecim amplius annos in tristi eâ sum & ad-  
 uersâ; vitam nec vitalem, vt sic dicam, viuo; & traho magis spi-  
 ritum, quàm duco. Quis ille baro mihi inuideat aut obiiciat, tamen  
 refouere eam vel instaurare peregrinatiunculâ tentem? At enim  
 tenue aut infirmum mihi corpus, nec par molestiis. Agnosco, sed  
 hoc quoque vsu didici, illud ipsum assurgere & excitari per viâ &  
 motum. Melius notabiliter habere soleo, cum ambulo: & ideo  
 iure hanc veniam peto, vt ij qui viuere me volunt, patiâtur trans-  
 ferri & moueri. Denique causa tertia, viri Principes qui inui-  
 tant. Humanitatis est iis se dare, & animum flectere ad desideria  
 aut imperia illorum. At, inquires, illi ipsi te illigabunt & sistunt  
 & hoc amicos tuos angit. Audio, fateor, ab aliis metus similes  
 & timere me aliquid inducat communis hic timor. Cum tamen  
 oculos ad me & hoc animi decretum reflexi, ridere magis subit  
 quàm vereri. Ego ne vt in hac ætate, & quod caput est in hoc  
 languore, ad sedes me dem & spes nouas? Iamdiu in ipsâ pa-  
 triâ meâ rudem cogito, & mereri me autumo: transibo, & in-  
 cludi me patiar, in nouum ludum? Non faciam mihi Ænobar-  
 be: apud me, apud meos maneo: & nisi Fatum aut Vis inter-  
 cipiunt, intra paucos menses Belgis me reponam. Deum rogo  
 vt ita sit: te autem, vt hanc esse mentem meam credas, quam ip-  
 sam tibi aperui, remoto omni simulationum velo. Vale Vir No-  
 bilis & Cl<sup>me</sup>. Louanij, viii. Kal. Iul. 60. 15. xcix.



## EPISTOLA XLII.

IOANNI DRENCKVVAIRTO, *Thesaurario.*

**S**ICUT inter primos consilij mei de peregrinatione Italicâ certiore te feci: ita nunc debeo de impeditâ eâ, aut suspensâ. Litteras ex Italiâ nudius tertius accepi, quibus significant & pestem in aditu atque ore Italiæ sæuire incipere, & metum esse ne in reliquum corpus peruadat. Imò iam in Ferrariensi tractu initia etiam esse. Itaque addunt deliberari Romæ, an facer annus in alterum sequentemque non sit prorogandus. Hæc causâ iustissimè facit, ut tardem in hoc itinere, & in Veris saltem tempus protollam, aut & totum omittam. Nam cur apud te dissimulem? Animus auct & impellit peregrinari, sed corpusculi huius imbecillitas & pertinax inualetudo, cum ad iudicium redij, dissuadent. Ergo de cognato tuo nihil ultra, nunc quidem, cogitandum. maneat, studeat, ad metam suam eat. Quod cum bono Deo facturum eum spero: utinam nos publicè ad optatam illam metam Pacis! nec despero in Principum aduentu. Ampl. & Nob<sup>me</sup> Domine, Deus te Reip. & Principibus, sed & nobis, ætatem seruet. Louanij, viii. Kal. Sextil. ∞. 15. XCIX.

## EPISTOLA XLIII.

*Antuerpiam.*

PETRO LAFAILLIO, CAROLI F.

**E**PISTOLAM perbenignam à te accepi, inopinatam, & ideo magis gratam, quia iuuat tales habere qui ament, cupiant, iuuent. Nam nec hoc postremum abnuerim, ubi opus sit aut oportunitas: ac fuisset sanè in Italico nostro itinere, si id pertendissemus. Sed quæ interuenerint, audisti. Omitto meam inualetudinem sic affectam, ut medici pro sano me non facturum putent, si suscepissem: omitto inquam, & animus potuisset corpori imperare & vincere: sed publicæ illi causæ sunt, quæ me quidem iustè videntur vel tardare vel arcere. Quidni, cum illi ipsi deliberent & cunctentur, qui me vocant? In hac ætate aliquid calidè aut temerè à me fieri indecorum sit, nec veniam habeat quam in iuuentute. Itaque differo aut supersedeo; haud li-

bens, sed fatis, id est, Deo didici parère. Tibi autem gratias debeo, & semper in animo habebo, pro hâc beniuolâ oblatione hospitij in domo tuâ Veronæ: quam urbem certum mihi erat videre, & suâ elegantîâ celebrem, & memoriâ antiquâ. Quod reponam, nunc non habeo, præter animum: quem scito & tibi ad dictum pròptumq. esse, atq. etiam tuis. Inter eos Petro Scholerio, cognato tuo: cui factum volo, & faciam ubi occasio erit. Re hoc malo ostensum, quàm verbis dictum. Vale Vir ornatissime, & cum tuâ tuisque salue. Louanij, ix. Kal. Sextil. ∞. IO. XCIX.

### EPISTOLA XLIII. *Antuerpiam.*

IO. VVOVERIO *suo* S. D.

**H**ABES hesternas meas, quid istis opus erat? in vnâ modore, quam memoria tunc mihi subduxit. Buytevechiana epistolæ exemplar Micaultianę iniiciendum erat: quia scis quàm res eum tangat. Itaque neglectum à me, fieri per te rogo. Amplius, ferre te hanc mutationem consilij, & in eâ philosophari circa spes aut cupidines coërcendas. Numquam indulgendum nimis esse. sed vt ij qui in proclui sunt, sese & equos sistant: si in optabilibus & latis faciendum, ad quæ animus sponte fertur. Vis cogitare Deum aliquem moderatorem vitæ & actionum esse? illum amantem & curantem nostri? Impediuit, disturbauit ergo noluit: ergo neque ex vsu fuit, etsi animus aliter veller. Illum igitur ad diuinum apto, & non renuenti passu fati cursum sequor. Fac mi VVouerî, & simul quid parêti & tibi visum (in tuis rebus dico) fac sciam. Vale. Louanij, vii. Kal. Sext. ∞. IO. XCIX.

### EPISTOLA XLV. *Leodicum.*

P. IOANNI ORANO, *Sacerd. Soc. Iesu.*

**I**AM denique sedet tuum & amicorum consilium (nam omnes amici in eâ parte:) manemus, nec Italiam hoc tempore adimus. Præter valetudinem meam nimis tenuem & infirmam mouet & publica in Italiâ lues, quæ ipsa limina iam infedit. Alibi Vrbe litteras habeo, & moneor ab iis qui calidissimè inuitarunt vt deliberem & cuncter, quò lues se ista dabit. Imò seriò agitar  
de An

de Anno sacro prorogando, si paullum se diffundit. Scis autem quas molestias Italia peregrinantibus dare soleat, vbi vel suspicio eius morbi est, nedum vbi ipse. Itaque iam scripsi dilaturum me iter in Ver proximum, & tunc fortassè omnia serena magis, & certa quidem fore. Quid ipsos aut me iuuet, periculis & molestiis frustra exponi? Ea dilatio consilium etiam magis dabit, etsi propèdeo in patriâ & meâ istâ Spartâ manere. Apud te hoc prommo. & quid me inuitet? pietatem tamen sepono: an pecunia? nec exspecto, nec peto: an ambitio? fortassè minutam aliquid de famâ aspectus, nihil ad eam addam. Quicquid sit, ætas mea & iudicium iam maturiora, à vanitate abhorrent: & fortassè in pompam ac speciem multa illuc dicenda, aut gerenda. Præcogitasses hoc, inquires, nec addixisses. Melius erat. sed tamen vel sic præstat ante viam sistere, & temerè aut calidè aliquid dixisse, quàm fecisse. Calorem tamen meum religio & pietas excusabit, quam Deo teste affirmo in oculis præcipuè mihi fuisse. Vale Reu<sup>de</sup> Domine, & hæc cum fratre tuo V.C. Petro Orano, id est, cum me altero participato. Lampsonium communem viam inisse audimus: Deus manibus eius propitius esto. Louanij, v i. Kal. Sextil. ∞. IO. XCIX.

## EPISTOLA XLVI.

*Antuerpiam.*HENRICO VVVENO I<sup>cto</sup>.

**B**ENE est mi Vvvene, benè est (nam familiariter & abruptè apud te ordiar) quòd in eandem sententiæ partem mecum venis. Improbare tibi significas iter Italicum, idque magis quàm magis cogitas: tibi autem? imò addo verè & seriò, amicis plerisque meis omnibus, cum quibus scripto vel sermone de eo egi. Quid autem alios nominem? ego ille paullò antè calidus valdè & destinatus, cùm iustâ iudicij lance rem pondero, remitto affectum, & in rationis partem incipio propendère. Duo me maxime mouent. prius, quod & tu tangis, metum subesse ne veniam facilius, quàm me recipiam: & ne remora mihi illuc, aut & manus iniectio, per beniuolentiam fiat. Quod si esset; iuro tibi sanctè, vitalis non sum, & nullo modo mores, ingenium, vitam ad illud cælum & homines nunc aptem. En feneseo, & cani spargunt



meas genas : mutabo familiarem aërem , locum , victum , amicos ? omnia noua sensibus oculisque istis obiciam , & in metâ pænè vitæ , noua vitæ spatia ingrediar & decurrâ ? Mihi crede hæream aut deficiam iuxta ipsos carceres : neque nunc ad senile & compositum ingenium faciant , quæ voluptati erant olim Pompam dico , & splendorem , & speciosa omnia : præ quibus maturus & iam frigens hic animus otium , secessum , tranquillitatem amat. Duæ pestes humani generis Ambitio & Auaritia , altera nec olim me cepit ; altera iam à plusculis annis dimisit , & ne laciniâ me tenet. Quid cogitem , aut cupiam ? nisi paucos hos & extremos annos , id est , pauxillum vini mei reliquum , Deo libare & melioribus vtilioribusq. Musis , quatenus eidem Deo visum Huic fini quies mihi conuenit , nec concutere corpusculum hoc caducum , fragile , & velut putre ædificium , ruinæ iam propinquum. Enimuerò cogitavi & antea , fateor ; sed Spes illa blanda & insidiosa mortalibus diua , suggerebat ipso motu & mutatione valetudinem posse corrigi , fortassè & erigi in rectum & viderem suum statum. Suggerebat : sed cùm rei vicinus & viâ , examinâ (secundum hoc quod me mouet , esto :) Deû testor , tantum impari me longo huic itineri , quàm nauigationi ad extremos Indos esse. Suscipere possum , patrare non possum , & in viâ quædrante deficiam aut subsistam. Hæc ita sunt : sed quare addixisti ? inquires. Nollem factum , vt liberè dicam : sed me & illorum qui vocabant , benignitas induxit ; & mea item cupiditas (cui pietas mixta) prouexit. Suaue erat in cogitatione & animo , reuiscere visa olim loca , tot vrbes , tot homines nobiles , & multos ex iis nobis amicos. Sit venia honesto desiderio : sit venia etiam impotentia , quæ exsortem me effectus facit. Quid autem quod ab ipsis mihi suggesta excusatio ? imò disertè iam bis scriptum , nequid adproperem , & metum ibi luis esse , ac iam fines & limina Italiae infedissee. Vt nihil aliud sit , honestius aut certè prouidentius maneo , & iter totum si non tollo , iustè protollo. Quod autem tu mantellum etiam & velum aliquod ab Aulâ quæris , nihil est nec eò iuerim : & transluceat hæc purgatio , & callidi illi demantem verâ facie hâc personâ. Itaq. in re maneamus , securi iudiciorum si qua præter rem dabuntur. Extremum quod vel inimici dixerint , sit leuitas & temeritas : esto : malim dixisse aliquid temere

aut scripſiſſe, quàm feciſſe. Ibi pudor dumtaxat, hîc poenitentia ſit adiuncta. Vale mi amice, & ſeriò te ſcio mihi, & me tibi eſſe. Louanij, Kalendis iſſis Sextilibus. ∞. IO. XCIX.

## EPISTOLA XLVII.

Eòdem.

IO. VVOVERIO ſuo S. D.

**E** GÓNE vt de Galliâ tibi diſſuadeam? tum planè à me abeam, imò mentis meæ exſors ſim, & cum Homero, \* τὰς φρέ- \* mente car-  
 νας ἐκπαισσομένης. Galliam, Galliâ in pectore amo, in ore circum-  
 fero: & quidni? bonarum artium amantem, & ideò mei quoque  
 (vtinam meruerim!) diligentem. Illa verò tellus ingenia ſemper  
 habet, plurimùm format: & ſiquid nunc incultum aut ferox, à  
 trifti & \* πλωρίω iſto Marte eſt, qui nimis diu eos preſſit. Ipſa gens \* immani.  
 facta ad virtutem, alacritatem, humanitatem: quâ poſtremâ ce-  
 teras orbis terræ gentes vincunt, certè vicerunt. Sed fuerint hæc  
 \* σπουδερὰ καὶ ὀλέθρεια: beata Pax tranquilla omnia referat, & vete- \* aſpera &  
 rem iis indolem ac mores reddat. Eſt, aut erit: tu interea me au-  
 ctore viſe, oblectare, diſce. hoc poſtremum ſeriò, nec ludus aut  
 aberratio tibi ſit, peregrinari. Plato iuuenes in ſuâ Rep. ab eo ar-  
 cebat, quia vix apti eligere, & nouiſſe quæ proſint: at ſenes non  
 ire ſolùm, ſed mitti volebat, relatu-  
 ros ſiquid boni moris aut exem-  
 pli uſquam eſſet. Hunc finem, hunc animum, etſi non annos,  
 habe: & velut ſpeculatorem miſſum te cenſe, cum Diogene ali-  
 quo, ad res humanas explorandas. Splendet aliquid aut placet?  
 accede, tenta, an verâ luce: & ſi illâ, mirare, aut adſume. Sordet  
 aut iacet? calca, non ſolùm tranſi, & animosâ fiduciâ ad meliora  
 abi. Vt rem tibi dicam, vbique vtrumque reperies: alibi ere-  
 briùs, rariùs, bona, mala, mixta. Iuuet te, quòd iudicium iam (aut  
 fallor) in bonam partem formaueris, & firmus ſtare poſſis con-  
 tra vanitatem, non ſolùm prauitatem. O fac, & contubernio meo  
 honorem hunc concilia, prudentiæ aliquid ab eo, non ſolùm  
 ſcientiæ hauſiſſe. Si hanc ſolam; abdico, vt olim ſeueri illi paren-  
 tes. Ceterùm de Italiâ, nolim vltrà te aut me titillet. mihi exſtin-  
 ctus ille ardor (ita enim fuit) à ſedatæ rationis quodam imbre:  
 velim & te reſidere, nec meditari fortasſe vana rerum. Res ipſas  
 quæramus: umbras, pompas, breues ſtructuræ, recto oculo vi-  
 deamus,

\* Vrbī im-  
mist mor-  
bura tri-  
sem.

deamus, noscimus, spernamus. Testimonium, quale volebas, habebis : de litteris fac nunc gratiam ; occupor , quā in re ? extremo (ne percellere) & testamentum cum vxore meā iunctim condido. Hoc vera sapientia iam olim fieri suasisit ; nunc etiam plebei postquam superus ille Apollo \* Νῆσον ἀνὰ πόλιν ὄρσε κακῶ. Itaque funera in oculis habemus , etsi per hos dies rariora , & mitescentia malum videatur. Deus donet, & te quò tendis sanum ire, redire & manere meum semper. Louanij, iv. Idus Sextil. ∞ . IO. IC.

## TESTIMONIUM.

**E**GO, si quidquam bonā fide, iam nunc testificor, hunc IO. VVOVIRIVM ē contubernio & domo meā adolescentem , mihi carum Modestiae , & Musis fuisse : quas semper coluit , & vitam ad optima praecepta , ingenium ad artes conformauit. Commendo serio , bis serio quicumque illa amant : addam & verecundē , si quis me amat , vt futurum huic velit. Fucō verborum nemini imponam, nec ipse morum : candidus est , bonis benè natus est , & siquid ad rem , in re bonā. Fauet qui hæc legitis , & breue sed fidum elogium censete : quod à vobis amplius auferet , si noscetis. Louanij, iv. Idus Sextil. ∞ . IO. XCIX.

IUSTVS LIPSIUS.

## EPISTOLA XLVIII.

Bruxella.

IOANNI DRENCKVVAIRTO , Thesaurario Belgij.

**V**ALETUDO mea adegit, vt domum properarem : idq; breuiore viā illā Mechliniensī. Ita vos non vidi, nisi affectu animo : quem quomodò non sapē istuc mittam, magis magis beneficiis vestris deuinctus? Ingratissimus hominum sim, & cognus cui vel frons, exemplo Macedonici illius militis, inuratur. Balduinus tuus ad nos sanus saluusque rediit : hoc momord quòd non te talem reliquisset. Si vota nostra locum habeant non illud modò sis, sed pænè dicam immortalis. Balduinū tuum scandere ad tituli illius apicem curabimus : atque vtina breui ad ipsum illud culmen , quò adspirat ! Ipse adniratur , nō alleuabimus : sed nihil properè, ne non ascensum sed ruīnam sistruat. Sicut aues matres non patiuntur pullos suos longius au-

la



lare, sed comitantur & sistunt, & docent : nos item hæc talia in nostrâ iuuentute. At te, Ampl<sup>me</sup> & Nobil<sup>me</sup> Domine, sanum & firmum seriò vouemus, publicâ & nostrâ causâ. Louanij, III. Idus Sextil. ∞. IOC.

## EPISTOLA XLIX.

*Bruxellam.*BALDVINO IVNIO *suo* S. D.

**N**IHIL timidè ad me aut cunctanter scriptione debes accedere. cur facias? amo affectum, qui impellit: sed & ipsum illud scribere amo, quod te exerceat, me delectet. In alto otio es, etsi in negotiosâ & turbidâ vrbe: sed in quâ vana & ambitiosa multa rerum videas, nec pro mente studiis melioribus operatâ. Sicut terrâ interiectâ, Luna lumen à sole amittit: sic animus obnubilatur, interuentu isto viliorum rerum. Itaque meritò eas fugis, & ad nos adspiras. etsi es tamen in contubernio Amplissimi viri, tui auunculi: à quo haurias præcepta, & exempla item videas, ad Virtutem. Sed vt nunc tua ætas, Louanium & hæc Mineruæ dicata loca, magis tibi faciunt: redibis igitur, cum illi visum, quia lues fit rarior & mitior, imò pennas quaterere videtur, & à nobis abire (fiat, fiat) mala illa Diua. Censeo tamen Principum aduentum expectes, qui appropinquare dicuntur, vt solennia illa videas, nec visa tibi nec fortean videnda. Hoc suadeo. etiam illud, vt mentem & oculos ad libellos flectas, manum subinde ad stilum, ne otiosum tuum illud otium sit: id est, vt noster Seneca appellat, *hominis viui sepultura*. Vale. Louanij, xvii. Kal. Sept. ∞. IO. xcix.

## EPISTOLA L.

*Eodem.*GVIL. SCARBERGERO *suo* S. D.

**B**RUXELLA te etiam habet haud dubiè, & dies fortasse aliquot habebit, in hac publicâ lætitiâ & pompâ, quâ vestra ætas, quid vestra? senior etiam aliqua meritò delectetur. Sed vt te deinde Louanium nostrum, & domus etiam mea, habeat, id cupio: & hæc causâ scribendi. Reuise nos, non quia diu absueris, sed quia fortasse absuturus: & in antecessum, vt aiunt, con-

GG

suetudinis

fuetudinis hunc fructum capiamus. Coràm de itinere tuo & meo consilio. De Italico quidem ne vltra cogita, tam periit quàm extrema faba, vt Comicus ille iocatur. Causse nimis iustæ sunt & vel sola tenuitas mea, & hic homo, vt sic dicam, monogrammus, pro mille. Par non sum, quicquid coner, quicquid cupiam & non Italia, sed via mihi sit sepulchrum. Vale, mi Scarbergere & quod dixi, & (si voles etiam) iussi, veni. Louanij, III. Non. Sept. ∞. MD. XCIX.

## EPISTOLA LI.

AD CONTVBERNALES SVOS,

Franciscum Oranum.

Io. Baptistâ Peresum Baronium.

Guilielmum Richardotum.

Antonium Richardotum.

Guilielmum Scarbergerum.

Cornelium Anchemantum.

Joannem VVouerium.

Balduinum Iunium.

Philippum Rubenium.

Hubertum Audeiantium.

**I**TANE de *Potoribus* & *Edomibus* scire auctis? & decorè hoc potestis? Ita. quia in Scholâ etiam disserui in occasione, vt dicitis & velletis rariora ista exempla in promptu habere, non ad imitandum, sed narrandum. Addam ego, & detestandum. nam si oportet. monstra hominum fuere, qui huc se dedere; et si in theatris & regiis etiam spectati, cum fauore suo & plausu. Sed videamus igitur primò *Potores*, & istos, cum poetâ prisco,

\* *Conuiuij*  
*nautis*, &  
*calicum* *remiges* *siue*  
*trahones*.

\* Συμποσίη ναύταις, καὶ κυλίκων ἐρέτας.

Proludo autem leuiter & vniuersè de toto genere: quos vbi & quando non est inuenire? In veteri & nostro æuo, in noto & nouo orbe videas: & Plinij dicto, *nullâ in parte mundi cessare ebrietatem*. Nec vina solùm huic rei expeti, sed aquam adsumi: ô sagacitatem ingenij! quâ repertum, vt hæc quoque inebriaret. Frugibus corrumpi variè eam scis, & herbis, & melle: quid quòd & fumis atque odoribus alibi (de Peruanâ Indiâ scribunt) inducitur alienatio hæc mentis? Quacumque viâ, madescere tamen volunt & desipere: ac pro plurium mente ille apud Comicum sentit:

Antiphanes apud  
Athen. libro I.

— τὸ δ' ἄρ' ἔην  
Εἰπὲ μοι τίδ' ἔστι; τὸ πέναν γε, φήμ' ἐγώ.

Ορᾶς παρὰ ρείθεισι χυμάρροις, ὅσα  
 Δένδρων ἀεὶ τὴν νύκτα καὶ τὴν ἡμέραν  
 Βρέχεται, μέγας ὅ καὶ κάλλος οἶα γίνῃ.  
 Τὰ δ' ἀνπτέινοντ', οἷον δ' ἔσαν πνα  
 Ἡ ξηροσίαν ἔχοντ', αὐτόφρεμ' ὀπλοῦνται:

—sed vivere

*Quid tibi videtur? mihine? bibere, ego inquit.*

*Videsne ut, ad fluentia confita arbores,*

*Et quae diebus perpetim atque noctibus*

*Rigantur, alto stipite & letá comá*

*Celo minentur? contrà, quae velut sitim*

*Patiuntur, has perire cernas stirpitus.*

Plures, inquam, consentiunt: imò velut ad palmam currunt in Dionysiacò hoc agone. Qui olim eam populariter tulerunt, Platonis iudicio sunt *Scythae, Thraces, Celtae, Iberi*: nec vel hodie id culpes, nisi fortè in Iberis, qui demutarunt. Sed bellum, quod de iis etiam addit: *Σκύθαι & Θράκες ἀκράτω παντάπασι χυμάρροι, γυναικες τε καὶ αὐτοί, & καὶ τῆς ἡμετέρας κατὰ χυμάρροι, καλὸν καὶ εὐδαιμον ὀπτιήδ διμα ὀπτιήδ εὐειν νενομίχασι: Scythae & Thraces meraco vino passim viuentes, viri atque etiam femina, & in vestes sibi defundentes, bellam & beatam vitam vivere se censent.* Quid ais? agnoscísne hæc & in nostris moribus? non etiam illud de effusione? quâ bibuli isti videntur, siue cùm recusanti alteri poculum in sinum vestis proiciunt; siue cùm ipsi auidè bibentes, suum stillatim perfundunt. Sed Græcos tuos Plato quid ita omititis? scimus & eos in hac classe, & proverbio innotuisse. Etiam Diui Basilij reprehensione acri, quâ mores sui æui ita corrigit, ut tamen revelet. *Bibunt, inquit, auidè & comeissantur, & propinant: sed bellum acroama, ποιοῦντ' ἡδὴ τὸ πότε, ἐπεισέρχεται πρὸς αὐτοῖς νεανίας, χυμάρρ' ὅ τας ὥμας, ἔπειτα μετ' αὐτῶν, φιάλῃ φέρον εὐμεγέθη οἶνον καταφυγμένον. ὃς τὸν οἶνον χόρον αὐτῶν παρῶσα μὲν, καταπὰς εἰς τὸ μέσον, δὲ σκολιῶν σαλεύων ἰσὺ τοῖς συμπόταις δεινέμεν τὴν μέθην. διδόμενοι γὰρ τὰς ὑδρορροίας, καὶ τὴν πρὸς αὐτὸν ἑλκας, τετραμμένῳ ὑποδέχασθαι, ὥστε ὑπὸ τῇ δεξιᾷ ἀνὰ πίνουσι, ὡς οἱ βόες, ποτὶ τὸν ὑφ' ἑλκεων ἐπιγόμενοι τοῖς λαμοῖς, ὅσον αὐτοῖς ἀνωθεν ὁ φυκίης δὲ ἀργυρέων ὀχετῶν ἐπαφίνοι: potione iam longius progressa, intrat adolescens aliquis, validis humeris, & nondum ebrius, vas magnum ferens & sustinens vini refrigerati. Atque is propulso ordinarie pincernâ,*

G G 2

in me-



De Plan-  
tat. Noë.\* Duode-  
cim pocula.

Lib. x.

in medio adstans, per obliquos canales quosdam, æqualem omnibus di-  
tribuit ebrietatem. Partiti enim tubos illos, & ad se versum quisque  
accipiens & excipiens, tamquam è cisternâ vno spiritu bibunt, prorsus  
ut boues: adacti tantum in guttur adtrahere & demittere, quantum  
supernè vas illud per argenteos si'anos siue canales infundit. O bellum  
inorem! ô Græcis illis elegantibus dignum! tam herculè quàm  
alter iste (iuuat commemorare, vterque nouitius nobis est) alter  
inquam Philoni expressus, & apud stirpem illam Græcorum Alexan-  
drinos vsurpatus. Certant vino, inquit, bibunt confertim & vi-  
spiritum recipientes, cum identidem pueros à poculis iubent infunderi  
& si vellemiter tardent, acriter increpant, quòd calidum ijs (sic loquun-  
tur) frigefaciant. Denique in pulchro hoc certamine μεγάλα κῆ καὶ  
λαὰ ἀλλήλοις ἀντιπρὸς ῥῶσιν, ὅσα, ῥήσας, καὶ χειρῶν ἀνεγὼς δακτύλους, καὶ ὅποια δ' ἐ-  
τύχη μέρη τῶ σώματος ἀπεδίδοντες: magna & pulchra inuicem patiuntur  
& faciunt, aures, nares, manuum extremos digitos, & siquam aliam  
corporis partem fors tulit, sibi mutuò prærodentes. O non amentium  
sed insaniam! & fidem mihi aliquis habeat, nisi ipsa verba fidei  
auctoris adnumerem? Vide autem blanditias. nam sic ego in-  
terpreter: & suaves isti compotorculi, vino madidi, sensuum in-  
opes, ita se comprimunt, distuantur, allambunt. Dij deæ quid  
quid irati aut hostes aliud faciant? Sed populos omitto, ne meo  
fortasse opus habeam tangere: viros videamus (is enim præci-  
pius noster tunc sermo) & qui singuli fortiter certarunt hoc cer-  
tamen. Ecce Alexander Macedo olim, ipse quoque vini avidus  
& capiens, & addam, suo & alieno malo captus quoque, is dico  
præmium aliquādo publicè proposuit ἀκράτοσας, siue meri potio-  
nis. Ludos rege illo dignos, qui per Liberi vestigia ibat scilicet, &  
hunc quoque honorem ei habebat. Ipse igitur editor & arbiter  
certant plures. sed qui plurimum hausit (ait Plutarchus) Προμα-  
chus quidam fuit, qui ad\* congios quattuor peruenit. Congius cepit o-  
lim libras decē circiter, siue sextarios sex: essent nobis tria vini pocu-  
la, largè. quod autem præmium? talentum. quod etiam? mors  
quæ homini post triduum aduenit: itemque aliis quadraginta &  
vni, qui miselli super vires certarant. Felicior alter apud eundem  
regem, in eodem isto vini modo, Proteus Macedo. qui, ut Ephip-  
pus scribit apud Athenæum, valido & sano semper corpore egit, ei  
si vino adsiduè immersus. Fuit aliquando, inquit, ut Alexander in con-

uiu

uiuio grande poculum posceret duorum congiorum, atque id Proteo offerret. Ille gratanter accipiens, & regem comitatus laudans, cum plausu omnium ebibit. Ac subinde idem poculum repetens, iterum eduxit, & obtulit impletum Alexandro. Quod hic quoque suscipiens ebibit, sed impar viribus non sustinuit, & in pulvinar reclinato poculum è manibus est elapsum. Vides & hunc Quadricogium potorem: & vix est vt supra donem. Nam Plinianus ille Nouellius Torquatus Mediolanensis (Gallus fuit, vindicemus hominem cum hac gloriâ) tres dumtaxat congios bibit: sed quod miremur, vno impetu, (Plinij verba) spectante miraculi gratiâ Tiberio Principe. Hem, vno impetu, id est *απὸδοςί*? Et quod amplius miremur, in eo (iterum Plinij verba) rara hac gloria, non labasse sermone, nec leuatum vomitione, non alterâ corporis parte, dum biberet: matutinas obisse vigilias: plurimum hausisse vno potu, plurimum præterea aliis minoribus addidisse: optimâ fide non respirasse in hauriendo, neque expuuisse, neque ad elidendum in pauiamento sonum ex vino reliquisse. O potorem omnibus numeris perfectum! quis contendet? non tu Cicero fili, qui duos congios simul haurire solitus: sed quid ad hunc aut priores? Abi proles à patre degener, & nec in vitio fatis fortis. Firmus nominetur potius, qui Aureliani temporibus in Ægypto imperium vsurpauit. Is *vi-* Lib. xrv.  
Nat. Hist. Spartian. *ni non multum bibit, aquæ plurimum; mente firmissimus, nervis robustissimus.* & tamen cum ad bibendum à notissimo quodam potatore, Barburo, prouocatus esset, *stulas duas plenas mero duxit: & toto postea conuiuio sobrius fuit.* Cui non dissimilis Bonosus, item inter minutos tyrannos. qui, vt Spartiani verba sunt, *bibit quantum hominum nemo.* De quo Aurelianus sæpè dicebat, *Non vt uiuat natus est, sed vt bibat. Quem tamen diu in honore habuit, causâ militiæ.* Nam si quando legati barbarorum, vndecumque gentium, venissent, ipsis propinabat vt eos inebriaret, atque ab his per vinum cuncta cognosceret. Ipse quantumlibet bibisset, semper securus & sobrius, & vt Onesimus dicit scriptor vitæ Probi, adhuc in vino prudentior. Habuit præterea rem mirabilem, vt quantum bibisset, tantum mingeret, neque vnumquam aut eius pectus, aut venter, aut vesica grauaretur. Is ipse cum, victus à Probo, laqueo vitam finisset, ioco locum dedit, *Amphoram pendere, non hominem.* Infelix quidem in Martis militiâ, fateor; sed hac Bacchi mirificus, & iuxta vel supra Torquatum Tricongium illum ponendus. Quid autem de Camatero Logo-

Lib. III.

thetâ pronuntiabo, qui Manuelis Byzantini Imp. æuo & rebus interfuit? nam & is palmam sibi poscit. Nicetas Choniates dicit: Ingenio præstanti fuisse, eloquentiæ extemporalis studiosum & felicem: sed eundem omnium mortalium edonem & bibonem maximum. Et quamuis vinum avidissimè & largissimè sumeret, & spongiarum instar maderet, tamen mentem non mergebat ea copia, sed pedibus, capite, linguâ constabat, ut sobrius, imò crescebat in eo ratio & oratio velut igne illo humoris accensa simul & irrigata. Hoc genere vitæ non solum Imperatori acceptus erat, sed & gentium dynastis. ad quos Legatus missus, alios in soporem collocabat, alios æquabat potionum veteres, quæque amphoras, ut calices, digitis versare soliti essent. Sponsionem vero aliquando cum ipso Imperatore iniit, exhausturum se vas Porphyreticum aquâ repletum: quod olim in aulâ subdiali Nicephori Phocæ fuisse nunc visitur in huius Michaëlis cœclavi aurato, quod struxit. Demetrius Imperator, Euge, inquit, ô Logotheta. vestes floridas, & minas ab quot auri accipies, si faxis; sin autem, ipse dabis. Ille nihil moratus, ut illud, quod ad duas chœas siue congios capiebat, corpore & capite inclinato, instar bovis, totum simul exhausit: & accepit statim ex patre promissa. Quid dicitis? non hic palmam, ut aiebam, iure suo poscit, & quidem duplicem: non vini solum, sed aquæ singulari potor? Et ecce iam huic aut prioribus dabam: sed è Germania superuenit qui reuocet, & quidem nouus nouitius athleta. Nuptias ante pauculos annos in Norico fuisse audio viri nobilis. iam ad conuiuias hilarandos, certamen potionis propositum editumque, inter eorum ministros. Magno numero conuenerant: sed unus forticulus paullò minus <sup>\* sex congiiis</sup>, haud longâ morâ, fertur ebibisse, & simul præmium meruisse. A me quoque, ô homo athenorcorca, accipe: & fateor nihil simile vidisse, audisse, legisse. In vno quidem isto potionis genere. nam Edones magnos, & simul potiores, repperi fortasse, & super istum. Videamus. Mulier Alexandria olim fuit, quam Athenæus prodit, Libras carnis duodecim edisse, panis quattuor chœnicas, id est totidem & amplius librarum; vini autem congium adbibisse. O mea Venus, ô delictum, bella es digna marito, sed Vulcano. Super hanc longè (quid in viro mirum?) Imperator Maximinus. quem Capitolinus auctor, bibisse sepe in die vini Capitolinam amphoram: comedisse & quadraginta libras carnis; ut autem Cordus dicit, etiam sexaginta. Scitis, quid i

\* Ovide-  
cimpocula.

amphor



*amphora* ? *quadraginta octo* sextarios capit : id est , ipsos *Congios octo*. Trepidarem hæc dicere : sed bonus & priscæ fidei auctor adserit , quam ego non fugillem. Sed audi & crede etiam maiora. Vopiscus in Aureliano principe : *Vehementissimè*, inquit, *delectatus est Phagone*. qui *vsque ad multum comedit*, *vt vno die, ante mensam eius, Aprum integrum, centum Panes, Veruecem & Porcellum comederet*. Clamas, & resilis ? sustine etiam : *biberet autem, infundibulo appposito, plus Orcæ*. Cetera liquent : de *Orcæ*, scio vas vinarium fuisse, & amphorâ sanè maius, sed quantum, mihi latet. Quid Clodius Albinus Imperator ? is, Capitolino scribente, *tantum pomorum hausit, quantum RATIO HUMANA non patitur*. Nam & *quingentas ficus passarias, quas Græci Callistruthias vocant, Ieiunum comedisset*, *Cordus dicit* : & *centum Persica Campana, & Melones Ostienses decem, & vuarum Lauicanarum pondo viginti, & Ficedulas centum, & Ostrea quadringenta*. Hem, hem!

— *dij talem terris auertite pestem*:

certe à nostris hortis, quos ille cum toto foro olitorio depascatur & vastet. Scio vos etiam nunc vacillaturos, & <sup>\*ἐποχῇ</sup> quâdam v-<sup>\*inhibitō-  
ne.</sup> furos in assentiendo : & dedi tamen testes, dignos credi. Vultis & exemplum à superiore paullum æuo ? nam vetera nunc ferè hoc fatum habent, vt etsi vera, vix videantur : an sui magnitudine, an nostrâ declinatione. Sed addamus non tale aut tantum ; quod tamen venire in numerum possit. *Vguccio Fagiolanus* inter Italiæ tyranniones fuit, & sedes ei plerumque Luca, donec pelleretur. Exsul igitur & iam senex, apud Canem Scaligerum, Verona gloriabatur in mensâ : *se iuuenem quaternos capos atiles, & totidem perdices, item hædi clunes assos, & vituli infarctum pectus, præter salsamenta, vnâ in canâ esitasse*. Atque hic homo non in præmium, sed in vsum & pellendæ fami faciebat : quid si exercuisset se, & nervos intendisset ? Satis talium. ite prodigia, & istos gurgites, pænè dicam, maris aliquis gurgis mergat. Louanij, in nostrâ domo : quam quo fine incolitis, vt hunc tangatis, Deum precor.

## EPISTOLA LII.

Bruxellan

BALDVINO IVNIO *suo* S. D.

**E**CCE ad ipsum auunculum scripsi, & metum ademi, quod te à nobis amouit. Quid superest, nisi ut iterum te admodum uideas, & Deas renifas, quarum amore cales? O gratus ille mihi ô tibi utilis affectus! & quid in hac ætate melius potes, aptius potes? Cole, cole nunc istum adolescentiæ agrum, bonâ frugum scientiarum confere: & maturior, accipies suaues illos Prudentiæ, imò & Sapientiæ, fructus. Miseros, qui aut nolunt, aut negligunt! miserandos, qui cum velint, non possunt! At tibi facultas inprimis adest, & alter ille tuus parens (scis me Thesaurarium dicere:) ubertim suppeditat, quicquid studiis, & eorum instrumentis, est opus. Voluntas à te est, atque etiam in te est quod gaudeo: ut serues, vel ut augeas potius, hortor. Mihi hoc crede. perueniet ad optatam calcem, quisquis seriò uolet & nitetur: & talibus utroque oculo Iuppiter annuit, Mercurius dirigit, ipsa Minerua manum & mentem iis, & cum iis mouet. Abripior, & Scarbergerus abit. Louanij, pridie Id. Septembr. ∞. IO. XCIX.

## EPISTOLA LIII.

IOANNI DRENCKWAIRTO *Thesaurario.*

**S**CRPTIONI huic nullum argumentum est, nisi affectus meus & mos maiorum. Vterque suadet, ut vota, quæ pro salute tua corde facimus, stilo consignem & ad te perferam: sed prius ad illum calidè missa, qui compotes (ita spero) faciet votorum. Deum igitur rogo, quantum animo possum, ut hunc Saccularem nouum annum felicem tibi tuisque decurrere, te uale per eum & vigere, Principibus & Reip. sine offensâ vacare, nam amare donet, qui sum perpetuus & deuotus tuus cultor ac clientulus Louanij, postridie Kal. anni IO. supra ∞. Balduinus tuus apud me ualeat, quod facere eum vis facit.

EP

## EPISTOLA LIIII.

*Mechliniam.*IOANNI BERNARTIO *suo* S. D.

**E**CQUID agis, mi Bernarti? Rarò, inquires, interrogas. Fateor, & ignauum me cum annis fieri, hoc quoque fateor: sed non in amore & interiore affectu remissum. *Omnia fert ætas*, ait ille, *animum quoque*. Sentire incipio, & ingenio tam diu, tam assidue exercito, torpor aliquis adgnascitur, & quod libenter facit, impromptè facit, aut nec facit. Ignosce. ita tu & tui ad æui hanc lineam veniatis, aut potius superetis, beati & felices. Quod precor tibi religioso & prisco voto, in auspicijs huius anni: quo me Italia sibi spondebat, & ego me illi: sed, ô numen quod nos temperat, quàm irritâ destinatione! In patriâ hæreo, neque res tantum abiit, sed desiderium, vt verum apud te liberè loquar. Et si assidue litteras etiam nunc recipio inuitantes, & nimîâ benignitate prouocantes. Sed quid verbis opus? Fatalem vim magis & magis indies agnosco, in publicis, in priuatis, in meipso. Ratio omnis vellet fortassè non peregrinari me, sed abire: tamen maneo & video diuinitus decretum, LIPSIVM IN BELGIS MORI. Fiat. apud multos incuriosos mei, paucos contemptores, fortassè & nonnullos æmulos: sed & amicos volentesque alios, inter quos *te* Mechlinia & *Oudartum* meum cum *Hartio*, sacra mihi nomina, habet. Eandem urbem vestram & iste insidere parat *Vibrandus Anskema*, Iurisconsulti nunc titulo donatus, iam olim inter Musarum cultores, imò etiam mystas. Vtrâque oratione valet solutâ & vincâ: quod magis ex illo noto, nosces, atq. vt velis te rogo. Louanij, postridie Idus anni Sæcularis ∞. 100. Vxori tuæ suauissimæ salutem per te nuncio, & liberis tuis.

## EPISTOLA LV.

*Gandauium.*

GEDEONI TSERHENDRIXIO, V. R. &amp; N.

**F**VNGOR munere salutationis per litteras, quoniam coram id non datur, vt solet, & quod mihi dolet. Suavis sæpè confabulatione nostra, & præsertim in re hortensi: quâ vterque delectabamur. Tu magis, quia solutior eras, & pænè sine alijs curis vacabas

HHh



bas huic curæ. At mihi temporis iniuria omnem pænè hanc voluptatem deterfit. dico temporis, non ad spectu ad ista publica & tristia ( quæ mitigo potius hac occupatiunculâ: ) sed hiemis iniuriam & acrimoniam intellego, quæ mihi hoc biennio funera continuata dedit, & florem omnem, vt sic dicam, florum meorum interfecit. Quicquid singulare erat, præsertim in Tulipis, habuisse me recordor, cum desiderio tristi & pungente. Miseraris me? nolim, adiuua potius, & quoniam diuitem atque vberem te audio, instar vel Phæacum regis, participa veteri amico, & qui in beneficij magni loco hæc, etsi fugacia, munuscula ponet. Confido te facturum. Certè si in causâ simili tu à me, utrâque manu largiter ego donem. Nunc salutem, & hunc animum semper deuinctum. Louanij, postrid. Kal. Mart. ∞ . IOCI.

## EPISTOLA LVI.

*Mechliniam*

NICOLAO OVDARTO V. R. S. D.

**S**OLEO volente animo, labente manu & pennâ ad te scribere. Nunc ille contrahitur, & hæc reiistunt. De republicâ me consulis: & quid scribam aut effabor? Istud mallem, & in tuum sinum interiores omnes cogitationes effunderem: à scribendo absterreor, & nimis iustas habeo causas. At Princeps vult, inquit amicus ille noster. Credo equidem, & eius certè interest fida & recta consilia dari: sed ego me in eâ classe non censeo, quæ hoc statu rerum debeant aut possint. Adde quòd à republicâ remotus sim, auditione aliquid accipio, interiora rerum non noui, & quid ergo firmiter aut ex vsu suadeam? haud magis quàm medicus, qui egri sui temperiem & constitutionem ignoret. Votum tantum possum addere, quid si & querelas? Hic quidem cotidiana materies, cum miseri rustici præter ora nostra victi abducuntur, haud aliâ specie quàm si hostes irruissent. O patria, ipsi Principes! nam vt illius salus agitur, sic dignitas istorum. At enim mox remedia à publico Ordinum conuentu . . . . .  
 . . . . . Ecce quæ possum aut volo habere tempore. intereà Deus illi Episcopo benè faciat, & nostro Imperatori, quorum vterque candidè & liberè, quæ ex vsu sunt, aut ce-

tè v

tè videntur. Nam quid asseram? omnia ista mihi tenebræ sunt, nec finem aut fructum video eiusmodi actionum : nisi si qua consilia specie tristitia, exitu læta, vt sæpè in humanis solet. *Occultat enim*, vt Plinius ait, *vtrorumque semina Deus, & plerumque bonorum malorumque causæ sub diuersâ specie latent.* Plinij illius Panegyricum librum breui à me videbis: & vetera illa monita ac consilia potiùs, quàm mea noua. At quis vsus? inquires. alibi fortasse, & vbi nolim. Quid faciam? nos, vt in theatris olim, spargimus: ille aut alius sinum aut manum implet. Vale mi optime Oudarte, & vide an malè illi (si sic pergitur) qui me nuper. sed tu iterùm vale. Louanij, Idibus April. ∞ .Ioc.

## EPISTOLA LVII

Bruxellam.

FRANCISCO BILLIODO S. D.

**N**IHIL minus quàm à te beneficium, aut potiùs beneficia, exspectabam: quæ largiter, vltro, & aperto animi sinu, mihi defers aut offers. Nam & nummos ad me mittis, adtextum aut supplementum Rokoxianis: & florum etiam lectissimos ex paterno tuo horto polliceris. què ille instructum, vt audio, & supra omnes Alcinoos pænè habet. Negem vtrumque mihi gratum esse? mentiar. gratissimum est, & pro veteri atque infito animi mei desiderio & sensu. Veteres omnes elegantias, & has Antiquitatum reliquias à me amari, notum est omnibus, qui leuiter me norunt: sed & flores & horti ornamenta in deliciis haberi, non puduit scriptis etiam publicè profiteri. Itaque vide libertatem & candorem, quo iam nunc apud te vtor in ipso hoc aditu amicitia. grata, quæ misisti; grata, quæ mittes: atque vt mittas in Vere proximo (vix enim antè euellendi copia) non rogo te sed appello. Quid enim rogem, iam debitorem? Sed extra iocum. scriptio tua mihi in animo placuit, qui eam amicitia conciliandæ esse voluisti: quam purè & sine fraude equidem offero, amans honesti animi tui, & ad honesta sic propensi. Eum vt in illa & in me talem serues, Deum & te rogo. Vale. Louanij, post Idus Nouemb. ∞ .Ioc.

## EPISTOLA LVIII.

*Mechliniam.*HADRIANO VANDER-BURCHIO, *Filio, Senatori.*

**B**ENIVOLE à te factum & pro amico, quòd me & dignitatis tuæ & discessionis gnarum fecisti. Ego enim seriò tibi recipio, & fautorem me esse incrementis tuis, quæ virtus & ingenium conciliarunt : & vota interpono, vt plura adstruantur, quod in Principum gloriam & publicum bonum cedit. Illis & huic conuenit, tales euehi & educi. Hortor autem te vel ex superuacuo (nam sponte facturum confido) vt in isto munere dignum te & parentibus, & ipso te præbeas ; denique iusticiâ illâ, cuius sacerdotium nunc profiteris. Ecce in istis meis, quæ in simili occasione & argumento iam scripsi, si quid erit huic rei aut sensui, videbis, eliges : & hoc sine misi. Vale Vir Cl<sup>me</sup>, & animo à nobis non abi. Louanij, xi. Kal. Nouemb. ∞. Ioc.

## EPISTOLA LIX.

VIBRANDO ANSKEMA S. D.

**T**v verò iacere mihi videris, aliter à studijs tuis expectatum. Tædet status huius præsentis, & auidè mutes. quid? itane pessimus ille & abijciendus est? mihi non videtur : nisi ei qui lucem, honorem, alta, id est mala quærit. At egote in nostrâ hac quietorum classe censebam, vt

— *secunda placerent*  
*Otia, nascentesque irent in secula libri.*

Transfuga es, & ad splendoras illas partes abis? Splendoras, sed miseras, & in experimento demum scias. Non volo, inquires: sed à tricis imò forensibus istis liberari, & bonâ fide Musis operari. Velim mi Vibrande : & si tu sic seriò, etiam illîc potes. Pater quod ad vsum, & tolerandæ honestæ vitæ sit, affatim suppeditat. Si te excutias (liberè loquar) alium in hoc vlcere vnguem reperies, & mixtum aliquid à cupidine fortassè non bonâ. At tempora etiam accusas. Facile est, & quis non tecum? pretium non est artibus bonis, non ipsis bonis, & hæc omnia præ feruidis & ambitiosis calcantur aut iacent. Vera sunt. sed in terrâ tu purum illum ætherem, & serenos semper animos, expectas? non

inuc



inuenies. nimbos magis, procellas, calumnias: & mihi crede, nos quoque (quibus aliquis inuideat) largiter & crebrò sumus his iactati. Iactati, sed non afflicti: stetimus, & illud Pindaricum obmurmurauimus:

\* — ὁ μέγας δὲ κῆρυξ ὁ ἀναλκιν φῶτα ἐλαμείναι.

Ignauī & viles magis tuti ferè & sancti sunt: alij prouocantur. sed nimirum vt arancarum casses animalia fortiora perrumpunt, sic istos à Fortunâ laqueos mens robusta. Aliqua tristitia, & quæ nolis, incidunt:

\* — τίς δ' ἐπὶ πλεῖον θεῶν,

Ἄπαντ' ἀπῆλκεν τὸν δὲ αἰῶνος χεῖρον;

Sicut stellæ in tenebris etiam fulgent; sic liquidus & libens viri sapientis animus etiam in istâ temporum caligine aut nube. Hæc solatia: nec auxilia tamen abnuo, quæ in meâ quidem sint manu. Quæ tu quòd tam prompta censes, nimis falleris: nec fores vbique, non dicam commendationi nostræ, sed mihi ipsi apertæ. Occasio expectanda est: & præuerrere aut facere eam, vereor vt succedat. obsecro te, nobis hoc crede,

*Qui periti sumus in vitâ, atque vsu callemus magis.*

Vale autem, & animo ne sic fluctuare: certus, quòd millies milleni in hac ipsâ Belgicâ sint, qui optent & reges sibi videantur in tuâ sorte. Louanij, v. Idus Ianuar. ∞. IOCI.

Vxorem saluto.

## EPISTOLA LX.

*Vltraiectum.*

HADRIANO VANDER-BVRCHIO, patri.

GRATVM accidit mihi & munus tuum, & scriptio, vtrumque veteris in me animi testis. Est sanè hoc in fido amore, & qui in virtutis, vt sic dicâ, solo radices egit, vt nō magis quàm illa desinat, & æuo ipso crescat & viresumat. In tuo experior: sed & fratris Decani, quem viuere & vigere, etiam in silentio aliquo, mihi liquet. At munus tuum parte aliâ etiam gratum, quod ostendit te nec in occupationibus, quas adfiduas habes, nec temporū hoc tædio aut caligine, deferere nostras illas Deas: quas pauci hodie æstimant aut amant. Gaudeo: & scio, præter honestam voluptatem, etiam lucem, & robur aliquod animo

ab iis inferi aut præferri, ô quàm necessarium in hoc æuo ! Fructu, ut fecisti, & facis; sed & nos earum atq. honesti omnis amantes amica priscâ fide. Louanij, vi. Kal. Decemb. ∞ . Ioc.  
R. V. fratrem tuum saluto, & Canterum veterem nostrum.

## EPISTOLA LXI.

NICOLAO HACQVEVILLIO S. D.

**A**D Historiam cum dare te coepisti, fateris hæere in primâ viâ, & confusione rerum aut temporum, ignorantia eorum quæ & quando legenda aut eligenda sint, pedem figere, in modo aut desperatione pænè referre. Non fiat mi Hacqueuilli. opem imploras, pro copiâ meâ dabo : & si non plenè ductor (occupatio & valetudo nunc abnuunt : ) tamen director ero, & digitorum intendam, quò & quâ contendas. Historia nobis propofita : quæ, & cuiusmodi ? nam variat : & summa eius diuifio est, *Mythistoria* & *Historia*. Illa, quæ fabulas vero mixtas, ista quæ purum & merum verum habet. In illâ poëtæ sunt, & id genus : qui oblectamenta auribus animisquæ quærunt, & floridâ istâ veste ornant & augment corpus hoc veritatis. Veteres poëtæ, & reor eorum Homerus, pulchrè & sæpè vtiliter fecerunt : cum arcanos sensus aut altiora dogmata hoc quasi velo obnubunt & regunt. Sed hanc partem mittamus, non nunc ad eundam : altera est vera *Historia* : quam licet bifariam partiare. Est *Naturalis*, est *Narratiua* : sit venia sic loquenti, planè, si non purè. Illa est, quæ naturæ faciem & facta reuelat, id est, rerum, stirpium, animalium ingenia, proprietates, vires tradit. Aristoteles, Theophrastus, *Ælianus*, Plinius fecère : & plures, quos æuum nobis subduxit. *Narratiuam* dico, quæ res gestas actionesquæ prodit, sacras siue profanas. Ideoque à duplici hac materie iterum duplex, *Diuina* & *Humana*. Illa, quæ religionem, aut quod adhæret, tangit : hæc, quæ res plurimum actionesquæ humanas. Iterumquæ ea duplex *Præuata* & *Publica*. Nam aut singulorum res, vitam, virtutes, vitia recenset : & *Præuata* est. aut quæ publicè, plurimum vsui au noxæ, sunt gesta : & *Publicam* appello. Omnes vtilis. propriæ tamen & distinctè, *Naturalis* scientiam, *Diuina* religionem, *Humana* prudentiam, omnes delectationem habent. Ad quas au

ten

tem te voco? velim ad omnes ire, sed in tempore. *Naturalem* nunc seponamus: *Narratiuam* ingero, quam vulgò & peculiariter Historiam etiam appellamus. Ad hanc priusquam venias, duo præmittenda sunt, *Geographia* & *Chronologia*. Illa, vt locorum, regionum, vrbiũ notitiã aliquam concilies; hæc, vt temporum, quibus quæque res gestæ. Sed communem dumtaxat, & non illam exactam notitiã exigo: fatis sit mundi partes situsque distinguere; prouincias, & in iis flumina, montes, opida clariora nouisse. In temporibus etiam, seriem eorum & ordinem tenere, & velut terminis quibusdam finire imperia, bella, euentus. Velim equidem, & tacitus sæpe opto, imò ipse imeditor, esse qui breuiter & compendio, & quod caput est, iudicio, ab orbe condito velut Fastos concinnet: nec aliud quàm annos, & præcipua rerum, notet ac liber. Qui hactenus fecère, aut confundunt nimis, aut diffundunt: & nec notabilia aut laudabilia tamen maximè excerptunt. Sed hoc dum fiat, potes Eusebio vt, & nouellis quibusdam, qui herè & nuper prodierunt. Atque ista cùm parauimus, age ad ipsam iam Historiam: & quam præmittimus? pietas vult *Diuinam*. Facilis ea est, nec diu tenebit. *Judaica* vetus est, è libris sacris. Iosepho, & eius interprete Hegefippo petenda: nostra hæc noua, id est *Christiana*, olim ex Eusebio, Sozomeno, pluribus, nunc ex vno Cæsare Baronio adfatim haurietur: & quid in diligentia viri tantâ deest? Imò vt supersit, vereor: iis vtique, qui ex professo Theologos non agunt, & sufficit vniuersè initia, progressum, dissidia, capita & antistites religionis nostræ scire. Non abnuo. compendium bonum exactissimi illius laboris sit, non sit fortassè bono auctoris. Est & *Miscella* religionis historia. vt Mahumetanæ, quæ magnam orbis partem, à multis iam sæculis, obtinet; vt Sinensium, Indorum, & qui alij vanam & simulacris seruam eam habent. Hæc quoque carptim quis neget viro Politico & experiēti libanda esse: sed vt dixi, carptim. *Humana* superest: illa præcipua quò te voco. Præter prudentiam & rerum peritiã,

*Hæc tibi virtutum stimulos, hæc semina laudum,*

*Hæc exempla dabit:*

alibi vberius laudata & laudanda, nunc præeunda. Duplicem eam feci, *Privatam* & *Publicam*. Ab utrâ ordiemur? A *Publica*



ego cenſeo: & hæc, ordinis doctrinæque cauſſâ, quadruplex it-  
rum eſto. Valdè, inquires, diuidis. Fateor. nec animi vel arguti-  
rum cauſſâ: ſed quia uſu didici, nihil ad methodum, id eſt via  
rationemque docendi vel diſcendi, aptius & efficacius eſſe. It-  
que Socratem ſequor, Diuiſioni amicum: & cum illo, *diuinu*  
*virum habeo, qui commodè & oportunè utetur.* Sed ad rem, qu-  
druplex hæc Hiſtoria: *Orientalis, Græca, Romana, Barbara.* Prim-  
quæ primi aut priſci orbis res habet: cùm noſtra hæc omnia in-  
cultâ, aut infrequentia, & certè obſcura & ignota. Itaque in I-  
dæis, Ægyptiis, Æthiopibus, Syris, Perſis, reliquâ Aſiâ, res ferè  
nobiliores euentus tunc ſiſtunt: aut ſiquid admixtum, leue e-  
nec ſcriptione aut lectione diuellendum. Hanc primò noſci ſu-  
deam: & peti à *Iuſtino* breuiter: vberiùs deinde ab *Herodoto*, *D-*  
*doro Siculo*, & ſiqui Græcorum eam ſuis miſcent. Quædam eni  
*Polybius, Plutarchus, Zonaras*, alij ſuggerent, huc apponenda. S-  
Diodorum ego laudo & approbo: vtinam plenum &, vt ſcripſ-  
abſolutum. Altera eſt, *Græcâ.* in quâ Spartanorum, Athenie-  
ſium, Thebanorum, & præcipuè Macedonum res ſunt: qu-  
huc traho, & includo. Præter iam dictos, dabunt *Thucydides*,  
*Plutarchus, Arrianus, & Q. Curtius* è Latinis. Per partes collige-  
da eſt. nam qui totam & ordine ſcripſerit, totus ad nos non v-  
nit. Tertia *Romana* eſt: in quâ vbertim rerum & euentuum, e-  
rumque inſignium: & quæ plures ſcriptores illuſtrarunt. O m-  
gnum, ô pulchrum imperium! & addo, diuturnum. ideoq. n-  
mirum ſi viris factisque breuia illa & fugacia Græcorum ſupe-  
uit. *Græci præceptis valent* (ait quiſpiam) *Romani exemplis.*  
hercules ita eſt. non fuit gens, puto non erit, quæ plura vel in m-  
liciâ vel in pace, laudis & virtutis ſuppeditabit. Itaque ad har-  
mi adoleſcens, ad hanc ſegetem veni, manipulos frugum collig-  
& in uſum tuum reconde. Sed vt ordine fiat, ea ipſa diuidat-  
trifariam: in *Veterem, Mediâ, Nouam.* Prima mihi eſt, à Re-  
bus & vrbe conditâ, ad Auguſtum: *Mediâ*, cùm immutato ſi-  
tu ad Principes ventum: *Noua*, cùm iterum mutato, ſedes ip-  
Principatus Byzantium eſt translata. In *Veteri* ſcriptores Gra-  
Latiniſque ſunt, ſed præcipui iſti: *Dionyſius Halicarnaſſeus, T.*  
*uius, Polybius, Plutarchus, Appianus*: quibus compendia adiung-  
liceat, *Velleij, Flori, Eutropij, Oroſij.* Velleianum laudabile fuit;

potior pars periit. iudicio & ordine tamen scriptum, & quod exemplar pleniori Chronologiæ sit ad imitandum. Faciant huic parti *Fasti Romani* à *Carolo Sigonio* editi, & producti ad Augustum. At in *Mediâ*, nolter *Tacitus*, *Suetonius*, *Ammianus*, *Spartianus*, & adiuncti Cæsarei Scriptores : è Græcis autem, *Dio Cassius*, *Io. Zonaras*, *Herodianus*, legendi. tum & Compendium *P. Victoris*, itemque *Eutropij*. Adde ad seriem temporum, imò & rerum lucem, *Onusrij Panuinij Fastos*, ab Augusto ad Iustinianum diligenter & industriè consignatos. Nona superest. & in eâ ferè Græci isti, *Zonaras*, *Zosimus*, *Procopius*, *Agathias*, *Nicetas Choniates*, *Nicephorus Gregoras*, *Michaël Glycas*, *Georgius Cedrenus*: etsi hîc vltimus quidem, anilium sæpè fabellarum scriptor, & veri incuriosus vel ignarus. Iudicio legatur tamen, dabit quod iuuet. De *Romanâ* habes: quarta erat *Barbarica*: quid nisi lacinia & spolium ab illâ veste? Nam hanc appello & intellego, cùm scisso fractoque imperio, maior pars ad Gallos, Germanos, Turcas iuit, & alternatim hucusque mansit. Nec enim Gothos, Hunnos, Vandalos, Scythas aut illam faciem huc includo: quæ maneat in *Mediâ* aut *Nouâ Romanâ*, & iis inserta nempe legetur. Faciunt huc propriè tamen *Iornandes*, *Procopius*, *Agathias*, & siqui tales. Sed meam hanc Barbaricam variij scripsere, atque ipsi ferè barbari, & addam barbarè. exstantque *Germanici*, *Gallici*, *Britannici* scriptores, in vnum corpus nuper decorè & vtiliter conducti ac vulgati. Sunt & *Annales* à *P. Pythæo* editi : & cottidie huiusce argumenti prodeunt, iudicio eligendi. Scripsit & *Carolus Sigonius* de Regno Italiæ, quod huc facit : & *Io. Leônclavius* Turcica, vterque mihi bonus & laudatus. Quid omitto? *Laënicus Chalcondylas* se suggerit, in Turcicis Græcis que legendus, item *Guilielmus Tyrius*, & alij in transmarinis sacrisque bellis. Hem, inquires, quanta materia, & quæ silua? quis ingreditur sine errore, & egredietur? qui Ordine insistet, qui industriam & Curam adferret, iam dicenda. Ordine, inquam, inprimis opus. & ne confusa & vaga lectio sit, aut defultoria & interrupta. Hoc plerisque evenit. & velut ex equo in equum se traiciunt, ab hoc scriptore in alium, ab isto argumento in illud: quo fructu? momentaneæ voluptatis, & vt tempus suum, imò & se, fallant. Apage tales istos, & ad *Amadæum* suum, aut si altiùs assurgere velint, *Heliodo-*

rum eant. Tu Ordine leges. quem ex ipsis à me dictis etsi pòte  
 instituire: tamen in exemplodabo. Ecce Romanam *Veteren*  
 legere decreui. ordiar ab vniuersali aliquâ notitiâ, & Compen  
 dium *Flori*, aut *Eutropij* præmittam. Tum à capite, & ab ipso *Li*  
*uio*: cui *Dionysium* adiungam, & *Polybium*, *Plutarchum*, aut *Appia*  
*num*: sed quemque in consimili argumento. Cùm peregero, &  
*Mediam Nouamque* veniam, & constantiâ eâdem peragrabo. E  
 de Ordine facile est, atque animi tantùm decreto opus: *Cura* plu  
 habet operæ, & in eâ omnis est legentium fructus. Duo in hâ  
 specto, siue exigo: *Attentionem*, & *Electionem*. Cùm legis, non  
 suspensum aut attonitum te habeat tantùm nouitas aut magni  
 tudo euentuum: insiste, inquire, cui rei hoc facere possit, & ec  
 quem vsum sui præbere. Mora hîc aliqua inter legendum & tar  
 ditas, fateor: sed nimirum, dicto veteri, *Nulla res potest esse ea*  
*dem, festinata simul & examinata: nec esse quidquam omnium*, quo  
*habeat laudem diligentie, simul & gratiam celeritatis*. Tarda igitur  
 & quære. cùm repperisti, tum sit *Electio*: id est, vt stilum ca  
 pias & excerpas, & velut annonam in horrea quædam reponas.  
 Ea distincta etiam sint, & iamantè libri parati, meo iudicio  
 quattuor; in quos, quidquid eligis, conferas & tutò deponas.  
 Nam memoriæ suæ qui credit tantùm: quid agit? non dicam  
 nihil, sed in breue, proficit: nec vlla ea tam vasta, capax, tenax  
 est, quæ varia ista cum fide asseruet & reddat. Trade libris. in  
 quo labor aliquis, & iterùm in legendo remora: sed, mihi crede  
 utilis, si quidquam in omni ratione studiorum. Libri isti quat  
 tuor, totidem *titulos* habeant rerum, quas præcipuè in Historiâ  
 notes: *Memorabilium*, *Ritualium*, *Ciuium*, *Moralium*. Quid *Me*  
*morabilia*? res designo magnas, & cum admiratione aut motu le  
 gendas, siue audiendas. vt est notabilis *Potentia* alicuius regis au  
 populi, *Opera*, vel *Opes*, *Prodigia*, & noui aut insoliti *Euentus*. vno  
 verbo quidquid non obuium, & magnitudine vel raritate se  
 commendat. *Ritualia* autem, quæ pertinent ad instituta ritusq;  
 veteres, siue quos in publico, siue in priuato vsurpabant. Alios e  
 nim istos Orientales, Græci, Romaniq; habuerunt: & ab eâ no  
 titiâ, seria omnis intelligentia dependet veterum scriptorum. A  
*Ciuiilia* appello, quæ ad vitam & regimen commune faciunt, &  
 hanc hominum iure & legibus deuinctam societatem. *Moralia*  
 deniqu



denique, ea quæ priuatim ad nos & vitam formandam, virtutibus amicam, vitiis alienam. Ecce, quattuor hi sunt *Tituli*: quid superest? referre in eos, quidquid ad singulos illos facit, siue *Sententiarum*, siue *Exemplorum*: idque cum hac *Attentionis* curâ, & *Judicij* item normâ. Dic clariùs, inquires. Nempe quisque liber alios & minores suos titulos habeat: quia Natura & Memoria ordine & partitione istâ gaudet. Vt, ille *Memorabilium*, in ea quæ attigi: nec nimis sanè argumentum hoc patet. Latissimè *Ritualium*: ac diuidamus in *Sacra* & *Profana*. *Sacra* omnia publica: continentque *Deos*, & eorum *Nomina*, item *Cognomina*: tum *Insignia*, *Munia*, *Cultum*, & *Templa*. Amplius, *Sacerdotes*, aliosq. minitros: tum *Sacrificia* ipsa, *Hostias*, *Cerimonias* & ritus: deniq; *Verba sollemnia* & formulas precationum, & quidquid illos aut ista spectat. Nimis partiri, tenue est, & hîc inutile: spernes. Iam *Profana* sequuntur: atque ea duplicia, *Publica*, & *Priuata*. Illa, quæ communiter omnes aut plures tangunt, & publicis legibus aut institutis continetur. vt *Magistratus*, & singulorum *Munia*, aut *Ornamenta*: vt *Senatus*, *Militia*, *Prouinciæ*: *Præfecturæ*, *Officia*, & quidquid istis adhæret. tum *Leges*, *Iudicia*, & eorum ratio, *Supplicia*, *Tormenta*, *Pænæ*: lætiora denique, *Ludi* & *Speâacula*, *Triumphî* & *Festi dies*. Ad *Priuata* venio, & iis subiungo, *Nuptias*, *Funera*, *Balneæ*, *Conuiuia*, *Vestes*, *Nummos*, & quæ longum sit complecti. Minuta enim etiam intercurrunt: sed in sermone ostendenda potius, quàm scripto adumbranda. Imò adeò minuta, vt nec *Titulos* suos grandiores quædam habeant: sed verbis figentur, & ordine isto litterarum. Ac si me audis, in plerisque eo vtêris: quia non ad famam aut pompam ista disponuntur, sed tui vsum. Sequuntur & excipiunt *Ciuilia*: vtilissima pars iis, quos genus aut destinatio ad rempublicam vocant. Is liber tres partes habeat, antiquâ & verissimâ diuisione: status *Regum*, *Optimatum*, *Populi*. In quaque parte notes, & eò referas, quæ *Firmandæ* sint, aut *Vertendæ*: & hæc ipsa subtiliùs diuidas, vt à me in *Politicis* factum. Vtar hoc exemplo cum fiduciâ: & conueniant vel qui noua adferunt, aut vetera referunt, non dabunt in ordine & methodo, quod fortasse anteponas. Sed vnum etiam addi potest, & debet. vel vt *Sententię* plures vni rei congerantur; vel vt *Exempla*. Hanc postremam partem non neglexi equidem, & habeo

sepositam imò paratam in scriniis , & auidam exire. Sed tu alius , non ideo remitte : & quisque sibi, vel firmitus, vel iucundius certè, tale aliquid struit. Postrema sunt *Moralia*. quorum duæ partes, *Virtutum & Vitiorum*. Velim & hæc disponi ordinem litterarum : sed ita , vt *Virtute* præeunte, cuique bina sua *Vitia* sint subiuncta. Traho eodem etiam non *Vitia* propriè, sed *Affectus* : & *Cupidinum* stirpes , *Spem*, *Metum*, *Gaudium*, *Dolorem* adnecto : tum etiam de *Beatâ Vitâ*, & quidquid in *Ethicis* secundam suam habet. Sed satis hæc communia in scripto præiui : in sermone alia. illud in fine te sedulò moneo, vt ne mole hac, quæ videtur, absterreare. Quid enim? tam varia, tam multa? inquit. Nihil est: imò incredibile, quàm citò hæc suscipiantur , & flant si tenor & constantia sit, & quisque dies opus suum probet. Triennij res, non diu te differo : mihi si olim talis monitor , vel citius absoluissem. Cogita te in ipso flore æui , & corpus labori, ac nimium intentioni ferendæ esse : quid cessamus,

*Dum res, & ætas, & sororum*

*Fila trium patiuntur atra?*

Non fac, mi adolescens : cui ego factum consultumque tuâ causâ volo, tum & Cl<sup>mi</sup> V. Legati Regij : qui etsi connubio tantum tibi parens, tamen vel naturalem affectu & curâ præstat. Tu agnosce, illum cole, me & bona ama. Louanij, III. Non. Decemb. ∞. IOC.

## EPISTOLA LXII.

IOANNI DRENCKWAIRTO, *Thesaurario Belgicæ.*

**D**IVINA planè virgulâ (quomodo enim aliter interpreteris factum videtur , vt ipsâ horâ ac pænè momento, quò tuam accepi, hic ad me veniret, quem vides. Est mihi cognatione aliquâ iunctus, orbus utroque parente, in stirpe honestâ exiguis & vix dicendis opibus : tamen auxilio amicorum ad Magisterii gradum peruênit. A quibus ipsis litteræ mihi commendaticia pro subsidio, vt Theologiæ studia, ad quæ adspirat, ordiri & finire feliciter possit. Equidè cum humanissimam, & cui obligor, oblationem tuam viderem, & vnâ istum : putaui, vt dixi, diuinitu fuisse hunc concursum : & eundem statui, eo fine, sedulò commendare. Non vt cognatum tamen , nec hos aspectus in ista re ha-

re ha-

re habeo : sed vt boni ingenij & industriæ, vt notæ modestiæ iuuenem, & qui toto animo ad Pietatem & sacra studia, imò & sacram vitam, id est Sacerdotium, contendit. Iuua eum in laudabili hoc cursu : nos quoque secundas faciemus, & in libris aliisque necessariis iuuabimus, pro parte. Ego spondere audeo vtilem Ecclesiæ futurum, & beneficij tui non ipsum solum, sed & nos memores : qui adsiduè nouis à te, nec inuiti, obligamur. Non enim hîc, vt in pecuniâ, redditione aut re opus, vt soluaris : sed agnitione & grato animo. quæ in nobis largiter esse & fore assero, quamdiu Deus ille dabit hîc esse. Ille te Ampl<sup>me</sup> & Nobil<sup>me</sup> Domine, longæuum reip. nostræ & Principibus præstet. Louanij, prid. Nonas Decemb. ∞. Ioc.

## EPISTOLA LXIII.

*Mediolanum.*

ERYCIO PUTEANO suo S. D.

**E**GO verò honestissimum munus, à Senatu Mediolanensi in te collatum, & iudicio meo approbauì, & gratulatione etiam prosecutus sum : quam scripto consignatam per Vellserum nostrum misi. An aliter possem ? placet, placet hæc tui productio : sustine personam, quam sumpstisti, & mereare non vnâ palmam. Sola gloria multis

— *quemuis perferre laborem*

*Suadet, & inducit noctes vigilare serenas :*

te & hæc, & merces quæ etiam functioni tuæ est adiuncta. Orationem, de quâ scribis, auspicalem tuæ operæ, libens videbo : libentius *Promissidem Epistolarum*. quidni ? mihi inscriptam. Ambigis an amplectar ? utrâque manu : veniat & ad libentem, & addam etiam merentem. Non negabis mi Puteane, si non seui-  
mus hanc arborem, tamen rigauimus, putauimus : & in parte fecimus, qualem alij mirantur, & ipsa esse gaudet. An iniurium, si fructus aliquos ex eâ mihi asseram ? imò veniant & vascar istos primotinos, & hæc libamenta audacter nobis pone. Nos quoque iam edimus EPISTOLARVM CENTVRIAM III. ad solos Italos aut Hispanos (caussa discernendi sic fuit) siue qui in iis oris. In iis & tuum nomen interlucet, & Sacci nostri, & plurium ibi amicorum. Septalium esse in te, qui est, gaudeo, & beneficia hæc



mihi etiam inscribo. Quid si ad eum ipsum hoc scribam? puto, nisi abstrahor : tu vale, ille salueat. Louanij, xv. Kal. Ianuar. anni ∞. IOCI.

Hub. Audeantius meus Carmen parabat Promulsidi tuæ præponendum. Est is qui nuper ad te scripsit. ama amore dignum.

## EPISTOLA LXIII.

Bruxellam.

PETRO PANTINO *Decano.*

**E**N CENTVRIAM nostram, de quâ antè scripsi. Dic seriò quid videtur? damus & subserimus alias? an satis est vnus huius erroris? Iudicium à te peto, quod pauci mihi donent (ô miseriam!) inter meos Belgas. Nam doctrinæ aut litterarum studia quò eant, vides. in terras certè alias; aut fortassis eò denique, quò olim Astræa. Nimbus à Galliâ dissipatus videtur, iterumque ibi \* *vivemus aithra*: si tamen regiâ & bonâ fide hæ res geruntur. Nam sunt qui verentur ne fallax serenitas, & in nos incumbat ac detonet nubes illa belli. Abominor, & Deum patriæ tutorem precor, & tibi Vir Reu<sup>dc</sup> & Clariss<sup>mc</sup>. Louanij, x. Kal. Mart. ∞. IOCI.

\* *serenus*  
*acr.*

## EPISTOLA LXV.

Mechliniam.

HADRIANO VANDER-BVRCHIO I<sup>to</sup> & *Consiliario*  
*in Senatu Geldrie S. D.*

**E**N ad te quoque CENTVRIAM istam. quidni autem? qui & me amas, & mea æstimas; atque adeò istis quoque leuioribus pretium aliquod donas. Vtinam tecum alij! sed vereor vt tuum punctum amor mihi donet; alij refragentur, quibus iudicium in iudicio hoc adhibetur. Sed vtcumque, vel error tuus gratus est ab eâ causâ: & Numen precor, etiamsi ille definit ista perseveret semper. Vale Vir Cl<sup>mc</sup>. Louanij, x. Kal. Mart. ∞. IOCR.

EPI

EPISTOLA LXVI. *Bruxellam.*PETRO PANTINO *Decano.*

**T**V verò non ambigens & cunctanter, sed liberè & apertâ fronte petere debebas istud, quod tribui à me vides ambitioni etiam vulgarium ingeniorum: quid non Pantino meo, vndique sic merenti? Feci igitur, & hîc habes: vtinam pro tui pretio, pro meo affectu! Meletæas chartas æquarem, si hoc esset: nunc vires conantem deferunt, nec ad alta assurgimus vel studiis fatigati, vel languoribus fracti. Agnosce, & animum certè amicum ama. Louanij, v. Idus Mart. ∞. 1001.

## I. L I P S I

## SVPER SS. PATRV M SYNTAGMATE

nouiter à PETRO PANTINO V. R. & C<sup>l</sup><sup>mo</sup>

vulgato, &amp; eruditè verso,

Phaleuci.

**Q**VIS nouus liber hic? liber sacratus,  
 Sacra nomina, res habet sacratas.  
 Quis auctor? varij, vetusto ab æuo:  
 Cum mos & pietas vetus vigeant.  
 Quis produxit? & ipse moris, atque  
 Virtutis veteris: vetustiorum  
 Gnarus artium, & vtriusque lingue,  
 PANTINVS meus. ille, comparata  
 Cui nines videantur esse nigra:  
 Quem suum veteres velint Athenæ,  
 Quem suum vetus ipsa Roma dici:  
 Quem meum cupio, & meum esse iacto:  
 Cui, dum corpore mens mea illigatur,  
 Fido & firmo adamante colligabor.  
 Quod SANCVS pater audiat, FIDESQUE.

EPI-

## EPISTOLA LXVII.

Bruxellam

REMACLO ROBERTI S. D.

**D**E Transsylvaniâ mitiora nos hîc audiebamus, & conatur magis turbandi pellendique, quàm effectû fuisse. Opto ita sit. quia hercules eâ provinciâ, post Canisiâ, nunc amissâ: quid spei super de Hungariâ maneat? Quæ & nunc tenuis, nisi alia consilia & fœdera Principes ineant aciungant. qui ferè (veter Europæ morbo) suis dissidiis & bellis atteruntur, publici discriminis securi aut neglegentes. In Belgicâ nostrâ re, ego plagam aut plagas hac ætate metuo: nec video equidem valdè comparatos ad arcendum. De Buscoducis ( quanti momenti opido? ) occultus rumor est ciues languidiores fieri, & vt verbo dicam nauseare. Si vis adhibetur, vereor vt, quod ferre possunt, ferant. Sed vobis hæc notiora. Quod nuper scribebas de liberis apud te quosdam vidi, quosdam nunc non lubet nec vacat. NN. ego habeo, & obiter legi: neque nimis me cepit. Legatus Regius recenter de te amicè & benignè scripsit, sensitque. Ita enim de candore eius mihi polliceor, & dicta in rem collaturum, vbi occasio erit. Tu in eâ officium & salutem à me defer, & hanc ipsi voto meo habe. Louanij, III. Idus Mart. ∞. IOCI.

## EPISTOLA LXVIII.

IOANNI DRENCKWAIRTO, *Thesaurario supremo.*

**D**VO voueo. & latum tibi hoc sollenne, & plura, quæ valens letusque addas: tum & in me eiusmodi culpas, quæ tali poenitentia luantur. Tu me silentio offenderis? non potes tuis occupationibus quas noui, & quæ rempublicam nostram summam tangunt: nec, absque iis, causa erat aut materies literis respondendi, quæ nihil nisi affectus mei auram ad te mittebant. Artu benignè quasi offensam agnoscis, & optimo viro (gustavi enim heri) luis: quid nisi gaudente me in hoc affectu, pro eo gratias agente, & perseverantiam optante? imò & sperante. quia à me, pro viribus quidem, semper alimentum erit in officiis & cultu, quem tibi debemus. De tuo Balduino non possum nisi bona dicere, & meliora prædicere: ita & mori ei



eius & ingenium omnia ea præstant, aut spondent. Modestia & probitas adsunt, quæ à stirpe & gente traxit: adest industria, & acrimonia ingenij, quæ à Deo dona habet. Iudicium adhuc formandum in multis, vt hæc eius ætas est: sed & supra ætatem in multis rectum & maturum habet. Confidentia, & securitas, & illa dispositio sermonum paullatim accedent: & nos elaborabimus polire, & reddere te dignum. In studiis, iam diu est cum me auctore ius ciuile etiam adiunxit; titulum Baccalarei meruit; & disputationes publicas ac priuatas (in quibus plurimum momenti est) adit. Itaque sperarem, & ausim promittere eum aptum futurum, qui proximâ hieme Licentiæ titulo insigniatur. Præmaturum est, inquires. Ita, si ætatem vides: non est, si progressum, & communem nunc etiam morem. Mouet me & causâ, quod velim tempestiuè eum ad res adiuucri, & tuæ auctoritatis velut manu educi & attolli. Nam spes certè omnis dignitatis eius in te est (post Deum quidem:) & te tamen mortalem esse, cogitare cogimur, etsi multos annos vouemus etiam & destinamus. Sed hoc totum iudicij tui & prudentiæ facimus: & tempus superest deliberandi. Ampl<sup>me</sup> & Nobil<sup>me</sup> Domine, vale. Louanij, VIII. Kal. Maias. ∞, MDCL.

## EPISTOLA LXIX.

*Lutetiam.*

ISAACO CASAVBONO S. D.

**B**ARONIVS meus nondum venit, tuas tamen, quasi metatores præmisit hospitio indicendo, sanè gratas. Placuisse ipsum vobis, gaudeo: vtinam diutiùs in illo sole velut colorem potuisset ducere! sed negauit ille, cui ipsum nihil negare ratio iubet. Dete quod addis, exuere paullatim scribendi edendique animum: malè narras, nolim. Tu in illo ætatis ingeniiq; flore? & addam etiam, famâ ac fauore sic adspirante? Nam habes ea certè à doctis: ab omnibus si expectas, tum licet alias res agas, & has paucorum hominum facias missas. Iustius mihi ea mens sit, annorum, laborum, morborum veteri: & cui omnis lex & mos det missionem. Tamen perseuero, etsi vereor vt vel inuitum soluat illa \* *δυσίατος ἀπώσις*, graue onus, & quam nullâ medicinâ aut curâ excutimus, vix leuamus. Itaque SENECA meus

\* *incurabilis morbus.*

diu iacuit, nescio an attollendus. EPISTOLAS nuper dedi; sed ad Italos & Hispanos tantum: quia nihil ad vos, & logi aliquo aut inania sunt, puditum est mittere. Sed heus, loci sunt in Senecâ, in quibus hæremus aut pendemus, & possis mihi subsistere. ut in illo Consolationis Heluianæ cap. x. *Ingens Capitolij vestigium*, de Apicij luxu. Quid hoc ad eum? an comparatio est? an & mutatio placeat? Consolationis Polybianæ, cap. xxxv. *Quas per templa aditur*: De Palatio accipimus, ubi templa, scio sed an sic in aditu? & per ipsa intratum? De Irâ tit. cap. xxix. *Huius nepos fuit Alexander, qui lanceam*. Mirum, si Antigoni illius nepos, qui ipsi inter successores fuit: & nec in nomine quid error, quia nemo talis inter Macedonas reges proavos. Atque mox etiam addit: *Non habuit hoc autum ille vitium*. Plura talia alibi in isto aut noto, aut corrigo: sed hoc noto tantum. In *Militiâ* etiam nostrâ, quid tibi videtur de *tripedalî parmæ diametro*: de *Pili, palmari*? aliud à me sentis aut habes? doce volentem & imputaturum, & salve. Illud autem de frigore tuo in scribendo, iterum seriò ingero: \*Οὐδὲς ὁ δ' αὐτὸς νῦν ἔχει τὴν χαλκίαν. Incalcesce. Louanij, ix. Kal. Maijas. ∞. IOCI.

\* Hac ipsa mens, mihi crede, mentem non habet.

## EPISTOLA LXX.

Antuerpian

IO. BAPTISTAE BARONIO S. D.

**G**AUDEO te rediisse, etsi præter opinionem meam factum. Causas parenti tuo fuisse non dubito, & vel illa causa sufficit, quod voluit parens. Quæ Gallia placuerit, quæ ibi homines, atque alia, seruabimus in sermonem, auidè tecum miscendum, atque etiam amplexum. Veni, veni. sed quando? de dies scire velim. nam ego peregrinatiunculam paro in Neruios, & amici iamdiu cò inuitant. Nolim te me absentem requirere, & doleam si fiat. Tamen, ut tuæ litteræ erant, intra paucos dies, atque adeò hâc septimanâ, te expectamus. Domum è quâ egredius es nosti: caue aliam ingredi, quamdiu ego vivo. Vides non rogare me hoc, sed iubere. Neque enim omni vindictâ te manumisi, & attineo vinculo aliquo obsequij, quod bono iure non laxes. Vale, & auum, parentem, fratres saluta. Louanij, vii. Kal. Maijas. ∞. IOCI.

EP

## EPISTOLA LXXI.

*Dolam.*

IO. BEZANCENOTTO S. D.

**A**N & I<sup>ti</sup> titulum addam? certè donatum eo iam cum fratre esse, ex litteris colligo, quas ad me dedisti. Amo & scriptionem tuam, mi Bezancenotte, & iamdiu ipsum te: idque ob ingenij melioris dotes, quas Deus dedit. Excolere eas cœpisti, & proferre: sed cum ætate magis & magis: & nunc denique è scholis & umbrâ ad fori & rerum lucem actionemque venitis. in quâ versari vos cum laude, id est cum fide & probitate, velim atque optem. Doctrinam certè adferetis (nam & fratrem tuum includo: ) sed per Deum immortalem, Themidi vestræ Mineruam etiam miscete, & Sapientiæ illa decreta adsumite, sine quibus in hâc rerum caligine non est, mihi credite, pergere viam rectam. Ut in familiâ opus est herâ ac dominâ, quæ coërceat: sic in hac interiore œconomiâ, Sapientiæ illo imperio, quod affectus regat ac dirigat exultantes. Facite, ita Deus vobis fauceat, & honore simul ac virtute inactet. Louanij, prid. Kal. Maijas. ∞ . IOCI.

## EPISTOLA LXXII.

*Bruxellam.*NICOLAO DE VVEERDT I<sup>to</sup> & Cognato.

**B**ENE est, benè est, pecuniam adnumeratam esse: nequid ultra tergiversetur vel mutet noster ille Proteus. liceat sic appellare meum Fabrum, virum bonum quidem, sed parùm in verbis aut pactis (fensi aliquoties) stabilem, & qui aliquid trahat à leuitate sui ignis. Nunc tenetur, & velanguis fiat, non elabatur. Hoc igitur lætum; illud mordet, quòd de aduentu tuo distulisti. An mecum igitur in reditu vis, & iam nunc spondes? At ecce quia meliorem Bacchum, & è femore Iouis natum, gustare apud me noluisti; ego velut in pœnam, tristiore istum & Semele natum (Becani argutiolas agnoscis) bibendum ad te mitto. Rogo, extra iocum, munusculum volēs accipias, quod à volente scis mitti: & spero in suo genere non inter vilissima futurum. Gustus tui, tuam etiam addo, res erit: & si sedebit, ecce fontem è quo quotannis petas. Flores mei cladem, vt scripsi, magnam passi erant: reparauit in parte & supplementa accisis copiis misit Gaspar Taius, Goïckensis toparcha, sanequàm opportunè &

benignè. Gaude hoc mecum : nam & tibi in meo horto ferit  
& metitur , atque illo crescente crescet etiam tuus. Vale. Lou  
nij, prid. Kal. Maijas. ∞ . IOCI.

## EPISTOLA LXXIII.

Brug

CORN. ANCHEMANTO suo S. D.

**V**ALERETE , & apud tuos etiam esse , mihi quidem plac  
At non mihi , inquires , in hoc otio & desidiâ. Credo. s  
patriæ & tuis aliquod etiam tempus dandum est , à quibus di  
tulè abfuiſti. Prouidè item & lentè agendum de Peregrination  
quam ego in Galliam nunc non diſſuadeam , qui res quietæ  
firmæ videntur , per Allobrogicam hanc pactiõem. Antea ho  
cules hærebam , & ne nos traheremur in partes , id est in veto  
mala & bellum. Itaque si amicis tuis idem videtur , & sedet te  
liquò ablegare : age , cum bono Deo , fiat in Galliam , doctri  
& elegantia iam olim sedem. De Italiâ , post illam deliberal  
mus. Tu tantùm cogita iam nunc & imbibere , vt immunem te s  
ues à noxis & vitiis , quæ in eâ regione , per bella ciuica maxin  
pullularunt. Luxus , libido , *ἀσέλεια* , regnum in multis locis l  
bent : coërce te & abstine , & Honesti illum splendorem & N  
men ante oculos pone , quæ fumos aut nebulas istas dissipabu  
Didicisse te ostende , non vt scias quid deceat , sed vsurpes.

*Et grauibis curis , animum sortita virilem ,*

*Ignea longæuo frænetur corde iuuentus.*

Quibus curis ? scientiæ & prudentiæ , quæ scopum peregrinat  
ni tuæ habes. Addo Virtutem : quæ suprema cura , & finiu  
vt ita dicam , finis : quam sic stringe , vt ab hâc vitâ citiùs , qu  
ab eâ auellaris. Ita abi , & redi , semper meus , si illius. Louar  
VIII. Kal. Iun. ∞ . IOCI.

## EPISTOLA LXXIV.

In cas

IOANNI SEVRIO , Legato Hispaniensi à Secretis.

**B**ENIVOLENTIAM , quam sermo tuus nuper spirabat , n  
& litteræ. quid debeo ? quid , nisi eamdem beniuolentia  
quam animo huic firmo caractere impressam , audeo dicere  
non nisi mecum delendam. Tu foue , mutuum à me fiet. C  
quereris de discessu meo inopinato : sed ita res tulit , & diu  
do



domo & scholis abfueram, quàm meus aut publicus etiam vſus eſſet. Ea cauſſa mihi ſubductionis. alioqui, Genium teſtor, ſuaue eſſet apud veſtri ſimiles agere; vt frontem atque animum exporrigerem, vel ſtudiorum ſeueritate, vel temporum hâc mœſtitâ contractum. Non licet, & in animi etiam libertate ſeruitus aliqua externa adiuncta, quam nullæ vindiciæ hîc quidem reſoluant. Publica per te didici, in ſpe magis quàm in re læta. Sed tamen aut ego nihil in Principum rebus video, aut aliud aliquid agitur & arcanè apparatur, quàm vulgares iſti oculi aut mentes vident. Eâ cogitatione ſæpè me firmo. & niſi ſit; fateor liberè, vt nunc res eunt aut potiùs fluunt, nihil me pro votis bonorum, aut dignitate imperantium exſpectare. O dii deæque (liceat ſic indignantem loqui) in tantis opibus, & vbi omnia ad magnitudinem ſic parata & ad manum ſunt, tamdiu nos: ſed deſino. Numen videbit: quod gaudet inuertere iſta humana, ſæpè præter humanam ſpem aut mentem. Noſtrum eſt, quæ non in nobis, ferre, & alto animo excipere omnem caſum. De pace, ſiquid cum Turcis conueniet, mirabor, & gaudebo. Neque negem; hoc ſtatu Chriſtianæ rei, quamcumque illam optabilem & vtilem fore. Mihi tua amicitia: quam delatam amplector, & tenebo: & tu me in ſinu illo mentis. Louanij, III. Kal. Iul. ∞. 1001.

## EPISTOLA LXXV.

THEODORO CANTERO S. D.

**L**AETIS oculis atque animo litteras tuas vidi, legi: & præ-  
nè dicam,

— *Amyclæis velut exſultauit arenis*

*Pæſtor, ad Jdæas Helenâ veniente carinas.*

Vetus inter nos amor, & ab honeſtiſſimâ ſtudiorum ſocietate eſt; quem temporum hæc iniquitas interpellare, non abrumperè potuit: & in me quidem viuit vixitque cum affectu & fide, qualem tu litteris his præfers, & volenti credenti-que teſtaris. Ita ſit vtrimque, & maneat: nec externa iſta diſſidia animos tangent aut polluant, ab eâ labe iure ſuo exſortes. Finem illorum ſi exſpectamus, quândo erit? cùm nos non erimus fortasſe. adeò pertinax Fortuna Belgis incumbit,

— *que procudit enses*  
*Et socias inimicat vrbes.*

Heu, quot iam illa

\*hominū  
 validos  
 Orco pro-  
 iecit?  
 \*projiciet.

\* — *ἰσθίμους κερὰς αἰὶδ' ἰπείγασιν;*

& adhuc \* *ἁποιδέει*, vt rerum hæc facies minatur. Tu sapiens interea & felix, qui quantum potes reductus à fluctibus terram legis, & tibi studiisq̃ue asseris, vnico in his turbis solatio & leuamento. In me quidem sic exior,

— *quem mea tellus*

*Lare secreto tutoq̃ue tegit:*

libris & scriptis inuolutum. Ergo eundem animum iure tibi gratulor; & siquid adiutum aut alleuatum hîc ire possim, habes volentem & audientem. Significas de *Eleusiniis* sacris syntagma te parare: sed in quæ etiam illa *Cybeles* & *Isidis* includas. Probo, & pergere adhörtor: quia pars ea sacrorum multas ἀρχαιο-  
 γίας habet, & ad lucem etiam scriptorum nostrorum, qui primitus profana illa & superstitiosa abiecerunt. Equidem non deero, vbi distinctè rogabis, suppetiari: atque adeò etiam nunc vtrò aliquid de Cybeleis sacris adiungo. In Suetonij Othone est, *Ex-  
 peditionem impigrè incohassè, die quo cultores matris Deum lamentari  
 & plangere incipiunt*: atque id inter tristitia omina recenset. Interpretes referunt ad diem VI. Kal. Aprilium: quia in Ammiano ita legerunt, lib. xxvi. *Ad diem VI. Kal. (Apriles) quo Romæ matri Deum pompe celebrantur annales, & carpentum, quo vehitur simulacrum, Almonis vndis ablui perhibetur*. Errant. imò ad ix. Kal. Apriles referendum est, qui dies *Sanguinis* dicebatur. Is enim tristis, & planctus tunc suos Galli ordiebantur, atque adeò corporum sectiones. Trebellius Pollio in Claudio: *Cum esset nuntiatum ix. Kal. Apriles, ipso in sacrario Matris, Sanguinis die, Claudium Imp. factum, neque cogi Senatus, sacrorum causâ, posset*. Vides diem sollenni veneratione, & illo nomine fuisse: quod Tertulianus in Carmine ad Senatorem adfirmat. de Gallis:

*Mente fremunt, lacerant corpus, funduntq̃ue cruorem.*

*Quale sacrum est, vero quod fertur nomine SANGVIS?*

Causam etiam ibi nominis habes, quia tunc sanguinem incipiunt fundere, ac perseuerant vsque ad diem illum (Ammiano notatum) VI. Kalendarum, quo *Lauatio* instituitur, & luctus suos

suos ponunt. Statius:

*Est locus ante urbem, quàm primùm nascitur ingens*

*Appia, quaq; Italo GEMITVS Almone Cybelle*

*Ponit, & Ideos iam non reminiscitur annes.*

v. Silu.

Itaque dies ille tantum abest vt funesti ominis, latè potius fuit: & vulgò *Hilaria* dicebatur. Leges in Lampridij Alexandro, *Hilaria matris deum*. De Lauatione porrò, cùm alij, tum Prudèrius & Siquè. hymno x. & Augustinus II. de Ciuit. cap. IIII. Herodian. l. I. Vides propensionem meam in te & tua studia, magis declarandam si sermonis alterni copia esset. Pollioni nostro dignitatem gratulor, Deum precatus vt bono publico exercendam. Liberi tui quid & quàm agunt? iam & alter vxorem habet? In honesto quidem otio, tuo exemplo, esse arbitror: faciant, te venerentur, nos ament. Louanij, prid. Idus Sextil. ∞. IOCI.

## EPISTOLA LXXVI.

*Brugas.*

IANO LERNVTIO S. D.

**Q**UID ait meus Audeiantius? irasceris, & tuum

*Peruens difficili bile tumet iecur?*

Ego rideo, & adeò satisfactionem non offero, vt à te eam poscam. O mens pura, & innocentiae sibi conscia! At aliquid in Carminibus tuis me fugit, nec liberè monui aut notauì. Prius potest, alterum abnuo: & quæ vidi, certè monui & scripsi. Fac me aliquid conuiuente oculo, aut parùm præsentì mente, legisse. Id quoque potest, & vt distractiones meas omittam, quis, quem non in suis & alienis aliquid fugit & elabitur? Si quis est,

—— *immolet aquis Hic porcum laribus:*

ego fateor me inter Homericos sæpè esse, & oculis non semper acutis, imò non apertis. Sed hoc mittamus. ego tibi, mi Lernutti, & fui seriò & ero amicus,

*Dum pecori lupus, & nautis infestus Orion.*

Sed de Audeiantio meo iterùm. adolescens adprobi ingenij est, & in Prudentium aliquid veller, à te iniectum. Gisellini nostri illius quædam habes: per eum possent edi, & honore non solum saluo illius amici, sed aucto. Cogita, & scribe, aut si probas, mitte. Ostenda vos etiam exercet, sed spe tamen nunc certiore, vt audimus,

audimus, eius potiundæ. Deus faciat: vtinam ego te aliquando! In Neruiis nuper fui, anno proximo (si vita mihi & vires) Morinos fortasse vestros & te, te videbo, quod

*Mens desiderijs ista fidelibus*

nimiùm auet. Ita sum saluus, vt sentio & propono: ille modò

*Gentis humane pater atque custos*

te meq. in id tempus seruet. Louanij, prid. Idus Sextil. ∞ .IOCI

## EPISTOLA LXXVII.

IOANNI DRENCKWAIRTO, *supremo Thesaurario.*

**E**XCVSARE metibi debeo, etsi immunem à culpâ, sed nō silendo faciam me illi adfinem. Nam fui Antuerpiæ nuper & Bruxellâ reuerti ac te adfari mos meus ac tui cultus volebant sed mutauī, & compendio Mechliniensī viâ redij, quia monitū eram Præfidis filiū cum Rubenio reuocari, & subito abeundum eis esse. Festinaui, vt Vale caperem & dicerem: in eâ tamen ipsâ re deceptus, & tutum non putarunt expectare. Eant cum bono Deo: quid autem, si in tam bellâ occasione Balduinus tuus cum ipsis? Fateor de titulo capiendo hîc, decretum nuper à te esse: sed & in Italiâ posset: nec tales certè itineris comites semper ei erit nācisci. Pro tuâ prudentiâ, Amplissime Domine, statues quod è re videbitur: nam mihi indicare conueniebat, tibi iudicare. quem Deus ille publico & nobis incolumem diutissimè seruet, perpe tuo nostro voto. Louanij, xvii. Kal. Octob. ∞ .IOCI.

## EPISTOLA LXXVIII.

*Antuerpian*

BALTHASARI ROBIANO *Senatori.*

**A**MICVM amicis me fateor: & sum hercules opido vestro & illi V. C. de quo in sermone nuper egi. Eò grauius fer inter se dissidere, & ad litem venire, meo voto, & tuo auxilio (ut cupio) finiendam. Annue hanc operam mi amice. quid honestius tibi, & fortasse vtilius vtrique parti potes? Opidum, tino nunc, fortasse postea detrimentum, & quidem cum fænore, seruet: at iste pondus grauissimæ litis excipiet, & in eius humero qui consortes sunt, maximè inclinabunt. Adiuuemus, & vocem

mon



monitumque Rudolphi primi Austriaci audiamus. cui cum plures lites cum pluribus essent, vna atq. altera grauis cum Abbate Sancti Galli, tunc potente: accessit vtrò & inuocatus ad eius conuiuium. mirante illo atque aliis (nam & inimicitiae, vt solet, ex lite ortae erant) ipse constanter perfedit, & sine conuiuij cum Abbate seorsim locutus transegit, & pacem cum eo pepigit; ita fidam, vt Abbas postea auxilio etiam ei in bellis fuerit, quae minuta (nam Comes adhuc erat) cum vicinis habebat. Sed vox eius abeuntis excepta à familiaribus est, totidem his verbis: *Quicumque tres lites habet, duas, si poterit, componat: hoc est meum consilium.* Et hercules meum, ô Rudolphe: sed hoc amplius, etiam tertiam, vt nullum caput huic Cerbero superfit. Age mi Robiane, non ternae, sed ter denae aliquae vobis lites sunt: recidite istas maximè grâdes, & quae in môstra aut hydras succrescunt. Quid magis sollenne, nostris moribus & iuridicinâ? Lis litem gignit, iterumque hæc aliam, & catena fit quae heredes etiam ligat. Bonâ Vveni nostri veniâ hoc dicam, dubitare me an bono consilio in vitam & vsum Ius Iustinianæum à Lothario Imperatore reuocatum sit: sic dico, totum & plenum. Non quin bona in eo, arguta, & à sæculo veteri: sed nimis fortasse bona, arguta, vetera: & ideò seminarium ingeniis, ad calumnias fraudesq. pangendas. Dic fodes, quàm multa in eo, quae vsum hodie non habent? quàm multa implicata, & variantibus sententiis enodanda? quid si pugnancia quædam dicam? sed vix ausim, & iuncti vimbonibus me inuadant. Et de iure ipso prisco, parum etiam sit: sed Commentarij quàm multi & pænè infiniti accesserunt? atqui & ij si concordant, vim legis in tribunalibus nostris poscunt. Amelij vetus querela an scomina fuit, *Jurisprudentiam multorum camelorum onus esse*: quid nunc dicam? elephantos ab Indiâ adde, vix ferent. Atqui Platonis oraculum (recens à lectione sum) auribus meis insonat: *ὅτι παρ' οἷς νόμοι πολλοί, καὶ δίκεται παρὰ τούτοις, καὶ βίοι μοχλῶνται*: *Quod ubi leges multae, ibi & lites multae, & vitæ moresque prauī.* Audi, & scrutare: verè oraculum est, & de *multitudine litium*, nostra Belgica, vicina Gallia, & Italia dicent. Quomodo autem non & *mores prauī*? nam primùm concordia tollitur, odia aperta aut occulta in animis gignuntur, adde fraudes, insidias, & studium vincendi quouis nexu, ac supplantandi.

*Non enim, ut Celsus verissimè scripsit, bona conscientia, sed victoria tigantis est premium.* De multis hoc dico; absit de omnibus, animus me meus refellat. Sed proborum causâ indignor equidem, cum Iasones istos video, qui palam ad Colchos & aureum vellus eunt. Et quidem non improbi solum, sed stolidi aut forte ferreâ, qui & artem hanc protollendæ siue tollendæ Iustitiæ contant. Memini olim fuisse inter Byzantinos Oratores, qui interrogatus, *Qualis Byzantiis lex esset? Qualem ego volo*, respondit: ô dignum, qui pateretur quod ego vellem! Sed an non hodie tales qui leges, ut ceram habent? pro animo aut lucello suo huc illud ducunt & flectunt? Mentiri optem: sed hoc vnice, ut Rex aut Princeps qui medeatur, & paucas, faciles, concordēs leges daret. Sed hæc *Monitis Politicis* seruentur, epistolæ modulo gratiora. Illud de re, quam institui, te rogo: pergas nauare operam, & ut pax coëat inter volentes. Noster certè cupit, & quicumque interpretes eius aut pararios non recusat. Vtinam tam in proclui Batava nostra pax sit! quæ ante annos aliquot promissa, magis magisque subducitur: & adeò non rem, vix nomen eius admittunt. Quid autem fiet, si Ostendam non capimus quos illi animos? Sed capiemus, ita ominor: & utinam illos neque fatietas pessimi & omnia atterentis belli. Vale V. C. & saueat noster communis VVenus: an & hæc legat? legat, hominem disparissimis iis, quos noto. Talium tacita vota, si non vocati sunt mecum. Louanij, XIII. Kal. Octobr. ∞ . I. CCI.

## EPISTOLA LXXIX.

Brugæ

LVCAE VVYNGARDO V. N. S. D.

**E**N meas litteras, quas tuæ non clicuerunt: sed ipsis tuis fatis iure debebam. Quid enim minus possum pro donis sic vtrò & vbertim missis, quàm gratias stilo dicere, animo habere? Et donis herclè meo animo lepidis, & quæ verè sunt in recreando aut vegetando. Nam flores & hæc hortensis oblectatio ipsam vitam pænè dicam mihi seruat: cum à libris & studiis siue etiam turbis aut interpellatoribus, illuc confugio, & ad spectu ac secessu me pascō. Quid sit in hac re arcani adfectus, nescio: nisi quòd & post vitam veteres, hortos & campos Elysii imaginati sunt; & ipse Deus primo homini sedem beatæ vitæ de-

dedit *ἑξομόρξην*. Desine, inquires:

\* *Μηδ' ἑξομόρξην μωρίαν τὴν σὴν ἐμοί :*

Non faciam, desino: & publicæ occupationes aliò te ducunt.

\* *Nec as-  
fricatio in-  
sanità tuam  
mibi.*

Quod proposui tamen, gratias ago: hoc ipso maiores, quò magis munus tuum commendo. De Theocriti versu quæsitum, *βολέος πρὸς κοχλίας ἐξηρέθη*: — non alium sensum arbitror, quàm *Bulbum* (edulem scilicet) & *cochleam electam*, & propositam ad comessandum. Ita solent etiam Latini. In Martiale aliquoties mentio, & iunctim lib. iv.

*Et ficus Libycâ gelata testâ,*

*Cum bulbis cochleisque caseoque.*

Etiam Romæ hodie cochleas solent apponere, illi vsui aut fini.

Sed hoc sensu, vide an non copulâ insertâ meliùs scribi: *κοχλίας τ'*

*ἐξηρέθη*. Valere te cupio, Vir nobilis, & \* *φιλοῦντα ἀντιφιλεῖν*. Loua-

\* *amantem  
redamare.*

nij, III. Idus Octob. ∞. IOCI.

Iacobo Damhouderio salutem & gratias, rogo, à me dicito, qui & se floribus procurandis benignè impendit. Debeo.

## EPISTOLA LXXX.

*Tornacum.*

DIONYSIO VILLERIO V. R. & Cl.

**B**INIS me tuis affatus es, à tristi nostro (mihi certè) discessu: At ego filui. quid causæ? distractiunculæ, quæ præter morem mihi me eripuerunt, nec nisi cogitationem & affectum passæ ad te mitti. Audi, sodes, & miserere. Nuptiæ vno tempore in domo meâ, hospites, interuentores. De nuptiis, vt sagax es, credo audisse. ancillam mihi ab annis xxvi. tæsam nocturnæ solitudinis (quid enim aliud ipsa aut ego dicam?) viro se iunxisse, & conuiuia illa, choreas, nugas in meâ domo fuisse. Ecce sub eas ipsas Bernartius mihi hospes, gratus fanè: sed cui me & tempus tamen impendi. Quid de exteris aduentoribus dicam? qui anno inclinante velut per agmina adfluxerunt, & salus capienda ab iis & danda, humanitatis quâdam lege, fuit. Atqui vix credas, quot horas & isti eripiant, etsi in breuibus fabellis. Iam sollennes & adfidas occupatiunculas meas omitto, in dies docere, scribere, & quidquid muneri meo adhæret. Scio ipsum te ingemiscere in splendidâ hâc meâ miseriâ, & quam fama aliqua melior nobis donat. Quid etiam omitto? quid? vel præcipuum turbamen-



\* *inopin-*  
*21472?*

tum, quod tamen famam video ad te tulisse. N. N. triennium fere in meo contubernio & curâ, præter omnem omnium opinionem, tantis opibus & spe relictâ, in diui Francisci cœtum se dedidit, & diuino cultui mancipauit. Quàm ine percussit censes hoc  
 \* *ἀδόκητον* ? & eò magis, quia auunculo & parentibus (nam & i viuunt) magnam hanc in animo plagam futuram videbam. Itaque statim vxor illius & soror huc ad me, & mecum ad illum : conamur refrigerare aut abducere : at ille, veluti rupes, sermunculo nostros affilientes fregit aut repulit, & Deo duce vitam electam dixit, quæ nisi cum vitâ non eriperetur. Ita vltimus ille meorum me deferuit, & in solitudine iam reliquit. Quam tu damnas & disfluades, & atræ meæ bilis fomentum aut alimentum habes. Falli te puto : ego certè amo, & corpore atque animo eâ pascor. Quàm liberæ mihi nunc cogitationes sunt? quàm curis istis alienis aut externis non districtæ? quàm vagor itaque & diffundor in cælum, terras, maria, in nostrum & alium orbem. Apage me, illum, qui

*Non horam secum esse potest, non otia rectè  
 Ponere, seque ipsum vitæ fugiunt & erro.*

Ego sapientiæ non dicam indicium, sed initium tamen esse putato, secum consistere, & sibi vacare. O si rure hoc etiam liceat!

*Propter aque riuum, sub ramis arboris alta.*

Sed bella hoc vetant, nec Ostenda illa etiam PACEM OSTENDIT. Classem in Hiberniam sex millium Iberorum appulissimam autumant : illam magnam, Africæ inuatendæ paratam, tempestate disiectam, & re nullâ nec tentatâ quidem reuersam. Hæc in publicis sunt : etiam illud, Reginam Hispaniæ peperisse, sed prolem fæminam. In priuatis tuis quid? bibliothecam pergis instrueres? Index hic Francosurtensis quædam dabit. Io. Macarius, cum gratâ tui memoriâ, ante biduum mihi adfuit, vnâ cum Wingi nostri fratre. Vterque gratus, & in mensulâ meâ miscuimus fabellas. Quando tecum iterum? dispeream nisi aueo : & fiet, ita tu atque ego valeamus. Louanij, III. Idus Octob. ∞. IOCI.

De Neruiis tuis, feriò aliquoties à te quæsitum, quæ mihi vis hîc habes. Cæsaris & Strabonis tempore has sedes coluisse. Treuironum finibus, ab Oriente; ad Occasum à tergo, Ambianis & Atrebatibus iunctos; Veromandos, in Meridiem, Atuaticos in

Septem



Septemtrionem despexisse. Porrectos in longum magis, quàm latum : ab Oriente in Occasum. Hodiernâ nomenclaturâ fines eorum si vis designem, arbitror supra *Namurum* (vulgò *Namurcum*) & ab Arduennæ finibus cœpisse; iuisse in Meridiem *Fumacum* versus, tum *Chimacum*, *Auenpas*, *Bauacû*, *Valentianâ*; & flexu deinde in Occasum & Septemtriones, *Orchiacum*, *Tornacum*, *Aldenardam*; iterumque flexu in Orientem & Meridiem, *Geertsbergam*, *Angium*, *Brainum*, *Gemb lacum*, denique rediisse *Namurum*. Coniectura hæc nostra est: & quis aliud in his adferat? sed veterum profectò verbis sensibusque innixa. Nam magnos fines habuisse, Cæsar apertè indicat: qui ab *Ambianis* triduū iter se fecisse per *Nervios* ait, priusquam ad *Sabin* veniret (hodie *Sambram*) ubi copiarum & castra. A Treuiris autem cœpisse quod dixi, non id quidem Cæsar, sed apertissimè bis Strabo scribit, libro quarto: & à Germanis utrosque ortos, ipse ibi, & Tacitus in Germaniâ suâ, scribunt. Iungit & Panegyricus scriptor, *Nerviorum & Trevirorum arua*. At Tacitus *Bethasius* finitimos facit IIII. Hist. *Civilis Bethasios quoque ac Nervios in fidem acceptos copiis suis iungit*. Et antea: *Claudius Labeo quosdâ Nerviorum Bethasiorumque in arma traxit*. Atqui isti *Bethasij* Brabanti nostri videntur, quâ parte Hannones tangunt: & hodieque iuxta *Hallas* vicus est *Beeths* nomine, qui vetus illud refert. Itaque fines eorum ab hâc quoque parte satis stabiles videantur. Plura quæ dicam non habeo: nisi *Torniacum* vestrum (sic ibi scriptū) à Reginone nominari, in anno Christiano CCCC. XCVIII. *Hilpericus*, inquit, *fugiens cum uxore & liberis Torniacum est ingressus*. At in Antonini itinerario est *Turnacum*.

EPISTOLA LXXXI. *Audomaropolim.*

ÆGIDIO SCONDONCHO Sacerd. Soc. Iesû.

**A**BIISTI sanè à nobis, nec vel solenne illud Vale dixisti aut scripsisti. Accusem? absit: scio vestrorum imperia, quibus statim & *ἐμπαύτως* fit parendum. Doluisse tamen me non nego, <sup>\* simul ut dictum.</sup> cui plures iam amici sic abiuncti aut erepti: inter eos Delrius ille, ad Europæ fines, sed suâ sponte, relegatus. Hemelarij nostri litteras legi, & ex iis disco etiam nunc <sup>\* ταπεινωφενεῖν.</sup> Habet à naturâ <sup>\* animi abiecti.</sup> modestum illud, & pænè immodicè: erigendus est, quod sermo-

L L l 3 ne &amp;

\* nec par-  
te sortitos  
nōpe pudor-  
is.

ne & litteris scio me factitasse. Et profectò nec Aula illa ei placet,  
vbi fumi & fuci multum; & Batauius ille candor non delectetur,  
non delectet. Nosti mollem frontem, parum aptam inter duros  
illos, & cum Homero, \* ἐδ' αἰδῆς μοῖραν ἔχοντας. Itaque de mansione  
vix suadeam: cur non ad nos redeat, vitæ genus eligat, in quo &  
salutem & quietem suam curet? Mihi videatur: nec Batauia mo-  
ueat, videnda obiter non insidenda. De me, in studiis scriptisque  
sumus, sed languidè, vt in languore. Non ille me deserit: neque  
ego tamen illa,

\* Ante mi-  
hi quàm  
moris nu-  
bes lumina  
velat.

\* Περὶ γ' ὅτε δὴ θανάτοιο μήλαν νέφει ἀμφιγλύψει.

Tu vale mi Pater, tuo & plurium bono. Louanij, III. Kal. No-  
uemb. ∞ .IOCI.

## EPISTOLA LXXXII.

GERARDO BvyTEWECHIO.

**E**T addam MEO? an alia iam te habet? Habeat, sed non  
torum: & in te ius meum teneo, nec vllum vinculum no-  
uum ab illo veteri resoluat. Sed faueo & gratulor toto animo  
huic incepto, & Deum rogo id non prosperare solum, sed prope-  
rare. Satis diu suspendisti nostra & parentum vota:

*Eia age, iunge toros, atque otia deme iuuentæ.*

Omnia eò vocant. natura ipsa, quæ hanc legem iugandi & gig-  
nendi dedit, & sæcula per fationem propagandi.

*Sic rerum series, mundi que renascitur ætas.*

Vocant & tui, quibus vnicus es, & (nisi fallor) stirpis tuæ extre-  
mus. Patiare exstingui? non debes. & quamquam tempora tri-  
stia vel turbida cunctari suadeant; ætas tua recusat, & nunc fie-  
ri, quod aliquando possit, impellit. Habet etiam hæc vita suas  
voluptates & lenocinia, præsertim tali compare, qualem descri-  
bis, à stirpe, à parentibus, à se honestam, bonam, mitem. Euripi-  
dis effatum est:

\* Mortaliū  
quibus se-  
cunda na-  
stia  
Cedunt,  
beatavita:  
sed quibus  
aliter,  
illi domi  
infelicitè  
agunt, &  
foris.

\* Γαμει δ' ὅσοις μὲν δὴ κατεστῶσι βροτῶν,  
Μακάριαι αἰὼν οἷς δὲ μὴ πίπτουσιν εὖ,  
Τὰ τ' ἐνδον εἶσι, τὰ τε θύραζε δυσυχεῖς.

Adsit illud, absit hoc à tuis nuptiis:

— det Juno verenda

Vincula

*Vincula, & insigni gemitet Concordia tādā.*

Mihi in eo vno voto omnia inesse videantur, & vbi pax & concordia inter consortes obtinent, felicitatem illam & alia bona comitari. FIAT, FIAT: & amplius, huic felicitati fecunditas comitetur, vt verè illa sit γυνή, quam pulchrè \* ἀπὸ τῆς γυναικὸς veteres magistri deriuarunt. Sed heus, scis & in domo meâ nuptias, \* ἡ γενitura. & quidem duplices, fuisse? Verè in domo meâ priores. è quâ ancilla mea Anna illa, quam nosti, ante paucas septimanas enupsit: alteras è domo, si non in ipsâ. Tenes memoriâ N. N. gente' vestrum, Thesaurarij ex forore nepotem apud me triennium circiter egisse? & modestè quidem ac laudabiliter egisse. Sed exitus fuit, opinioni nostræ dispar, & relictâ magnâ spe opum (nam auunculo, non solùm patri, heres destinabatur) in Diui Francisci familiam nomen dedit. Hoc ipso die manè publicè induit cœtus eius sacram vestem. Deus robur adspiret, & athletam ad metam sistat: etsi cursum hunc currere cœpit nobis omnibus insciis, neque enim dicam (de me quidem) inuitis. Reliqui etiam mei contubernales ordine abierunt, in Italiam, in Galliam, Hispaniam, quo sua quemque fors duxit: & in solitudine sum, diu mihi optatâ, & in omni æuo dilectâ. O si com-meatus ad vos sit, qui solet! testor Numen, oculis imò & osculis tuam nunc libem: vetamur. tu vicem meam facito, atque ita vt iterum nos lætifices, te patre, parentibus tuis auis. quos saluto, & gaudium illorum gaudeo, quod animi his luminibus cerno. Vale, & rem gere mi Buytewechi, verè ἀνὴρ \* παρὰ τὸ ἀνὴρ \* ἡ φησὶν πύττει, ait vir sanctus: ne vt lasciuiusculum hoc culpes. Louanij, do. Iſidorus Pelusiota, in Epist.

v. Kal. Nouembr. ∞. IOCI.

# EPISTOLA LXXXIII. *Bruxellam.*

NICOLAO DE VVEERDT I<sup>to</sup> & Cognato.

**D**OLEO & gaudeo in vnâ tuâ, & vnus argumenti scriptio-ne. Doleo iterum præteritum me in officio, quod sic libēs lætusque obtuli, & vsurpem: gaudeo tamen peperisse tuam, & vinculis illis exsolutam, quæ etsi oprabile periculum, periculum tamen ostendunt & minantur. Deus & ipsam det valescere, & prolem natam crescere, suę gloriæ, gaudio longo atq. vsui vestro.

Differs

Differs me in filium. age igitur ne tu Fabius aliquis, magis Annibal esto, & felicius te ad Romæ portas siste. Ne cunctare, & cognatum mihi da, cui sanctiore parentis etiam nomine iungar. Fiet, ominor: & decem tibi menses suprema dies sunt. De senilibus quæ mihi, vix opus gratiam dicere: si scias quàm animi liberalis & benignus in te sim, plura poscas, & addam, feras. Modestiam tamen non exue, & sic si non promptius, tamen libentius scito me daturum. Vides artem? incito te & reprimor. Sexus etiam ille solet, de quo initio egi. valeat, & tu vale optimè Cognate. Louanij, prid. Kal. Nou. ∞. 1661.  
Salutem & officia defero Cognato socero, & Cognatæ.

## EPISTOLA LXXVIII.

Roman

IOANNI HEMELARIO.

**A**GE, cum Deo, fiat. Veni, inquam ad nos, imò & ad tuos: sed ut videas, non adhæreas aut ibi sis. Comineatum ego quidem tibi do. Nam cur dissimulem? iamdiu mihi egrè est, non esse te Romæ ex destinatione aut spe meâ, nec eo loco quicquam aliud æuum adsignasset. O Europa, quam in omnibus membris labascis! Nam si ibi etiam, ubi alta & immota pax est, in exiguo pretio & vix assis sunt istæ pacis artes; quid alibi arbitremur, aut speremus? Mundi lex viderit:

— ego utrū

*Naue ferar magnâ an parvâ, ferar vnus & idem.*

Tibi sit istæc cōstantia. & aut ratio profectò aut vsus dabit. Diogenem aut veteres sophos tibi non ingero, qui Alexandros & Philippos omnes prouocabant in suâ vberi inopiâ: vide Christiana nostra olim & nunc (venia verbo sit) mendicabula: reges omnes non æquant securitate & tranquillitate, sed vincunt. Iam femina aliqua melioris mentis in tuis litteris: Deum precor foueat, attollat, maturet. Tantūm hortor & ingero, non sic *ra* *vo* *pe* *gr* *en*: tolle caput, quod Deus ad sidera crexit, & melior tibi mens eò ducit. Hanc audi: fumos & fucos illos non vide, non audi, qui obnubilant & specie ingentium ad minuta impellunt. Impedimenta esse & fore, non nescio: sed altus & Deo fides amamus.

\*humili &  
abiectione  
mente esse.

— per obstantes cateruas

Exp



*Explicuit sua victor arma.*

Tu eo faciente facies, mi Hemelari: atque ita mihi salue. Louanij, prid. Kal. Nouemb. ∞. IOCI.

EPISTOLA LXXXV. *Leodicum.*PETRO ORANO *J<sup>to</sup>.*

**A**PUD te nec excuso quidem, quòd fileam. Non mihi semel liceat, quod tibi frequens, & pænè in morem vertit? Feci apud Carondeletum: & tu quoque è lustralibus illis aquis sume. Filium valere, gaudeo; & magis, quem volumus & destinamus, esse. Angit de lite, quam imminere significat in domo à Patruo relictâ: & si mei arbitrij res sit, ad concordiam potius inclinet. Cum Principe viro res est; & nosti Homericum,

\*Μίττε συ' πηλείδῃ δ' ἐλ' ἐρεζέμεναι βασιλῆϊ Ἀντιένῳ.

\*Nec tu  
Pelida regi  
contendere  
tentas  
Adversus.

Fiat tamen, quod tu iudicabis, harum rerum vetus & gnarus. Billæum rediisse, gaudeo: idem breui de Principe vouemus, & in circumstantibus turbis aut periculis ex vsu vestro fore putamus. Te quoque valere, mei voti est, & semper me amaturum amare. Louanij, postrid. Kal. Nouemb. ∞. IOCI.

EPISTOLA LXXXVI. *Romam.*FRANCISCO ORANO *suo S. D.*

**R**ESPONSVM debeo binis iam tuis litteris: imò non debeo, nec paria tecum facere in hoc genere aut induxi animum, aut copia mea ferat. Otij vos beatos! nos obruimur, & quod publice minùs aut tardiùs aliquid præstamus, sit priuatis istis scriptiunculis, quæ à manè ad vesperam sæpè habent. Quid querar apud te gnarum? ideò ignosces, & animum semper in te agnosces, qui est & fuit. Litem tibi esse nolim: odi ipsum nomen: & utique non cum illo è Dynastis: ac si me audis (ad patrem etiam scripsi) transigas & componas. Plumarum potius aliquid amitte, quàm vt de cute aut carne pericliteris.

*Contracto meliùs parua Cupidine  
Vestigalia porriges.*

& vitæ genus quod elegisti, in arcta te non detrudet. Et honos & vbertas, meo præfagio, te manent. Noster ibi Richardotus ecquid

M M m

apud

apud te frequens? credo non frigere amicitiam, quæ in domum meam, & iure contubernij, incepit. Alter etiam mox frater, Guilielmus, ibi erit: & ante quinque septimanas à me dimissi illi iturientem. Rubenium unum. ô insignem iuuenem, & optimis litteris artibusque non tinctum, sed imbutum! At audi aliquid cum tuo miraculo. N. N. ille noster, quem iam Licentiæ deducenabamus, in D. Francisci cœtum se dedit, amicis omnibus ignovis, inuitis, iratis. Quid tu ais? nõne maior vis, aut altior vocem traxit? Publica sunt, quæ finire, & fortassis erunt, lentius ambigua, tristibus lætisque varianda. Ad Ostendam adhuc festinemus: de claudenda à mari spes erat, benè si rata. Si fallit, videretur ut aliâ vi aut viâ aliquid fiat: nisi Deus palam iuvet. qui nobis in tot malis constantiam, tibi salutem mi Orane seruet. L. uanij, postrid. Kal. Nouemb. ∞. I.OCI.  
Audeiantius te salutat.

EPISTOLA LXXXVII. *Hispaniæ*

IOANNI WOVERIO S. D.

**E**STNE? amantes ad ineptias etiam labi? In te experior (ignosce) mi Woueri: qui sermone nuper, & nunc litteris iterum ut aliquid pangam de vitâ meâ & scriptis. Cui rei autem? aliquid ineptum, aut superuacuum est: & nihil in illâ, quod nosse aliorum intersit. Tibi igitur? atqui in contubernio meo fuisti, & hoc pænè est, vitam meam totam nosse. Quid enim in eâ nisi æquale illud & uniforme, quod vidisti? legere, docere, scribere: & ceterum tranquillum, & ab actione remotum esse. Quid ergo narrem non maiorum res gestas, non meas possum: & tenuia in nobis pleraque aut minuta. Tamen quia valdè cupis, & ego naturâ obsequens: accipe ea ipsa tenuia, & quidem à carceribus, id est, cum missus sum in hanc vitam. Id fuit, Dei benignitate, Anno ∞. I. XLVII. die qui D. Lucæ sacer est, xv. Kal. Nouembris. Noctem media me edidit: cum mater (ita narrantem sæpè audiui) superiori proximâ nocte, vidisset vigilans & ex omnis, duos puellum & puellam candidos, per cubiculum inambulantes, mutuum se complures osculantes. Interpretatio (si tamen vlla) ipsi nobisque incerta. In Iscarum autem sum genitus, municipio aëre, aquis, situ peramiceno: quod

tert

tertio milliari à Bruxellâ, itemque à Louanio abest. Vidisti ipse me ducente : quid describam? & locum adeò domumque nunc semirutam, in quâ sum natus. Non enim auitâ illâ nostrâ & paternâ, quæ incendio perierat, paullo post instauranda. Parentes mihi, *Ægidius Lipsius* & *Isabella Petirinia*: ille vnicus parentibus, hæc vnica: opibus & genere vterque perhonestis. Auus *Nicolaus Lipsius*, quieti & litteris operatus: propatruus *Martinus Lipsius*, vir ob doctrinam Erasmo familiaris, & à suis illiusque scriptis notus. Vxor aui *Margareta Eechoutia*, stirpe nobili: & maiores, pater, fratres eius, in Principum nostrorum aulis. Proauus *Iustus Lipsius*, cui vxor *Anna Linckebekia*, genere nobilissimo, sed in virili stirpe iam extincto. Ea in dotem villam, agros, domum contulit, quæ in Iscano: atque ea occasio mei illic nati. Nam pater & maiores, domo omnes Bruxellenses erant: atque ibi, aut in viciniâ, opes. Agitatum in sacro fonte & die meo lustrico, de Lucæ nomine imponendo, causâ à me dicta: sed pater abnuuit, & aui paterni, maternique nomen in me renouauit. Parentes Iscanum aliquot annos tenuit, quia & mater in propinquo villam & agros vberes habebat, supra Wavriam: & pater item in Iscano dicta bona. Ergo & ibi educatus sum: non sine duplici periculo, quod præsens vitæ meæ fuit. Puer quadriennis, egressus domo ad vesiculam leuandam, video niues (media hiems erat) in colliculum vtrunque, vt via media esset, scopis aggestas. Conscendo, in faciem cado, spirandi impos & iam suffocandus: nisi ancilla, quæ supernè verrebat, bono fato me respexisset, & erectum seruasset. Alterum, cum domus, vt dixi, repararetur, per tabulata & machinas fabrorum lusingo: decido quindecim pedum altitudine, cum sodali meo: qui crus sibi frangit, ego caput & sinistram aurem leuiter lædo. Tutela mea, Genius fuit: & quod cingulo sericeo suspensus in perticâ hæsi, donec eo soluto caderem, sed ictu molliore. Annos iam sex natus, Bruxellam cum parentibus migro. ibi studijs litterarum initior: facili promptoque ingenio adeò, vt præceptor me paruulum (in memoriâ teneo) genibus impositum, & sic recitantem, alijs ostenderet in æmulationem aut exemplum. Inter condiscipulos *Dionysius Villerius* tunc fuit: ô carum mihi exinde nomen. Grammaticalia statim hausî, & sponte ad linguam Gallicam etiam me dedi; quam è libris sine do-

ctore ita didici, vt scribere possem, etſi loqui & legitime pronun-  
 ciare non possem. Sed hîc mihi etiam diſcrimen, non niſi  
 Deo palàm depulſum. Cum æqualibus currere & luſitare, feri-  
 tis diebus, extra urbem ſolemus: & euênit, vt circa Sennam flu-  
 men. Ibi cymbula ripæ applicita, & fune ad arborem religat:  
 haud longè ſupra frumentariam molam. nos intramus, ſolui-  
 mus, & agitauius: videt molitor, accurrit, & voce minatur. Mo-  
 derantur, exeunt: pænultimus ego idem conor, ſed pedibus prius  
 rum repulſa cymba, & à ripâ diſiunctior, ſaltum ſefellit. Capi-  
 igitur præceps in flumen labor, puero vno, qui poſt me, diuinitus  
 animato vt pedem mihi prehenderet, atque ita ſuſpenſum tene-  
 ret. Interea molitor aduenit, attollit ſemianimum, aquæ ſaturum:  
 & ſoſpicator vtrique noſtrum fuit. Vtrique inquam. nam  
 & cymba prono fluxu (abſque illo erat) ad molam ibat, eius vo-  
 ticibus intoluenda & mergenda: Sed ad vitæ meæ ſpatia redeo.  
 Anno decimo Athum Hannoniæ ablegor, bonæ famæ ſcholarum  
 atque iterum ibi Grammaticalia, prauo æui noſtri more. Bier-  
 nium in ijs detineor, mox carmen cœpi ſcribere: & anno tertio  
 Coloniam Vbiorum porro, ad *Patres Societatis* mittor. Ij in  
 Rhetoricis, ij Philoſophicis imbuerunt: capere fanè pronum  
 atque ibi & alibi antea (non per iactantiam dico) ſemper ducto-  
 rem & principem meæ claſſis. Sub id tempus pietas pectus me-  
 tangere, & Patribus ipſis velle accenſeri: parentes ſciuerunt, al-  
 duxerunt, & annos iam ſedecim natum Louanium amanda-  
 runt. Ibi litterarum & antiquitatis hæc ſtudia ad ſe traxerunt  
 quorum tamen guſtum amoremque Colonia infuderat *Gera-*  
*ardus Kempensis*, præceptor meus in Græcis, acerbi homo fati. Se-  
 Louanij compares mihi comitesque in iſſdem ſtudijs *Ludovicus*  
*Carrio*, *Franciſcus Martinius*, *Arnoldus Deimius*; ductore omnium  
 noſtrum *Cornelio Valerio* & quaſi chorago. Nam is *Petro Nannio*  
 qui primus honeſtum ibi ignem accenderat, ſucceſſor datus: ſtu-  
 dio non impar, ingenio inferior. Acceſſere mox *Martinus De-*  
*rius*, *Viſtor Giſelinus*, *Ianus Lernutius*, *Andreas Schottus*: interie-  
 res iſti, & ex aſſe amici: & vterque ille primus, arcti affectu  
 liberi oris. Dum autem inibi ſum, & Iuris etiam artem lib-  
 pater mihi fato functus eſt: vir acer, manu promptus, ſodali-  
 lium ac conuiuiorum appetens, & qui hâc comitate amplius  
 patrim

Anno 10. LXIII.



patriimonium valdè attriuit. Mater curam eius reliqui, & nostrum (mei & sororis dico) suscepit: matrona in summâ modestiâ virilis animi & consilij, & cui ex illo sexu, æuo, populo, non aliam iudicio præponam. Hæc meâ causâ Louanium venit, sedem transtulit, atque ibi ex hydrope non diu post obiit. Annum ætatem tum ferè decimum octauum, & publicè iam specimen aliquod mei dederam declamando in Scholis, aut differendo. sed imago magisq̃ Musa vetus me capere: & eius amore Italiam cogitare. Feci. sed libris antea VARIARVM LECTIONVM quattuor conscriptis atque editis, quos *Antonio Perenotto* Cardinali Granuellano inscripsi. Primus hic mihi aditus ad famam, etiam in illius patroni nostri domum fuit: in quam Romæ admissus, biennium circiter egi: cum omni benignitate ab eo habitus, & ad studia tractanda non incitatus solum, sed adiutus. Eram à Latinis ei epistolis: sed otium & omne liberum tempus dabat inspectioni lapidum, locorum veterum, & si quid visendum noscendumq̃ in vrbe aut circa esset. Bibliotheca etiam Vaticana mihi pereum & *Guilielmum Zirletum* Cardinalem (aureo æuo dignum) patuit: & in ijs studijs curisq̃ tempus illud sumpsi. Innotui *Paullo Manutio*, *Fulvio Vrsino*, *Latino Latinitio*, *Hieronymo Mercuriali*, *Antonio Mureto*: familiarissimus *Plauto Bencio*, qui *Francisci* postea nomen sanctius cum sanctiore vitâ assumpsit. *Petrum Victorium* etiam, & *Carolus Sigonius*, per viam vidi: atque ego venerationem illis, ipsi affectum mihi exhibuerunt. Louanium deinde redij, annū vnum egi, in \* ætate ipsâ adolescentiæ, \* *vigore.*

*Iucundum cum ætas florida ver ageret:*

& egi (simpliciter apud te dicam) haud vsquequaque ad prisce Catonis normam. Liber eram, parentum & tutorum expers: atque ita choreis, sodalitijs, nugis, ludum & libentiam aliquam ætati dedi. Sed non diu dedi. natura melior me reduxit, atque ego adeò me subduxi peregrinatiunculâ: quam Viennam Austriæ, & in Cæsaris aulam, decreui, suscepi, perfeci. prius tamen & obitter Dola Sequanorum lustratâ. Ibi acerrima febris me pœnissimè sustulit: quam contraxeram Oratiunculâ in honore & titulo *Giselinii* mei dictâ à meridie, & conuiuio mox inscuto. Euasi, Viennam perrexi: atque ibi *Augerio Busbequio*, *Ioanni Sambuco*, *Ioanni Cratoni*, *Stephano Pighio* innotui, & placui: atque ij re-

Anno 88.  
10. LXXII.

\*-n dijs fa-  
taliter hoc  
decretum.

Anno  
LXXVI.

tinere me & illigare in ijs locis, non vnâ conditione conati. F  
strâ. nam patriam respectabam : & animo redeundi, per Bo  
miam, Misniam, Thuringiam, & ea loca iter institui: cum ace  
nuncijs de afflictâ nouis bellis nostrâ Belgicâ, patrimonio vi  
litum attrito, me pedem figere in ijs locis adegerunt. Ienæ pau  
plus annum mansi, docui, & illa primordia mihi ad Profess  
hoc munus fuere. Sed rebus paullum modò tranquillatis, ocu  
iterum ad meos & mea flexi, Coloniam Vbiorum veni, vxor  
duxi; mei magis animi, quàm amicorum, impulsu. Sed, vt ille  
ctus tamen matrimonij, id est liberorum, exfortes. Colonia  
uem menses substiti: TACITVM primò correctum, & NOT  
ad eum dedi: ibidem ANTIQVAS LECTIONES conscripsi. In  
in Iscanum meum migraui, animo destinato ruri agere, & tabe  
naculum vitæ in quiete illâ collocare. Bella vetuerunt, Louani  
compulerunt: atque ibi (hoc tamen ex amicorum consilio) iu  
studijs paullò magis seriò me dedi, & titulum etiam I<sup>ai</sup> publi  
inauguratione sumpsi. EPISTOLICAE meæ lucem tunc vici  
runt; & sub tempus LEGES REGIAE & DECEMVIRALES co  
cinnatae, non famę tamen sed auditorum gratiâ; quibus publi  
interpretatus sum, itemque *Linijs* quaedam. Tum acriores proce  
læ iterum & venti, quibus nihil propius factum, quàm vt me  
geretur Belgicę hæc nauis. Fluctu, cum pluribus, eiectionis sumus  
Batauiam terram: infedimus, sed mente, vt stationem eam hab  
remus, non portum. Turbæ tamen è turbis mutare vetuerunt,  
tredecim ipsos annos tenuerunt. Cur autem negem? homines b  
nignos & beneficos repperi: sed relinquere eos Religio & Fau  
(acre vtrumque telum) adegerunt. Dum inibi sum scripsi,

ELECTORVM LIBRVS II.

SATYRAM MENIPPAEAM.

SATVRNALIVM LIBR. II.

COMMENTARIOS PLENOS in CORN. TACITVM.

DE CONSTANTIA LIBR. II.

DE AMPHITHEATRO LIBR. II.

AD VALERIVM MAXIMVM NOTAS.

EPISTOLARVM CENTVRR. II.

EPISTOLICAM INSTITVTIONEM.

DE RECTA PRONVNCIATIONE LINGVAE LATINAE.

ANIMADVERSIONES IN SENECAE TRAGOEDIAS.

ANIMADVERSIONES IN VELLEIVM PATERCVLVM.

POLITICORVM LIBRR. VI.

DE VNA RELIGIONE LIBRVN.

Plufcula, vt vides, & (vt in meis) optima ferè : quid mirum ? in flore æui & ingenij, in alto otio: nec valetudo, nifi fub extremos annos, titubauit. Tum hepaticus ifte morbus, & tabes an languor, inuafit : & quamquam remifit, bonâ fide numquam dimifit. Illinc digrefsi, Leodici aut Spadæ biennium propemodùm egimus, valetudini per Acidulas illas refouendæ : tum Louanium regrefsi, vltimam, nifi fallor, & fatalem meam fedem. A quâ tamen variè auocati fuimus, à Pontifice, Rege Gallia, Venetis, Duce Etruriæ, Bononienfibus : fed placuit manfio, vt in æuo meo labente, & valetudine iam lapsâ. Stipendium mihi modicum: fed rex Philippus, faciente *Petro Enriquez*, Comite Fontano, auxit, & Hiftoriographi etiam fui titulo donauit. Scripfimus autem Louanij,

Anno ∞.  
Id. xci.

DE CRUCE LIBRR. III.

DE MILITIA ROMANA LIBRR. V.

POLIORCETICON, V.

DE MAGNITVDINE ROMANA IIII.

DISSERTATIVNCVLAM, ET COMMENTARIVM IN

PLINII PANEGYRICVM.

Hæc octennio circiter, ad iftum annum ∞. Idc. qui nunc currit. Et pluria ac varia affecta nobis aut profligata effe, non negamus: fed temporum afpectu quædam premi, & iudicio differri. En, mi Woueri, noftram vitam & fcripta: dic ferio, non fubpœniter impetraffe? de meipfo tamen aut indole meâ, tria etiam verba. Corpus & facies non indecora, vtique ante morbum: os probum, animus verecundus: ingenium docile & capax omnium, excipio Muficam: iudicatio collineans & recta: memoria non fine præceptorum miraculo, etiam in puero: quæ nunc, etfi elanguit, non defecit. Eloquentia nobis prompta, nec fine Venere, in publico: priuatim, reſtriſti magis, & minus amœni. Stili & inuentionum faciles: labori & affiduitati impares; & naturæ, quàm illis, in omni ætate obſtriſtiores. In cultu, geſtu, ſermone modici:

modici : & exterorum qui *Lipsum* videbant, sæpè requireba  
 Quod superest, bona & bonos amaui, amatus sum : scientia  
 & magis sapientiam, colui : lites fugi, honores fugi : domi  
 risque benignus, comis, & quem vereri posses non timere. S  
 quò eo? tuus quoque me calor abripit : reprimo, & cum  
 ripide,

Σωσωτ' ἐγὼ σοὶ βούλομαι, ἀλλ' ἐ σιωποῦσέν :

*Consipere, non desipere tecum debeo.*

Louanij, Kal. Octobr. ∞ . IOC.

## EPISTOLA LXXXIIX.

*Duac*

FRANCISCO MONTMORENCIO *Bersëij Toparchæ.*

**A**DOLESCENTEM nobilem *Gommicourtium*, cognatu  
 tuum, mihi commendas : & est certè, quia tuus, & quia  
 & stirpe suâ (ita vultus & sermones mihi dicunt) dignus. E  
 quicquid in meâ copiâ erit, faciam libens, & promptius laxi  
 que, quàm dicam. Significas etiam te, animi causâ, Dissertati  
 nem in publico habiturum super Peregrinatione. Quin laud  
 bis eam, non ambigo : instrumentum profectò vsui rerum  
 prudentiæ. vt ingenuam voluptatem omittam, quæ in ipsâ e  
 & post ipsam. Nam & cogitatione, quis non eadem illa visâ, re  
 sit suauiter & gustat? colloquia, viros, vrbes, agros, siluas, mo  
 tes, flumina : quæ mihi imagines sæpè ambulanti aut dormie  
 rienti ingerunt, & cum delectatione in ijs acquiesco. Platone  
 causâ suâ duxerint, vt è compolitâ republicâ eam tolleret, a  
 parcè & tardè indulgeret : manum aut suffragium ego non d  
 derim, & alijs suadeam, ipse vsurpem, hoc lustrare & vaga  
 Quid? Deus ipse, nōne hominem condidit, vt Philosoph  
 optimi sensus ait, \* διατὴν αὐτὸς τε, καὶ τῶν ἔργων τῶν αὐτοῦ? Non iuu  
 & deceat me, cū mundanus sim, nosse & videre, quantum d  
 tur, hanc meam patriam?

\* Spectato  
 rem sui &  
 suorum  
 operum?  
 Epictet.

*Si Ladas ego, pennipésve Perseus,*

*Aut si Pegaseo ferar volatu,*

ô quantum maris terræque obeam? quàm nota & noua regi  
 num lustrem? Sed ligamur ætate, coniugio, languore, bellis: it  
 qu



que intra affectum manemus, leuiter tamen inuidentes quibus licet, sed & indignantes quibus non libet. Vides quò eam, & quàm ipsa iniectio tua animum mihi mouerit & soluerit in has voces. Coërceo, eundem ad te mitto non peregrinatum, sed habitatum. Vale Nobil<sup>me</sup> Domine. Louanij, postrid. Idus Nouemb. ∞. IOCI.

EPISTOLA LXXXIX. *Antuerpiam.*

BALTHASARI MORETO suo S. D.

**B**ENE factum de Corollario. merebantur & hanc laudem siue elogium nostri canes. Dic seriò, non risisti cùm legisti? At ego & Equos laudatum ita iui, & Centuria sequens dabit. Libros Lutetiâ accepi, sanè gratos & in meum vsum. De Chronicis scriptoribus, postea videbimus: Vvenero nunc gratia & salus esto. nam ego interea, vt spero, Antuerpiam & vos videbo. Tum de subsidijs operis, ad quod ædificandum inclino. Etsi FAX mea est, quam velim item absolutam: & ausim dicere, nihil vtilius conceptum in rem litterarum. O subitam mortem illius amici! cui bono nunc illa, quæ falsò appellantur bona? quid possidenti dederunt? vimbram, non fructum: & vereor vt nec hic superstes impendat, & heredibus modò seruet. Ludibria humana! & fortunam meritò cæcam, quæ ad me aut alios non venit, aliter vsuros, imò & fructuros. Res nostræ publicæ me interim angunt, id est sollicitum habent quò sint euasuræ. Partes nostræ crescunt, animos & ordinem & disciplinam habent aut sumunt: nos in confusione, & nec monita sequi lubet aut exempla. Fati vis est, agnosco: cui parere & sine murmure obsequi vetus sapientum dogma est. Ego audio, te amo mi Morete. Louanij, xv. Kal. Decemb. ∞. IOCI. Parentes, & fratrem tuum saluto, ac re-ditum ei gratulor corde.

## EPISTOLA XC.

IACOBO ANGIANO, *Equiti, Toparchæ Kestergatij.*

**A**NTE dies plusculos vidi epistolam ad cognatum tuum Berlegemium, in quo & salus mihi per te missa, & amica  
 NNn mentio

mentio veteris consuetudinis nostræ, iam à pueritiâ contracta erat. Gauisus sum, fateor. nam quî obliuiscar primos illos amores ac delicias, quas simplex & malarum artium rudis ætas gignit? Atque ea mihi inhærent, & suauis recordatione etiam nunc sensus titillant. Rogo igitur te, vt in legitimam & maturam, id est virilem amicitiam excrefcere iacta iam tunc illa semina velut quod fiet, si recondita ea in hoc animo, velut aruo, affectu beneuolentiæ tuæ velut Zephyri flatu, & alloquio interdum vt imbribus educes ac rigabis. Quod autem petieras, in memoriam tuorum maiorum aliquid breue, & monumenti loco, pangi: ecce feci. duo hîc habes, vtêris alterutro, vt tibi visum: & siquid addi, de mihi, mutari censebis; significabis, & factum putabis. Nam et Nobil<sup>me</sup> Domine, cultum & obsequia virtuti ac dignitati tue debeo, & hîc scriptione defero ac sub signo. Louanij, xi. K. Decembr. ∞. 1601.

Historiam gentilis tui obiter vidi. totam adhuc non licuit; vt fore video in ijs quæ paro. Remittetur, cùm voles.

## EPISTOLA XCI.

Mechlinia

IANO BERNARTIO suo.

**Z**YPENVS, insignis iuuenis, & communis noster litterate tulit, ad spectu magis quàm lectu gratas. Nam de inueterudine tuâ habebant, mihi triste: nisi quod spero tentatiunculam modò esse, non firmum aut cum \* discrimine morbum. Quicquid erit, porrò significa, & Deum rogo vt læta. Te autem vt in omni sorte toleres, & constes præceptis illis tuis, quæ Conlationi Boëtianæ miscuisti. Non est tibi integrum, mollem a pro vulgi more & sensu esse, qui altas illas voces emisisti, & regum omne fortunæ calcantes. Reminiscere, & vt alij velint, tu exemplo præxi, & præsume. Alioquin, quid nisi citharæ similes sumus, quæ suaues sonos edit, nec ipsa eos audit: sic nos egregia monita & doctrinas, ipsi ab ijs expertes? Si in scribendo delectare non propositum, aut etiam alijs non nobis prodesse: desinamus haec operam licet, facilius & promptius aliâ arte assecuturi. Clausus est, patienda humana esse. quare? quia *Deum sequi*, vetus & commune sapientum dogma est:

\* Falsus fui. ex hoc ipso morbo post paucos dies obiit, paululum tricesimo anno maior. Dolor mihi, & suis, & Musis, quas inter leges colebat.

— *cuncta autem hæc superum demissa supremâ*

*Mente fluunt.*

quod altiloquus ille poëta tuus dixit. Sed de Boëtio, non breui fruemur? addixit ita Moretus in suis ad me litteris: & puto ad te idem. Milites à Buscoducensi liberatione redeunt, & agminatim hac transeunt: ô liberatione nobis optatâ! Etsi ea Deo potius adscribenda, qui hiemem, niues, gelu induxit, & aërem commilitare nobis, omnesque in eo Genios, fecit. Sed periculo quàm propinqui fuimus? magne, mire, non credendę in breui illo tempore Bataurorum munitiones. Dixi tibi, & verum est, Romana opera & militiam imitantur: & ad illud Corbulonis, *Dolabrâ*, non gladio solum, *victoriam quærunt*. Sed quomodocumque, vicimus, aut obtinuimus: etsi cum tremore aliquo hæc securitas,

*Magnâque post lacrimas etiamnum gaudia pallent.*

Actum de hâc vrbe & Academiâ erat, si ea in partes aduersas cellisset. Ad Ostendam quid fiet, in dies expectamus, spei iam propiores, quia & illic hiems ista prepropera nobis opportuna. Deus victoriam illic, tibi valetudinem mi Bernarti donet, ac tuæ seruet: quam saluto. Louanij, VII. Idus Decemb. ∞. 1661.

## EPISTOLA XCII.

*Romam.*

ANTONIO RICHARDOTO suo.

**N**VLLAE mihi litteræ tuæ suauiores (eo verbo vtendum est) his postremis, quæ de reditu tuo non spem sed fiduciam faciebant. O res breui sit! ô te meum, & tu me, amplectare! Non annos, sed lustra videris abfuisse: quos ego quidem magis numero, quia pauci mihi supersunt, senescenti, & cuius, cū poëta,

*Lenit albescens animos capillus.*

Dete igitur latum, de fratre Guilielmo pendemus animi: & quid suspicabimur? Ne vos quidem aliquid audisse? nam nos certę (parentem etiam tuum includo) ab eius discessu nihil. Nisi si litteræ perierint, aut in viâ alibi hæserint, triste nobis omen ab hoc silentio detur. Sed Deus auertat, qui illum & te seruet, & vtrumque nobis, sed te statim reddat. Titulo Præfecti equitum donatum te à Principe, puto audisti: & ampliora te manent, cū adueneris, quæ magis in agisque, cum ætate, mereri te cupio: &

crescere vnâ virtutis & prudentiæ studium atque amorem. Op  
triam nostram adflictam, & consilij vel auxilij egentem! E  
consilium sint; qui dare possunt, inter eos consilij caput tuus p  
rens: sed Deus inclinare & flectere ad ea corda Principum p  
test, itemque ea ipsa prosperare. Sæpè enim, aut non raro, optin  
consulta successus destituit, qui à cælo pender. Tu vale, & ve  
opratissime nobis, & D. Legato fratri tuo me & mea seriò des  
Louanij, XVI. Kal. Ianuar. anni ∞. MDCLII.

## EPISTOLA XCIII.

*Antuerpia*

IO. BAPTISTAE PEREZIO BARONIO S. D.

**T**RISTE mihi fuisse, & velut plagam in animo, hoc inop  
natum de discessu C. V. Ludouici Perezij aui tui, per  
potes scire. Nosti amicitiam quæ inter nos vetus & fida fui  
quidni talis, ab annis iam triginta amplius contracta, & sine c  
fensâ, imò querelâ, habita ac culta? Scio & te tuosque, mi Bar  
ni, indoluisse in hoc casu: qui alterum tamquam parentem am  
fistis, in omni sorte, consilijs factisq; adiutorem aut directorem  
Itaque alterâ iam anchorâ naus hæc vestra spoliata est: Deus se  
uet illam sacram, & parentem tuum diu velit superesse. Qu  
tamen est? dolere vos & ego debemus, & caussa est: sed cum mo  
do, nec quò affectus solùm aut natura, sed ratio trahit, audire  
sequi. Non enim vt puluis aut palea ab omni vento, sic nos ra  
à perturbatione debemus: sed hanc coërcere, & animum pond  
re illo rationis & sapientiæ stabilire. Quid autem ea dicit? nil  
insolens euenisse, mortalem mortuum esse, nec diuulsum à n  
bis, sed prægressum. In eâdem viâ omnes fuimus, ad eamde  
Fati metam tendimus, & pertingemus,

—*sine reges,**Sive inopes erimus coloni.*

Quod ergo omnibus, quod semper euenit & eueniet: cur vt pr  
prium dolorem aut cladem interpretemur? Qui periti cælestiu  
sunt, in Solis aut Lunæ deliquio non stupent aut timent: sciunt  
enim mox redituram vtrique fideri suam claritatem: simile no  
bis Christianis sit. qui gnari diuinarum promissionum, no  
mortem hanc habemus, sed transitum ad vitam. Pro breui ist  
turbic



turbidâ & impacatâ, æterna nos manet, curarum turbarumque expers. Iactamur hîc inter vndas, & noui semper aliqui aliunde fluctus: ô quando erimus vbi purum illud certumque serenum est? quò tempestas, imò nec metus eius, adspirat? Sicut fumus, quamuis crassus, cùm altum petit, dissipatur & perit: sic necesse doloris omnem nubem, si cogitatione alta illa adeamus. Faciamus mi Baroni, nec illa plebeia cogitemus aut loquamur, Heu cur ille mortuus? cur me deseruit & reliquit? O stulte, debuit:

*Certa etenim vitæ finis mortalibus instat,  
Nec deuitari letum pote, quin obeamus.*

Ab Epicteri potius sapientiâ illa mutuemur: *Non sum æternitas, sed homo: id est, particula Vniuersi, ut hora diei. Venire igitur me oportet, ut horam; & præterire, ut horam.* Vidēsne in agris ut fruges satæ in herbam, in culmum, in aristam surgunt, maturescunt, & metuntur? sic in nobis. venimus in vitam, quidam in herbâ, alij in culmo pereunt, plerique in maturitate aliquâ metuntur: & quæ causâ querelæ est? Ante oculos sortis humanæ conditio ponatur: ita sati & nati sumus. Enimuero in nostro isto, si examinas, iustior gratandi etiam causâ, quàm querendi occurret. quòd æquabilem vitæ cursum, cùm optimâ famâ, sine Fortunæ insigni plagâ, peregit: quod ad terminos etiam illos æui peruēnit, quò pauci omninò pertingunt. Vidit & reliquit familiam florentem, liberos, nepotes, pronepotes: ut nec obiisse quidem videri debeat, qui in tot animis corporibusque suorum viuit. Ut agricola parùm aut nihil dolet in arbore amissâ, quæ ex vno trunco plures frutices & iam pænè arbores dedit: sit hîc simile. non tamen ut nihil, sed ut modestiùs leuiusque doleamus. Ille quidem in superis locis, beatus inter beatos agit, uti speramus: & apud nos tamen memoria virtutum eius viuit & viuēt. quid apud nos? apud alienos, & populum etiam hunc vestrum: quem probitate illâ & benignitate suum fecerat, iuuando, consulendo, consolando, velut communis omnium parens. Hæc talia cogitemus mi Baroni. & ut spinas aut tribulos, etsi adhærentes aut amplectentes, dimouemus; ad poma aut vvas vltro manus porrigimus: sic in isto casu, quod iuuare aut alleuare potest, apprehendamus; pungentia illa & noxia, etsi offerunt se, depellamus.

lamus. Fac, te quaeso: ego tecum dabo operam: & commun  
hæc utrique solatia (nam & ipse egeo) scito à me scripta. Lou  
nij, vi. Kal. anni noui instantis ∞. IOCII. quem vouco paren  
tuo & tibi feliciter labi.

## EPISTOLA XCIIII. Pragae

IOANNI HOLLANDIO.

**G**AVDEO te rediisse incolumem, aut certè nunc esse incol  
mem, vti epistola tua mihi dat augurari. Nam diutina  
valetudinem te passum intellexi, & dolui: spero omnia mitiora  
nunc fore & meliora, in patrio tuo solo. Sed & hoc gaudeo, tale  
rediisse, qualem scriptio ostendit: ita me Deus, plena honestifi  
mi desiderij & studij, atque vno verbo, Bonæ mentis. Rogo  
perge in hâc viâ & vitâ, & reipublicæ ornamentum vel sub  
diû dona, vbi non laboranti? Certè apud nos aspera omnia &  
ancipiti, & non ab vno hoste laboramus. Sunt qui in aperto, su  
qui cuniculis oppugnent: atque vtinam vt vires, ita consilia fir  
ad resistendum! Qui volent, differant: sed mihi firmum, pl  
mentem quàm manus valere, plus industriam quàm omnes  
pes. Confluant à veteri orbe, confluant ab isto nouo: alimen  
malorum erunt, non remedia, nisi cæcum illum Plutum Pro  
dentia dirigat & moderetur.

*Sed quid vana cano? quid fixos arceo casus?*

in supero illo consistorio decretum, quid nobis vobisque, & qu  
modò fiat. Iuuat videre interdum occultas fatorum vias,  
quàm ipsis nobis contra nos vtantur. Quæ caussa est? illa, in qu  
sistimus:

— *nusquam pietas, non gentibus æquum*

*Fas aut cura Iouis.*

Sed heu, inopinata etiam de vobis! tabellas illinc laureatas exsp  
ctabamus: cupressinæ aduenerunt. Triste mehercules & pæ  
funestum, de Canissâ: vtique si hostis occasione suâ & virib  
norit vti. Solimannus aliquis si esset, Germania vbi esset? At De  
hæc moderatur, & sistet vt spero impetum barbarici hostis,  
nos vitam, ipse fortunam emendabit. Louanij, vii. Idus Ianua  
∞. IOCII.

EP

## EPISTOLA XCV.

IOANNI DRENCKVVAIRTO, *supremo Thesaurario.*

**C**OGNATVM hîc meum vides, & beneficio deuinctum tibi clientem. Sed beneficio, quod plenum firmumque nunc effici, est in tuâ manu. Nam ecce Quæsturæ munus ante biennium amplius, te vno procurante, accepit: sed honorarium certum nullum adiunctum, quod nunc ij qui ab ærario Brabantico sunt videntur adsignasse. Sed cum ea res firmitatem aut vires habere non possit, nisi collegij vestri auctoritas & approbatio accedat: rogo benignè eam impertiri digneris, & beneficium tuum absolvere atque exornare. Iure equidem pro illo laboro, quia neptem meam ex sorore vxorem habet: & eius liberi inter heredes meos erunt. Plus autem famæ, quàm opum relinquere ijs possum: nec has valdè ambio, tuam & bonorum gratiam. quam Deus adhuc mihi dedit, & rogo seruet. Idem te Ampl<sup>me</sup> & Nobil<sup>me</sup> Domine incolumem, ex nostro voto, id est vel tria sæcla. Louanij, prid. Idus Ianuar. ∞. IOCH.

## EPISTOLA XCVI.

*Sauonam.*

IVLIO SALINERIO S. D:

**B**ENE de moribus meis iudicas. tales sunt, nec faciles & ingenui solum, vt scribis; sed mites, placidi, oleo tranquilliores. Impotentia tantum à me abest, quantum potentia. Quid ergo ambigis in Tacitum edere, quæ concinnasti, etsi à me meisque, vt ais, diuersa? Tu verò securus ede, non offensæ meæ, sed certus gratiæ: si digna illo scriptore & doctorum auribus dabis. Equidem & ego iam olim aliquid in illâ materiâ pinxi aut sculpsi: sed nihil est Protogenis aut Apellis: aliis quicumque manum addat, imò & cupressum appingat. Testor supremum Numen, gratum & venerabilem mihi fore, per quem

*Respicere ignoto discam pendentia tergo.*

Ego enim vt omnia viderim? non si Mineruæ aurea lucerna, vt vetus verbum est, illustrasset. Euripidæum illud rotundum & verum:

\* Αλλ' ἔδ' αὐτὸς πάντ' ὅτις αὖθις βροτῶν  
Πέφυκεν· ἄλλω δ' ἄλλο πρόσκειθ' ἑρπας.

\* Non vnus  
aliquis sci-  
re natus o-  
mnia est:  
Sed aliud  
alij premiū  
posuit Deus

Audis,

Audis, mi Salineri? tibi quoque præmium paratum, & labor sua merces: profer. Qui putat se in his antiquis, & æuo obferis, aginæ semper æquilibrium ferri: errat, & non Varro ipse fecit alienis scriptis (testimonia sunt) doctior tamen illis lipis qui se pferunt. Multum est legisse, inquisiuisse; plus rectam iudicium normam attulisse; sed totum, attigisse. quod Fortunæ aliqua do est, non doctrinæ. Enimuerò longius ibo, & philosophari tunc cum lubet, & decet. quid hæc sunt, aut quanti pretij, diuinasse correxisse? In præfenti, delectatiuncula; in præfenti, gloriola: per quinquaginta, aut pro magno centum annos, nemo te aut nunc auctorem inscribet. Non putemus nos Troiam cepisse, cum depositum alteri locum sanauimus: quid? vnum alterumque verbum. O si animum, ô si mores! ô si illam Sapientiæ officinam ingrediamur, ἱατρῆον ψυχῆς, atque ibi Æsculapio & Hygeiæ faciamus ac litemus! Non me diffundo. illud ex animo & interio pectore, per me tibi liberum sentire, dissentire: neque sum inferior Alexandro sublimior, qui nefas putem oppugnari. Facito. sed me, non meâ causâ, audis, modestè & modicè: & veritas, non ambitio, finis elucescat. Conuitiari, inequitare, alienum est non à doctâ solùm mente, sed humanâ. Nónne & tibi fieri potest nec vlla cautio errorem (in his quidem Criticis) vitet? Et à nunc vt sis securus; alius pro me, aut post me, optionem & succedentem se dabit. Mihi quidem in his & maioribus frigus iam accipere hæret: siue ab ætate, siue à Sapientiæ consultis: nec in magno habeo, quod olim in summo. Menedemi dictum aureum, & sublimiori, id est tuæ menti, imprimendum: *Qui Athenas naufragarent, primò Sapientes esse, tum Philosophos, tum Rhetores, denique rudes & idiotas.* Adfirmo tibi, nemo propius rem tetigit, vtilius aperuit: & solida, non in ventum docta mens, quò diutius discas in re plura, in opinione pauciora nouit. Mi Salineri

\*. hac tibi  
Et mente  
pariter at-  
que linguâ  
edidit.

\* — ταῦτά σοι

Τὸ νῦν θ' ὁμοίως, καὶ ἀπὸ τῆς γλώσσης, λέγω.

Vale. Louanij, v. Kal. Febr. ∞. MDCL.



EPISTOLA XCVII. *Francofurtum,*

IANO GRUTERO.

**Q**VERELAM tuam in litteris ad Sweertium vidi, parùm meo animo iustam, & tamen gratam à causlà primâ & origine: quam confido amorem & desiderium esse. Quidni sic afficiaris erga amicum veterem, & quod caput est, doctorem? Formauimus certè te mi Grutere, & in optimâ studiorum viâ præuiimus, quam felici dehinc pede calcasti, & vt porrò facias voueo & hortor. Scis etiam præcipuam aliquam curam & affectum nostri in te fuisse, nec vt in theatro aliquo missilia hæc tantùm in vulgus sparsisse. Te iunximus propiùs, & in sinum tuum, vt sic dicam, contulimus: quæ Deo & ingenio faciente deinde auxisti. Hęc non vt exprobrem dico, vix vt imputem: sed vt ostendam quis fuerim, & ex eo quis sim etiam discas. Quid enim me mutarit? vnum in te aut circa te est, quod optem aliter: reliqua constant, & te mihi firmant. Atqui filui. Quid? non Leodico ad te scripsi? In publico videbis mox epistolam, si non antè acceptam. Vtrùm ego à te intereà, haud commemini: hoc tantùm, in litteris ad Ortelium de me sæpè fuisse. Abeant ista: amemus, quod agimus agamus, rem litterariam & nos iuueamus. Seneca communis ille noster, quàm præcepta huic rei donat! quàm ab his inferis ad alta, à vanis ad solida, à turbidis ad quietia ducit? Sequamur, & ita in illo emendando simus, vt ab eo quoque emendemur. Vale mi Grutere, & amate hæcenus & amande. Louanij, postrid. Idus Febr. ∞. IOCH.

## EPISTOLA XCVIII.

HENRICO SCHVLTETO.

**L**ITTERAE tuæ, quibus amicitiam meam appetis, tuam defers, gratæ fuerunt, mi Schultete. Amor, humani generis nectar, suauior gratorque est, cum à superiore illo Amore venit, id est Honesti & Boni: ex quo velut traducem esse tuum istû scio. Amas illa, & ob illa me, quia & à me amari (nec falsò) censes. Vtinam & compotire detur! studeo equidem, & omnibus inge-

\* *presumptam sapientiam.*

nij machinis hoc conor. O triumphum, qui peruincit! quamquam nec superari hîc turpe est, dummodò arma non proijcias & victus quoque velis vincere. Progrediamur, si non peruenimus. Nam laudes, quas tu plenâ manu in me cumulus, non in oculis libo, in animum non admitto, nec assensus mei suffragium dono. Imò esse qualem describis, vix opto, certè non spero. Odi istam nunc crebram \* *δοκισισοφίαν*; cùm illud Aristarchi locum cum vindicat, *Olim vix septem sapientes repertos, hodie vix totidem rudes*. Maneamus in modestiâ, in bonorum studiis, nec vela blandientium sermonum auras explicemus. Quod me rogas *Numeris Platonis*, libelli res non epistolæ sit: nosti implexum lud à se, & interpretantium variâ tractatione districtum. Da auocationem: at amoris tuo vel statim respondeo, & meum fideliter reddo. Louanij, prid. Kal. Febr. ∞. 1601.

## EPISTOLA XCIX.

HYGONI GROTIO.

\* *sermonis concinnitates.*

**A**DAMVM tuum vidi, partem legi, & ex eâ omnia probavi. Nam similem te tui esse, facile præcipio. Dicerem mihi tuum me, nisi priora tua hoc verbi & affectus iam exemissent. Iamantè te dedisti, & hoc ingenij specimen, vt bona & alta à te exigere debeamus, non solum expectare. At placuit mihi etiam vnicè argumentum, & quòd ad feriali, id est Sapientiæ illa stude te dones. Leuia ingeniorum, qui tantum animi delicias continentur, verborum elegantias, & cum Euripide, \* *λόγων ευμορφίας*. Nos verò ad rem gradum addamus, & nihil pensius tractemus, ijs quæ ad verum animi cultum, id est ad Salutem ducunt. Intellectualis philosophia magna studij huius pars est, quam feliciter in *Adamo* tuo libasti. Perge, hanc ama, & sine vento scientiam, sine nouitate doctrinam. Publicâ viâ qui excidit, & semitas querit, errores & flexus querit. Sperne, ita Deus te hîc honestum, a bi beatum velit. Louanij, III. Nonas Februar. ∞. 1601. Patrem & Patruum ex animo saluto.

EPISTOLA C. *Mediolanum.*ERYCIO PUTEANO *suo.*

**P**ROMVLSIDEM tuam vidimus, id est vina & mella. Planè pro suo nomine liber est: & acumen siue acrimoniam in sensibus habet, & in verbis puritatem, atque etiam suauitatem. Quid amplius dicam, nisi illud,

*I bone, quò tua te virtus vocat, i pede fausto.*

Ad alia, longius longiusque mi Puteane: sed pede semper recto, id est per viam quam veteres calcarunt, & ego monendo aut docendo præiui. Nouitios istos si audias, stolidos aliquos Hermas; despectas, & ad languida quædam aut frigida te dones, quæ ipsi Tulliana vocant. O quàm indignetur & colorem non teneat, si resurgat ille Tullius, & hæc cernat! Ille altus, ille excitatus, & alacer, plenus spirituum & sanguinis, prober hos tabidos, iacentes, & verè \* *χαμαιαιετῆς λόγους*? Atqui phrasin eius & verba habent. Nescio. dicunt: sed hoc scio, non verba, sed pectus & vim mentis esse, quæ disertos facit. Scitè nuper à Politiano dictum, meliorem honestioremque leonis faciem esse, quàm simiæ; et si ista ad hominem propius accedit. Nihil est hoc imitari, si à te nihil inspiras; imò si omnia tua nō facis, & velut è proprio fonte emittis.

\* *humis serpentes sermone.*

— *qui sibi fidit*

*Dux, regit examen.*

Alij seruiant, mendicent: fama aut vita non respiciet, quicquid hoc est scriptorum. Stuporem! ad vnius illam imitationem nunc nos vocari: quod nemo veterum aut priorum somniauit! Scilicet plus cordis nostri magistri habent, quàm Fabius & ipse Cicero, qui ad omnes non oratores solùm, sed historicos, poëtas etiam ducunt. Sed omitto has lacunas, quæ non nisi ab imbre implentur, à se atentes: tu inter viuos, vt dixi, fontes esto, &, quod sequi solet, perennes. Sed heus, quod vltimò scribebas, te meâ caussâ Romam, quale est? impetrandi ciuilis illius tituli? Si ita, quo titulo te afficiam nescio, beniuolentis nimium, an parùm sapientis. Et quid tibi aut mihi vis? conciliare magnum hunc honorem? Non recusem si detur equidem, vel ob nomen illud prisce vrbs: sed si vltro. te autem, id est me (quis enim aliter interpretabitur?)

〇〇〇 2

hoc

hoc agere? Abstine, ita liuor aut calumnia ab utroque nostrum  
abstineat: nec in istis elogijs posueris fundamentum famæ. Ma-  
gis fortasse, si rara essent. scisne Alexandrum olim, cum ciuitas  
donaretur à nescio quo populo, contempsisse & irrisisse: sed cum  
legati addidissent, *Nemini hunc honorem delatum, nisi Herculi atque*  
*ipsi*: tum denique amplexum, & à socio illo pretium dedisse.  
Non idem hîc erit: & cum bonâ veniâ dicam, magna illa ciuitas  
se impertiuuit non nimis magnis. Finio, tu ambire ultra caue vo-  
sensu, non dicam vultu aut voce: & me tantum ama. Louani  
postrid. Kal. Nouembr. ∞. 1661.

F I N I S.

# APPROBATIO.

*Miscellanea hæc Epistolarum Centuria J. Lipsii  
Professoris ac Historiographi Regij, utiliter admodum  
imprimetur.*

Gulielmus Fabricius Nouiomagus, Apostolicus  
ac Archiducalis librorum Censor.



## P R I V I L E G I U M C Æ S A R E V M.

**R** V D O L P H V S S E C V N D V S diuina fauente clementia electus Romanorum Imperator semper Augustus, ac Germaniæ, Hungariæ, Bohemiæ, Dalmatiæ, Croatia, Sclauoniæ Rex, Archidux Austriæ, Dux Burgundiæ, Stiriæ, Carinthiæ, Carniolæ & Wirtembergæ, &c. Comes Tirolis, &c. Nostro & Sacri Imperij fidei dilecto I V S T O L I P S I O gratiam nostram Cæsaream. Postquam inter alia, quæ D E V S immortalis hominibus liberali manu dedit dona, illustria in primis illa & quasi diuina sunt, quæ in litteris liberalibusque disciplinis consistunt, quibus scilicet homines non tantum ab animalibus ceteris rationis expertibus, sed à rudi etiam & imperito hominum vulgo ita distinguuntur, ut tanquam Dij quidam splendescere in terris videantur: rem sanè præclaram seque dignam illi præstant, qui diligentem iis ipsis in litteris ac disciplinis operam ponunt; præclarissimam verò & Reipub. vtilissimam, qui eas ita excolunt, ut aliorum menti docendo, scribendo lumina præferant, eosque ex ignorantiae tenebris quasi manu educant. Quos excitare, quos amare atque animare ad dignitatis nostræ munus, ad quod Diuino vocati beneficio, concessumque sumus; in primis pertinere existimamus. Cum itaque ab iis, quorum nobis spectata fides, qui que iudicare de Litteris possint, acceperimus, insignes te animi ingeniique tui doctes tibi à natura insitas à primis temporibus ætatis tuæ ita litterarum ac disciplinarum studiis excoluisse atque exornasse, ut olim iuuenilibus adhuc annis præclara florescentis minimeque vulgaris eruditionis specimina præbueris, dum obscura in antiquis scriptoribus loca, quæ quædam tanquam lustra erant, illustrasti, quæque in iis iniuria temporum deprauata & corrupta fuerunt, restituissti, dum vetusta Latinæ antiquitatis rudera in nouam subinde structuram singulari artificio eleganter conuertisti: ad exquisitam admodum & raram doctrinam, quæ magnam de te apud doctos quosque viros opinionem excitavit, peruenisse, eamque variis abs te libris acriter & graui cum iudicio scriptis atque in lucem editis ostendisse, ut in eo quod tam feliciter tractas descriptionis genere paucos tibi pares hodie reperire sit: iam verò matura te ætate virum, viro magis magisque digna, & viris doctis grata ac Reipub. vtilia scribere, quæque à primis illis Romanis olim auctoribus scripta fuerunt, à mendis purgare, & lectissimos quosque ex Musarum hortis, in quibus assidue verseris, flores colligere, concinnare, quibus Lectores mirifice recrees, & eorum pectus ad prudentiam, probitatemque informes: haudquaquam prætermittere volumus, quin Reipub. ad quam hæc abs te ornamenta conferuntur, causa, Cæsareo te nostro elogio decorandum, & quamuis per te satis ipse animatus sis, animandum magis patrocinioque nostro defendendum pro benigna nostra in te susciperemus voluntate. Quoniam verò lucubrationibus atque operibus tuis in lucem edendis, peculiarem te eligere velle Typographum, acceperimus, Diplomate hoc nostro privilegioque te & Typographum tuum aduersus quorumcumque fraudem, qui lucri causa, quod fieri solet, eadem excudere aut typis imitari fortè velint, munitos cupimus. Quamobrem pro auctoritate nostra Cæsarea decernimus, statuimus, vetamusque, ne quis Typographorum, Bibliopolarum,

aut aliorum, qui librariam negotiationem exercent, eos libros, quos tibi  
editurus es, quocunque modo, caractere, aut forma, siue integros, siue  
aliquam eorum partem typis imitari, edere, excudere, aut venundare in  
tra sacri Romani Imperij, Regnorumq; ac Dominiorum nostrorum hæ-  
reditariorum fines triginta annis proximis à primo editionis die compu-  
tandis, absque tuo tuorumve hæredum consensu audeat: Hac autem lega-  
addita, ut tria ut minimùm cuiusque libri exemplaria, quemadmodum  
moris est, ad Imperialem nostram Cancellariam mittantur. Si quis vero  
edictum hoc nostrum transgredi, violare, aut contemnere deprehensus  
fuerit, eum non solùm eiusmodi libris, tibi, hæredibusve tuis, auxilio Ma-  
gistratus, ubicunq. reperti fuerint, vendicandis, priuari, sed triginta etiam  
Marcharum auri puri multa, cuius semissis quidem Fiscus nostri Procura-  
tori, fraudis vindici; alter verò semissis, tibi hæredibusve tuis pendatur, pu-  
niri volumus. Mandantes vniuersis & singulis nostris & sacri Romani Im-  
perij subditis & fidelibus dilectis, tam Ecclesiasticis quàm Politicis, cuius-  
cumque status, gradus aut ordinis extiterint, præsertim verò iis, qui in Ma-  
gistratu constituti, vel suo vel superiorum suorum loco aut nomine, iu-  
dicunt, iustitiàmve exercent, ne quemquam hoc Priuilegium nostrum  
impunè violare, spernere aut negligere patiantur: Sed, si quos contumace  
compererint, constituta à nobis multa, eos puniri & quibuscumque mo-  
dis coerceri curent, ni & ipsimet grauissimam nostram in se conuerterent  
indignationem velint. Id quod hoc Diplomate, manu nostra subscripto  
& Cæsarei nostri sigilli impressione munito, confirmamus. Datum in ar-  
ce nostra Regia Pragæ, die prima mensis Augusti, Anno Domini Millesimo,  
Quingentesimo, Nonagesimo secundo: Regnorum nostrorum Ro-  
mani decimo septimo, Hungarici vigesimo, & Bohemici item decimo  
septimo.

*Subsign.*

**RVDOLPHVS.**

Iacobus Curtius à Senftenaw.

*Ad mandatum sacra Cæsarea M<sup>ti</sup> proprium.*

Io. Baruitius.

*Additum sigillum Cæs. M<sup>ti</sup> in cerâ rubrâ.*

SVMMA PRIVILEGII REGIS CATHOLICI.

**P**HILIPPVS Dei gratia Hispaniarum, &c. Rex Catholicus, diplomate suo sanxit, nequis, Iusti Lipsi Historiarum in alma Vniuersitate Louaniensi Professoris, & item Historiographi sui libros quoscumque, à Censoribus legitimis approbatos, præter ipsius, heredumve eius, voluntatem, intra triginta annos à prima singulorum librorum editione computandos imprimat, aut alibi terrarum impressos, in has inferioris Germania ditiones importet, venalesve habeat. Qui secus faxit, præter librorum confiscationem triginta marcharum auri puri illatione mulctabitur. Vti latius patet in litteris, datis Bruxella, XIV. Febr. M. D. XCVII.

Signat.

Verreycken.

SVMMA PRIVILEGII REGIS CHRISTIANISSIMI.

**H**ENRICVS Dei gratia Galliarum & Nauarra Rex Christianissimus, singulari privilegio sanxit, nequis per Vniuersos Regnorum suorum fines, Iusti Lipsi, quos vel hætenus edidit, vel in posterum editurus est libros, excudere intra decennium præter voluntatem ipsius possit. Qui secus faxit, præter librorum confiscationem, ter mille florenorum illatione mulctabitur; vti latius patet in litteris, datis Parisiis, XIII. Iulij, M. DC. V.

Signat.

Perrochel.


**T**ibi IOANNES MORETE, pro amicitia quæ mihi cum Plantino (heu, quondam meo) & Plantinianis est ac fuit, tibi, inquam, permitto, vti EPISTOLARVM mearum CENTURIAS typis tuis excudas ac diuulges. Nequis alibi alius præter te, cupio siue iubeo, ex lege quam magnus Cæsar & Reges dixerunt.

Iustus Lipsius.





SPECIAL	87B
PA	20914
8545	V.3
Alb	Bound w/
1602	87B 21857
V.3	21864
	22265
	22273
	22304



JUSTI LIPSII  
OPERA

AMSTÆRÆ

1632